

ANG BANTAYOG SA USA KA HINGPIT NGA TAWO



Salamat kanimo, Igsoong Neville. Ang Ginoo magapanalangin kanimo.

Maanindot ang mahibalik dinhi sa tabernakulo pag-usab karong buntaga. Usa ka maabiabihon nga “maayong buntag,” kaninyong tanan. Ug nagasalig ako nga mamahimo kining usa ka maayo kaayong adlaw para kanatong tanan, diha sa—sa Presensiya sa atong Ginoo. Ug karon aduna ako’y usa ka pagtulon-an karong buntaga. Gusto kong modiretso niining maong pagtulon-an, tungod kay usa kini . . . sa hunahuna ko importante kini. Ug usa kini . . . Ug aron nga dili ang mga tawo mahasol ug ayo, nahibalo na mo, kinahanglan nga mopabilin pa og dugay, daghan nang nanindog. Modiretso na ako sa maong pagtulon-an.

² Ug karon, niining gabhiona, gusto kong hisgotan ang mahitungod sa tema nga *Ang Magtutoltol Sa Akong Kinabuhi*. Ug nagalaum ako nga sa daghan nga makahimo, sa ingon kadaghan nga makahimo, ang makaanha nianang higayona karong gabii. Apan, kon aduna kamo’y inyong simbahan, kami . . . siyempre, gusto namong atua kamo sa—sa inyong simbahan. Katungdanan ninyo kana nga maatua didto, kon diin kamo nagapanerbisyo, aron ipadan-ag ang inyong kahayag.

³ Karon, padayon kita nagalaum nga, sa matag higayon sa inyong pagbalik, magkaaduna na kita’y medyo mas luagluag pa nga lugar dinhi. Apan nagkalisod kita niini, oh, bisan asa na. Silang trustee board nangita na ug tanang paagi. Ug nagpasugo sila sa usa ka lugar, ilang uyonan kini; dayon ipadala sa usa pang lugar, ug dili kadto tugotan. Ug ipadala kini balik, ug ilang uyonan kini *dinhing* dapita, ug balik na sab. Oh, daw sa unsa nga panahon nagkaaduna kami! Apan, kabalo na mo, kanunay’ng mabatukon gayud si Satanas sa kung unsay husto. Hinumdumi lang, kanunay husto kamo bahin sa . . .

⁴ Naghunahuna ko kung asa ka na dapit, Anthony. Nagkahimamat kami sa imong amahan. Ug gilantaw ko, dinha sa mga magtatambong. Nag-ingon siya nga nagalingkod ka dinha. Malipayon kami nga makauban ka ug ang imong amahan dinhi kanamo, si Igsoong Milano nga gikan sa New York. Nagalaum ako, nga sa pagbiyahe paingon sa ubang nasud niining higayona, makapanukad pag-usab, pagawas gikan sa New York, o kon asa man didto, kon itugot sa Ginoo.

⁵ Ug busa malipayon kami kaayo alang sa matag usa kaninyo. Maayo—maayo gayud alang kaninyo nga maania dinhi.

⁶ Ug nalipay kami kaayo kagabii, o bisan ako man lang. Nagkaaduna ako’y...[Ang kongregasyon nagaingon, “Amen.”—Ed.] “Ug si Isaias didto sa templo.” Ug busa kamo. . .

⁷ Ug karong buntaga, gusto natong hisgotan ang bahin sa maong tema, o magtudlo, diay, kung mahimo nato, “Ang pagtukod sa buhi nga Tabernakulo; ang pagtukod sa—ang pagtukod sa buhi nga Tabernakulo sa buhi nga puloy-anan sa Dios, ang hingpit nga Tawo; ang buhi nga Tabernakulo sa buhi nga Dios, diin Siya nagapuyo.” Ug kung. . .

⁸ Nasabtan ko nga aduna silay mga maayong pagkantahan dinhi. Wala ko nagkahigayon nga madunggan kini. Ug karong gabii, paningkamotan ko nga makaanhi dinhi. Giingnan ko sa akong asawa ang bahin kang Igsoong Ungren, nagatoo ako nga maoy iyang ngalan, gikan pa didto sa—sa Tennessee. Karon, ania siya dinhi kagabii. Wala ko siya makita karong buntag, apan nagtoo ko nga ania siya dinhi kon asa man. Ug gusto ko siyang madunggan nga nagakanta unyang gabii, kung mahimo ko, kanang, bisa’g hain man sa *Down From His Glory*, o *How Great Thou Art*. Gusto kong madungog kana. Pila man ang gustong makadungog kang Igsoong Ungren? [Ang kongregasyon nagaingon, “Amen.”—Ed.] Oh, ako—gusto kong makadungog og maayong mga pag-awit. Ug nag-ingon si Meda nga siya’y medyo may pagka-baritone. Ug nagapahinumdom kini kanako sa atong Igsoong Baxter; usa siya ka mag-aawit, usab, sa ato nang nasayran. Ug *Down From His Glory*, o *How Great Thou Art*. Nagtoo ko nga nakita ko na siya karon, diha sa. . . Okay lang ba kana, Igsoong Ungren, unyang gabii, kung buot nimo, kung magpabilin ka? Makapabilin ka ba, o mapaningkamotan mo nga mopabilin alang sa maong panerbisyo sa gabii? Bueno, ako—kong. . . Bueno, dili na. . . ang isulti ko nimo, unsa kaha kini, kung atong. . . Dili ko gustong makapalisod kang bisan kinsa man. Apan nganong dili man, kung ingon-ana, kung himoon nato, sa panahon sa paghisgot sa *Ang Pito Ka Selyo*, sa dihang iwali na nato kana, kung moanhi ka. Gusto kong i-teyp kini, nakita n’yo, aron makuha kini, *How Great Thou Art*, ug, usab, *Down From His Glory*, nianang higayona.

⁹ Oh, dili ba maanindot ang pag-alagad sa Ginoo? [Ang kongregasyon nagaingon, “Amen.”—Ed.] Dili ko mahibalo sa kon unsay akong buhaton kung dili pa ako Cristohanon! . . .? . . . Maanindot gayud kaayo nga mahimong usa ka Cristohanon. Gibati ko na lang nga gusto kong molukso-lukso ug mosiyagit, sa pinakataas kong tingog. Ang mahimong Cristohanon, hunahunaa kini, ang tanan nakaangkla na diha kang Cristo!

¹⁰ Nasayod ako sa matag higayon masayup ako sa pagtawag sa ngalan niining maong tawo. Hain man niining S.T. o T.S., o

sama niana. Sumners, si Igsoong Sumner. Siya . . . Gusto kong pasalamat na siya ug ang iyang bililhong gamayon nga asawa. Siguro giabtan siya ug mga, mora kini og, mga unom ka bulan, sa pagmakiniya niining *Pito Ka Kapanahonan Sa Iglesia*. Ug karon ania na kini balik kanato dinhi, namakinilya na, andam na alang sa katapusan nga pagrepaso, ug sa pagpalibro na, *Ang Pito Ka Kapanahonan Sa Iglesia*. Igsoong Sumner, kung asa ka man karon, siguradong tugotan mo kaming bayaran ka namo alang niana. Kadto, nagkinahanglan kadto ug daku nga trabaho. Aba, ingon *niana* kabaga. Pagaabtan ako ug mga unom ka bulan sa paghurot og basa niini, wala pa diha ang kinahanglan pa nga pagbalhin niini gikan sa teyp, ug dayon ibali kini ug pagatangtangan pa kadtong mga nagbalikbalik nga sinulti, ug himoon kini ngadto sa usa ka libro. Andamon namo kini ug ipadala kini dayon ngadto sa printahanan, kay ginahunahuna namo nga usa kini ka butang nga kinahanglan makuptan na sa mga tawo karon mismo, ug matun-an ninyo kini. Ug bagohay lang gipakita ni Billy kanako, sa pagsulod ko balik didto, sa pipila ka minuto ang milabay, nga—nga—nga kadto—nga nahiaman na kadto aron dalhon sa printahanan. Busa, igsoon, bayaran ka sa tabernakulo alang niana. Wala ko nagalaum nga buhaton mo kana alang sa wala. Ug—ug o kon amo man . . . Kung makuha na nato ang maong libro ug kinahanglan nga presyohan kini, o ingon-anang butang, ato kining butangan ug presyo kon diin aduna kay makuha sa dihang ila kining ibaligya, kon unsa man kini. Makig-istorya ka lang sa board, sa trustee board, o sa pipila kanila dinha, ug sila na ang bahala niini alang kanimo. Ang Ginoo magapanalangin gyud kanimo ug maayo.

¹¹ Ang gamayn'g edaran na nga si Igsoong Lalaki ug Igsoong babaye na Kidd nga naglingkod dinhi, mora ug mga ubos lang sa usa ka gatus ang kagulangon, nga medyo lang. Ug gikahibalag ko siya dili pa lang dugay, ug miingon siya, “Bueno, mao na kini siguro ang katapusang higayon ko nga makita ka, Igsoong Billy.” Miingon, “Nagkatigulang na gayud ako.”

¹² Miingon ako, “Oh, sus! Dili ko gustong madungog nga nagasulti ka niana. Mora'g usa ka lang ka diyutay'ng edarang inahan ug amahan.” Gimahal nato si Igsoong lalaki ug si Igsoong babaye na Kidd. Kita, ang matag usa, nagmahal. Ug kini mora ba ug . . .

¹³ Adunay mora og sa kon unsang butang dinhi kanako sa dihang makita ko sila nga nagalakaw pasulod sa simbahan, ug usa ka diyutay'ng tigulang na nga magti-ayon nga susama niana. Ug hunahunaa lang, nagawali na sila sa Maayong Balita sa wala pa ako matawo. Ug usa na ako ka tigulang nga tawo. Bisan pa, hunahunaa lang, nagapangwali na sila sa wala pa ako matawo. Ug ania ako karon, mahunahunaan ko nga nagakatigulang na gayud ako. Hapit ko nang mahunahunaan ang bahin sa paghunong na. Akong makita si Igsoong lalaki ug Igsoong

babaye na Kidd nga pasulod na, “Himaya sa Dios! Alleluya!” Moingon ako, “Dili, maayo na ang gibati ko.” Oo, sir. Ang makita sila, kon giunsa nga mahimo nila, kon daw sa unsa nga ila kang mapadasig gayud!

¹⁴ Dayon imong mahunahunaan nga, halos sa kagulangan ko, doble na, ug unya padayon pa sa gihapon sa maong natad. Mianhi karong buntaga ug naghangyo sa mga libro, kung makadala ba sila og mga libro ug ibaligya kini. Naghangyo og mga teyp, aron sila makasangyaw, mangkabig og mga kalag pinaagi sa pagpadungog niining maong mga teyp, nga halos usa na ka gatus ka tuig ang kagulangan. Karon asa ra man ang inyong “mga duha ka pako” nga atong gihisgotan niadtong miaging gabii? Oo. Nasugdan kong pamalandongan bahin sa, “Asa man ang sa ako?” sa dihang giingon niya kana—kana kagahapon. Pila na ba’y imong, edad Igsoong Kidd? [Si Igsoong babaye na Kidd nagaingon, “Otsentay-uno na ako.”—Ed.] Otsentay-uno na. Pila na imong edad, Igsoong Tom? [Si Igsoong lalaki nga Kidd nagaingon, “Otsentay-dos na.”] Otsentay-uno ug otsentay-dos na ang kagulangan, ug sa gihapon gigamit ang ilang mga pako, sa paglihok, nagapadayon sa gihapon.

¹⁵ Unsa may magka-problema sa Ohio, nga nasayran nianang Igsoong babaye na Kidd, motunog ang telepono sa balay. Sa miaging adlaw, mitawag siya, ug usa ka gamayn’g bata, gamay nga batang babaye, nagtoo ko nga mao kadto, nga natawo, ug anaa sa gawas ang tinae niini. [Si Igsoong babaye na Kidd nagaingon, “Bladder.”—Ed.] Bladder, nga anaa sa gawas sa maong masuso. Ug ang doktor wala na mahibalo kung unsay buhaton bahin niini, ug nahadlok siya sa paghimo sa operasyon. Nag-ampo kami. [“Gioperahan, Igsoong Branham, ug gisulod kini balik, tungod kay, ingon nila, ‘dili na kini mabuhi.’ Ug ila lang gibalik pasulod ang maong tinae.”] Gibalik pasulod ang maong tinae, pinaagi sa operasyon, ug gihunahuna nga dili na kini mabuhi pa. Ug nabuhi kini. [“Walay agianan.”] Walay agianan niadto alang—alang sa . . . gikan sa rectum, alang sa pag-agi sa pagkaon. Ug mitawag pag-usab si Igsoong babaye na Kidd. Giampoan namo pag-usab, ug karon aduna na niini og normal na nga agianan. Ug ania siya karon, ingon nga usa ka tigpamatuod; ang maong doktor, usab. Kita n’yo? Usa kini ka pagpamatuod nga si Ginoong Jesus, ang maong dakung Magbubuhat! Nakita na ninyo kon unsay gipaninguhaan buhaton ni Satanas? Putlon ang kinabuhi nianang maong bata. Ug unya, kita n’yo, dayon nagtoo ko nga miduol ang babaye ngadto sa Ginoog. [“Nagbalik siya ngadto sa Ginoog, didto mismo sa akong pinuy-anan.”] Nagbalik ngadto sa Ginoog. Giagak siya ni Igsoong babaye na Kidd pabalik ngadto kang Cristo, human niining dakung milagro nga nahitabo sa iyang anak.

¹⁶ Aduna ko’y tagog gikan sa California, kagahapon, usa ka gamayn’g ministro didto dapit, nga nakauban ko sa una

kong pag-adto sa California, tuig na ang milabay. Ang iyang gamayn'g apo nahimugso nga adunay—adunay upat. . . tulo ka mga balbula nga sarado sa kasingkasing niini. Ug gisultihan ko siya sa maong kahintang. Miingon ko, “Ang Dios nga mahimong magmugna niining usa pa ug tul-iron kini, sigurado nga mahimong ayohon gayud ang imong apo.” Sultihi lang ang bata mo nga lalake nga magmaisugon.

¹⁷ Ug atua ang maong bata sa panagtigum sa una kong pag-adto sa California, mga dise-otso na ka tuig ang milabay karon, dise-sais na ka tuig ang milabay, sukad niadto. Ug didto ako sa California. Ug siya. . . Ang maong panagtigum nakaimpluwensa gayud sa maong batang lalake hangtud sa. . . Sa dihang nadawat na nila ang ilang anak, ug natawo kini, ug ilang nakita nga adunay problema, naglagum kadto, ug gipaningkamotan nilang bombahan kadto og oxygen, ug uban pa. Ug sa daw dili na kadto mabuhi pa, ug gi-eksamen dayon sa mga doktor, ug nakaplagan nga sarado ang tulo ka balbula sa kasingkasing niini. Wala man lang agianan, kita n'yo, usa—usa lang ka balbula ang nagabomba. Ug iyang gitawag ang iyang daddy, ug miingon, “Daddy, tawaga si Igsoong Branham, karon dayon. Sultihi siya nga ang tanan. . . ‘Hangyoon lang kang Cristo. Iya gayud kining buhaton.’” Mao kana. Oh, sus! Kadtong impluwensiya, kon unsay ilang nasaksihan, kita n'yo, ang atong maong gihisgotan, kagabii. Ang tukmang butang sa tukmang higayon.

¹⁸ Bueno, sa pagpadayon nato sa paghisgot, dili na nato mahisgotan ang maong pagtulon-an, dili ba? Susama ra sa molasses sa usa ka mabugnaw nga kabuntagon, grabe gayud kahagkot, nahibalo na mo, ug nanggipilit-pilit na tanan. Malipayon kita kaayo nga magkaanaa ug ingon nianang pagtipon-tipon. Oo, sir.

¹⁹ Busa karon manghilum kita, karon, ug moadto na sa maong pagtulon-an karon. Ako sigurong. . . Dili ko mahibalo kung inyo kahang makita kana o dili, ang anaa sa pisara. Siguro kung akong tuyokon kana sama *niana*, sa kadali lang, aba, makita na nato, karon, ang uban kaninyo, ngadto. . . [Si Igsoong Edgar “Doc” Branham nagaingon, “Gusto mo bang sugaan kini?”—Ed.] Unsay ingon nimo? [“Gusto ba nimong sugaan kini?”] Dili na, siguro, sa pagkakaran, Doc. Mga unya na lang siguro. [“Diha mismo sa salog, mahimo kong sugaan kini.”] Sige, atong—ato nang buhaton kana sa dihang medyo nakuha ko na'g. . . Masugaan mo ba dinhi? Sige. Atong itutok kini dinha mismo niini. Makita ba ninyo sa may likod dinha? Makita ba ninyo? Kung inyong makita, itaas ang inyong kamot, kung inyong makita kanang pisara, mabasa kana mismo dinha. Dili. Sige. Sugai. Karon, samtang ginaandam nila kana. . .

²⁰ Nagasugod ako nga ulahi na karong buntag; o, dili, dili, mga kinse minutos nga sayo. Ug busa, unya, hinay-hinayon lang nato karon, tungod kay dili nato gustong magdali. Kung ikaw

magdali, nan madaut mo ang mga butang nga imong isulti. Karon, gipaminawan ko ang maong teyp, sa miaging adlaw, sa gikaingon ko na kaninyo, ug naulaw gyud ako sa akong kaugalingon; dili sa kung unsa ang akong gipangsulti, kondili sa pamaaging gipangsulti ko kadto sa paspas kaayo, ug sa nerbiyoso kadto nga tono. Gibati ko nga may ginahulat ako. Kadtong . . .

²¹ Akong—akong bag-ohay pang nakita niadtong miaging adlaw ang lugar kon diin motukod sila ug daku nga zoo, dinhi mismo sa kinatung-an sa Louisville. Ug si Mr. Brown, nagtoo ko nga mao kadto, didtong dapita, mitanyag ug usa ka milyong dolyares para sa maong zoo. Bueno, kung ako anaa niini, ihatag ko na kana kanila aron pangbuhi-an ang maong mga mananap. Ako—ako dili uyon sa pagtangkal sa bisan unsang ingon nianang mga butang nga sama niana. Ako bag-ohay pa . . . Moadto ako sa zoo ug makita silang makalulooy'ng tigulang na nga mga mananap, mga oso, ug mga liyon, ug ingon nianang mga butang, nga nagalakaw pabalik-balik, binilanggo na sa tibuok kinabuhi, nakita ninyo. Mobati ka og dili maayo. Labot pa, gipangdakup sila pinaagi sa kaalam sa tawo nga mas maalamon pa kay kanila. Kita n'yo? Ug ila silang gipangdakup ug gipangpriso sila.

²² Ug nahunahunaan kong ingon niana: ang ginabuhat sa Yawa. Ginapangdala niya ang bililhong mga tawo nga molibot unta sa bantugang mga dapit sa Dios, ug sa mga natad, ug—ug sa mga ingon niana, dayon ibutang siya sulod sa usa ka balay-bilanggoan sa kung unsang denominasyon, o sa kung unsang kredo, o sa kung unsang butang, ug gapuson siya didto. Ug daw sa unsa ka makalilisang nga butang kini.

²³ Ug dili ko gigusto ang mga zoo. Apan bation ko nga daw sama sa usa sa kadtong maong mga mananap, sa dihang tibuok kang gipriso ug nagapaningkamot gayud nga makabuhi, nahibalo na mo, nga—nga makalingkawas aron buhaton ang usa ka butang.

²⁴ Karon, sa dili pa kita moduol sa Pulong, duolon sa' nato ang Tigsulat sa Pulong, samtang atong iduko ang atong mga ulo sa pag-ampo.

²⁵ Among maluloy-on Langitnong Amahan, nagakatigum na usab kami niining buntaga sa Ngalan ni Ginoong Jesus, ang Imong hamiling Anak. Dios, nga nagpakatawo, mianhi sa yuta, alang sa pagpasig-uli tungod sa among mga sala, ug namatay, nga Matarung; aron kami, pinaagi sa Iyang pagkamatarung, ingon nga mga dili-matarung mamahimong hingpit diha Kaniya. Nagaduol kaming nagatug-an nga dili kami takus, Ginoo. Wala gayu'y maayong butang bahin kanamo. Ug anaa kami tanan sa usa ka dakung balay nga bilanggoan. Bisan asa pang suok kami motindog, sa gihapon anaa kaming tanan sa bilanggoan. Walay usa nga makaluwas sa usa pa. Apan, ang Dios, sa

Iyang walay-katapusang kaluoy, mikanaug ug giabrihan ang mga pultahan sa bilangoan, aron luwason kami. Dili na kami nakabilango karon. Wala na kami sa maong zoo sa kalibutan, kondili gawasnon na kami karon. Anaa na kami sa gawas.

²⁶ Oh, daw sa unsa namo Siya gihigugma ug nga ginasimba Siya! Kon daw sa unsa nga kami nagalakaw sa dakung mga natad sa Iyang saad, ug nga makita ang mga niini nga nagakatuman sa atubangan namo! Ug pinaagi sa amo mismong mga mata, makita ang halangdong Dios sa Walay-Katapusan nga ginapadayag ang Iyang Kaugalingon sa atubangan namo, ug ginahimo Niyang matuod ang Iyang Kaugalingon, sama sa Iyang gibuhat sa mga propeta kaniadto. Nga nasayod niini, nga sila nagapahulay na nga may kasigurohan, nga sa umalabot nga adlaw mahibalik kami pag-usab, pagkahuman niining maong kinabuhi, diha sa pagkabanhaw, ngadto sa Kinabuhing Walay Katapusan nga wala na'y pagkahanaw. Ang among mga lawas dili na matigulang. Ug dili na kami mamatay. Ug dili na gayud kami pagagutomon pa. Ug dili na gayud kami manginahanglan pa. Kondili magalakaw kami nga kauban Siya. Gusto namo Siyang madungog nga nagaingon, “Sumulod kamo sa kalipayan sa Ginoo, nga nahiandam na alang kaninyo sa wala pa ang pagkatukod sa kalibutan.” Balik kaniadto sa wala pa misulod ang sala, kon giunsa nga gihimo na Niya ang pag-andam, sama kang Adan ug Eva, nga dili gayud sila magmasakiton o magkaproblema. Ug Iya na kini karon giandam alang kanamo, ug Iya nang nahibaloan daan nga mangabot kami. Ang sala mao ang nahimong dakung babag, ug karon ang sala gitangtang na, pinaagi sa Dugo ni Jesus. Karon, paingon na kami sa Yutang saad, pinaagi sa saad sa Dios, nga sa Walay-Katapusan.

²⁷ Panalangini kami karon, Amahan, samtang magtuon kami sa Imong Pulong. Gusto namong masayran kon unsa kami angay nga klase sa mga tawo, aron nga mahiadto Didto. Tabangi kami karon niining maong pag-eskwela, nga hinaut maania uban kanamo ang maong Master Teacher, ang Balaang Espiritu, nga mokanaug ug ipadayag ang Iyang Kaugalingon kanamo, pinaagi sa Iyang Pulong. Kay amo kining ginapangayo diha sa Iyang Ngalan ug alang sa Iyang kahimayaan. Amen.

²⁸ Karon, ang una, buot ko nga moabli kamo uban kanako ngadto sa Ikaduhang Pedro, sa nahaunang kapitulo. Gusto kong mobasa ug usa ka bahin niining maong Kasulatan, Ikaduhang Pedro, sa nahaunang kapitulo. Ug karon kamo nga adunay mga lapis ug papel. . .

²⁹ Ug nagtoo ko nga gisultihan ako karong buntag nga—nga usahay, sa paglingi ko sa akong ulo palayo gikan dinha, ginapahinay niini ang teyp. Dili ko tuyo nga buhaton kana. Ug nagtoo ako, diha sa usa ka higayon, kung mahunahunaan natong magkaaduna ug usa—usa ka web mike, ug ibitay kini sa alkoba dinhi. Bisan asa ka pa nakapuwesto kung ingon-ana, okay lang.

Mamahimong tukma gyud kini, bisan asa man, usa lang ka mike nga nakabitay sa alkoba.

³⁰ Ug karon, samtang nagahisgot ako; ug kung kamo, human sa panerbisyo, kon gusto ninyo, mahimong isulat ang mga latid dinhi. Unya ako na pud namakinilya kini dinhi. Mokuha ako og tamtaks ug ibutang kini dinhi sa inyong atubangan, kung gusto n'yo nang buhaton kini sa usa ka higayon. Pag-anhi nga sayo pa unyang hapon, aron nga masabtan gayud nato.

³¹ Karon hapit na natong hisgotan ang *Ang Pito Ka Selyo*. Bag-o lang nato nahuman ang *Ang Pito Ka Kapanahunan Sa Iglesia*. Ug kini maoy usa ka Mensahe sa pagpanudlo, nga nagapahilambigit sa tawo, nga pagatubuson sa Dugo ni Ginoong Jesus, ug nga maanaa nianang kapanahonan sa Iglesia, kanang kapanahonan sa Walay Katapusan nga Iglesia sa kinatumyan sa mga Selyo. Karon nahibaloan nato nga adunay Pito Ka Trumpeta, Pito Ka Hampak, Mga Panaksan, ug uban pa, nga atong mahisgotan, sa atong pagpadayon. Apan nagapaabot kita alang sa mas luag nga lugar aron nga ang mga tawo makalingkod na.

³² Karon, ug nahunahunaan kong magdugtong kini sa akong ginapaabot. Wala ko gidahum nga maporma ko kining maong laraw, apan niadtong miaging adlaw kauban ko ang pipila sa akong bililhong mga higala, ang mga Cox, didto sa Kentucky. Miadto ko didto, nakahunahuna nga tingali makakuha pa ug usa ka adlaw sa pagpangayam og mga squirrel sa dili pa mahuman ang panahon niini. Ug didto ako sa kalasangan uban ang akong higala, si Charlie, nga nagatindog dinha, ug si Rodney, nga iyang igsoon. Wala gani ko kakita og usa ka squirrel. Siguro napahadlok ko sila palayo, sa dihang misinggit ako didto sa kakahuyan. Mao kini kung unsay miabot kanako, mga kalalaken-an, ug—ug Igsoong Nellie ug Margie, ug sa dihang giingnan ko kamo nga isulti ko kaninyo sa Domingo pag-nahisgotan ko na kini. Mao kana kon unsay miabot kanako, mahitungod sa mensahe nga akong pagahisgotan. Ug kung giunsa nga ang uban pa niini midugtong mismo niini! Ug, oh, gusto nako kana. Nagkaaduna ko og usa—usa ka tinuod—tinuod nga espiritu sa pagsinggit, didto sa maong mga kakahuyan.

³³ Busa karon, basahon na nato karon, Unang Pedro, o... Ikaduhang Pedro, diay, sa unang kapitulo, ang bahin Niini.

Si Simon Pedro, ulipon ug apostol ni Jesus Cristo, nganha kanila nga nanagpakadawat sa sama nga hamili nga pagtoo uban kanamo diha sa pagkamatarung sa Dios ug sa atong Manluluwas nga si Jesus Cristo:

³⁴ Nagustuhan ko ang paagi nga pagkahisgot mismo dinha, tungod kay ang tibuok kong tema niining kabuntagon nakabasi sa pagtoo. Kita n'yo? Basahon ko kana pag-usab. Paminaw og maayo.

Si Simon Pedro, ulipon ug apostol ni Jesus Cristo, nganha kanila nga makadawat—nanagpakadawat sa sama nga hamili nga pagtoo. . . diha sa pagkamatarung sa Dios. . . ang atong Manluluwas ug nga si Jesus Cristo:

³⁵ Himatikdi, siya nagaingon, nga, “Nadawat ko kining maong pagtoo, ug ako kining ginapahinungod ngadto kanila nga nakadawat ug maong susamang hamili nga pagtoo.” Gusto kong. . . Dili kini alang ngadto sa taga-gawas. Alang kini ngadto sa maong Iglesia, kita n’yo, kadtong mga anaa na kang Cristo.

Ang grasya ug kalinaw ipadagaya kaninyo diha sa pag-ila sa Dios, ug (pinaagi) kang Jesus Cristo nga atong Ginoo,

Sa nakita nga ang iyang diosnong gahum nag-hatag kanato sa tanang mga butang. . . ang iyang diosnong gahum karon nag-hatag kanato sa tanang mga butang mahitungod sa kinabuhi. . . sa pagkadiosnon, pinaagi sa pag-ila kaniya nga nag-tawag kanato ngadto sa iyang himaya ug maayong gawi:

Nga tungod niana kita iyang gikahatagan. . . gikahatagan kita sa dagku gayud ug hamiling mga saad: aron nga pinaagi niini (niining mga saad) mag-umalambit kita sa diosnong kinaiya, . . .

³⁶ Itugot nga mahisunop kana karon nga mas lahum pa. Dili kita nagawali karong buntaga; ato lamang ginatudlo kining maong pagtulon-an. “Diosnong kinaiya.” Akong basahon kanang ika-4 nga bersikulo pag-usab karon, aron dili mo mosipyat niini. “Tungod niana kita iyang gikahatagan. . .”

Nga tungod niana kita iyang gikahatagan sa dagku gayud ug hamiling mga saad: aron nga pinaagi niini (niining mga saad) mag-umalambit kita sa diosnong kinaiya, sa nalikayan na ang pagkamadunoton nga ania sa kalibutan tungod sa kailibgon.

³⁷ Kita n’yo, “ang kalibutan,” nakaikyay na kita niana karon. Iya kining ginapahinungod ngadto sa Iglesia. Mao kana kon ngano nga ania kita dinhi niining buntaga, mao ang paghibalo kon unsa ang pamaagi, kon unsa ba ang gikinahanglan sa Dios. Walay usa ka tawo dinhi, nga nahigugma sa Dios, nga dili gustong—gustong mamahimo pang sama kang Cristo. Karon nailatag kini dinhi. Ang matag Cristohanon! Usa na ako ka tigulang nga beterano. Tan-awa si Igsoong lalaki ug Igsoong babaye nga Kidd dinhi, sila na tingali ang pinakatigulang sulod sa gambalay. Apan kung pangutan-on ko sila, “Unsa man ang gipangandoy sa inyong kasingkasing?” Mamahimo kining, “Ang mas mahaduol pa sa Dios.” Sa dihang makaila ka kang Cristo, aduna gyu’y butang Kaniya nga kahiligugmaon gayud, paningkamotan mo gayud nga makasulod mismo Kaniya.

³⁸ Pasayloa ko niining maong panultihon. Giingnan ko ang akong asawa, dili pa lamang dugay dinhi, siya...parehas kaming nagkatigulang na, ug giingnan ko siya, ingon ko, “Gihigugma mo ba ako sama sa paghigugma mo kanako sa kaniadto?”

Miingon siya, “Ginahigugma ta gyud ka.”

³⁹ Ug miingon ko, “Kabalo ka, ginahigugma ta gyud ka nga gusto kong kuhaon ka ug birahon ka pasulod kanako, aron nga kita mamahimo, gayud, mamahimong usa na, gayud.”

⁴⁰ Karon, kana, pilo-piloo kana diha sa usa ka gatus ka milyon, ug inyong mahibaloan dayon kon unsa nga ang magtotoo, nga nahigugma kang Cristo, gusto gayud nga mosulod ngadto Kaniya, tungod kay usa kini ka paghigugma. Ug dinhi Iyang ipakita kanato kon unsaon nga, pinaagi niining maong mga saad, mamahimo kitang mag-aambit sa Diosnong kinaiyahan ni Cristo. Sa niining, mortal nga lawas, kon unsa nga mamahimo kitang mga mag-aambit.

⁴¹ Mosulti ko tingali ug usa ka butang dinhi. Ang hinungdan nga nagatoo ako...Karon adunay usa nga gipakasayup gayud ako, dinhi dili pa lang dugay. Nakadawat ako’g sulat gikan sa asosasyon sa mga ministro, nga nag-ingon nga ako kuno nagtoo nga adunay...“Nga kita soul mated. Ug nga kinahanglan natong biyaan ang atong kapikas kung dili kita magka-soul mate diha kanila, aron magminyo ug lain pa nga ka-soul mate nato.” Oh, sus!

⁴² Miingon ako, “Dili ko sad-an sa usa ka supak nga pagtulonan nga susama niana.” Dugay na akong supak niana. Ako—ako wala nagatoo niana. Wala gayud. Nagtoo ako nga ang Dios nagahatag kanato og kapares. Tinuod kana. Ug dayon mamahimo kitang kabahin sa usa’g usa. Husto kana. Ug sa dili pa magminyo ang usa ka lalaki, kinahanglan niyang hunahunaon kining maong mga butang, tun-an kini.

⁴³ Usa ka batan-ong lalaki ang nangutana kanako sa miaging adlaw, miingon, “Sa hunahuna mo ba nga mahimo ko nang, kinahanglan ko nang magminyo, Igsoong Branham, sa *ingon niini-ug-ingon nianang* babaye?”

Miingon ko, “Unsa man kadaku ang paghunahuna mo kaniya?”

Miingon siya, “Oh, sus, gihigugma ko gayud siya.”

Miingon ako, “Bueno, kung dili ka mabuhi nga wala siya, mas maayo pa nga minyoan mo na siya kung ingon-ana. Apan kung mabuhi ka man nga wala siya, mas maayo nga dili gayud. Gani, kung kini mopatay man kanimo, mas maayo pa nga imong—mas maayo pa nga imong ipadayon ug pagminyo na,” ang ingon ko. Ug mao kadto ang gusto kong ipasabot kaniya, sa niini, niana, kung gihigugma mo gayud siya!

44 Karon, mismo karon, nga dili ka pa minyo, hayahay ang tanan ug maayo gayud. Apan human sa imong pagminyo, nagaabot na dayon ang mga kabudlayan ug ang mga pagsulay sa kinabuhi. Dinha kon diin kamo kinahanglan nagahigugmaanay gayud nga nagkasinabot kamo sa usa'g usa. Sa dihang napalaw ka kaniya, siya napalaw pud kanimo, nagkasinabot kamo sa gihapon sa usa'g usa.

45 Ingon niana kini diha kang Cristo. Kita n'yo? Kinahanglan nga nahigugma gayud kita Kaniya, aron sa dihang mangayo kita og unsa mang butang, ug dili Niya kini ginahatag kanato, dili kana nagapatay-og kanato bisa'g diyutay. Kita n'yo? Kita n'yo? Ngano man? Ug ang paagi lamang nga inyong mabuhat kana, mao ang mamahimong mga mag-aambit sa Iyang Diosnong kinaiya, nan inyong masabtan ang hinungdan nga dili Niya mahimong ihatag kini kaninyo. “Mag-aambit sa Iyang Diosnong kinaiyahan.”

46 Ug tan-awa dinhi, “Sa nalikayan na ninyo ang pagkamadunoton nga ania sa kalibutan tungod sa kailibgon.” Nalikayan na kini! Tan-awa kung alang kini ngadto? Alang kini ngadto sa Iglesia, kanila nga anaa na kang Cristo, nga gituboy na ibabaw niining mga butang. Dili nga siya ang nagtuboy sa iyang kaugalingon, kondili si Cristo nga nagtuboy kaniya.

47 Sa akong itum nga mga kaigsoonang lalaki ug babaye nga ania karon dinhi niining buntaga, dili ko tuyo nga makapasakit. Apan, didto sa usa ka panagtigum sa usa ka higayon kaniadto, wala ko kahibalo kung nasulti ko na ba kini sa tabernakulo. Naestorya ko na kini sa daghang mga lugar. Adunay usa ka itum nga igsoong babaye nag-ingon, “Puwede ba akong mohatag og testimonya, o magpamatuod?”

“Sige, igsoon, ipadayon.”

48 Siya miingon, “Gusto kong ihatag kining testimonya alang sa kahimayaan sa Dios.” Siya miingon, “Kabalo mo, ako—dili pa ako mao kung unsang angay gayud,” ug siya miingon, “Ako—dili pa ako mao kung unsay akong gustong mamahimo, apan,” siya miingon, “usa ka butang ang sigurado, dili na ako mao kung unsa ako kaniadto.” Kita n'yo? May gigikanan siya. Nahituboy na siya.

49 Mao kana kung unsaon natong mahibaloan nga nakalabang na kita gikan sa kamatayon ngadto sa Kinabuhi. Ginalantaw nato ang tunaan kon diin kita gihaw-as gikan. Kita n'yo? Dili kita mao kung unsa'y gusto natong mamaingon; dili pa kita gani mao kung unsay angay gayud; apan adunay usa ka butang nga tungod niini mapasalamaton kita, dili na kita mao kung unsa kita kaniadto. Husto kana. Paingon na kita.

50 “Ug sa nalikayan na ang pagkamadunoton nga ania sa kalibutan.” Nga nalikayan na kana, ang kailibgon ug pagkamadunoton nga ania sa kalibutan, kamo'y anaa na

sa ibabaw niana. Karon kana'y—karon kana ang maong klase sa tawo nga Iyang ginasultihan, ang maong tawo nga nakaikyasa na niining maong mga butanga, kita n'yo, ang mga pagkamadunoton nga ania sa kalibutan.

Ug tungod niining maong hinungdan, sa paghimo sa tanan ninyong paningkamot, ipuno ngadto sa inyong pagtoo ang kaligdong; ug sa kaligdong ipuno ang kahibalo;

Ug sa kahibalo ipuno ang pagpugong sa kaugalingon;. . .sa pagpugong sa kaugalingon ipuno ang pagpailub;. . .sa pagpailub ipuno ang pagkadiosnon;

Ug sa pagkadiosnon ipuno ang pagbati nga inigsoon; ug sa pagbati nga inigsoon ipuno ang gugma.

⁵¹ Karon Iyang gihatag kanato dinhi ang laraw dinhi sa kung unsay buhaton, mahibaloan kung unsaon pagbuhat niini. Karon, sa gikaingon ko na, tanan kita nagapaningkamot nga mahiduol pa gayud sa Dios. Mao kana kon ngano nga gipili ko kining maong Mensahe alang niining buntaga, alang sa iglesia, nasayod nga ang mga tawo mobiyahe pa. Kay kagabii, ang ingon ko, “Pila man ang ania dinhi, ang mga taga-ubang lugar?” Mga nobenta’y otso porsyento sa mga tawo, ang mga taga-ubang lugar. “Pila man dinhi ang gikan pa sa usa ka gatus ka milya ang kalay-on?” Aba, milapas pa, siguro, otsenta porsyento. “Pila man dinhi ang gikan pa sa sobra sa lima ka gatus ka milya ang kalay-on?” Ug hapit na sa usa—usa ka ikatulo ka bahin sa mga tawo ang ania dinhi gikan sa sobra sa usa ka gatus, lima ka gatus ka milya ang kalay-on. Hunahunaa kini, ang mga tawo nga nagabiyaha. Bueno, kanang mga tawo wala nagaanhi sa iglesia nga ingon niana aron lang nga makita. Wala’y. . .sama sa makita sa taga-gawas sa kalibutan nga walay bisan unsa man nga maanindot sa palibot niining lugara. Mga ordinaryong tawo silang tanan, kabus, yanong binistihan. Walay bantugang mga alawiton gikan sa kung unsang mga nagpakaaron-ingnon nga mga Anghelon nga mga mang-aawit, wala’y mga pipe organ, ug kung unsang mga stained glass windows. Maglisod ka na nga makalingkod sa lingkuranan ug nanggitindog na sa kilid sa mga bongbong. Wala sila nagaanhi alang sa ingon nianang mga butang. Apan nagaanhi sila tungod kay sa sulod kanila adunay butang nga makakita ug katahum nga dili makita sa usa ka natural nga mata. Usa kini ka espirituhanong mata nga makakita sa pagkamaanindot ni Cristo. Mao kana nga nagaanhi sila.

⁵² Busa, sa mga adlaw nga wala pa ang atong panerbisyo, kanunay akong nagaampo. Moadto sa kakahuyan, ibalon sa akong bulsa. . . Moingon sa asawa ko, “Magapangayam ako og mga squirrel karong buntag.” Ug sudlan ko ug lapis ug pinalid

nga mga papel ang akong bulsa. Sa dihang landag na og makita na ang palibot, nagalingkod na ako nga nakasandig sa kahoy sa kung asa man, nga nakataas ang akong mga kamot, ug nagaingon, “Ginoo, unsa may akong mahimong buhaton karong adlaw? Unsa may Imong igahatag kanako alang sa Imong kaanakan?”

⁵³ Dayon sa dihang mapunting ko ang butang nga daw sa nagadilaab, nagaabot nga daw susama niini. Sa dihang nagakahiduol na ang Iyang Presensiya, mosugod na ako nga makadungog og butang nga daw gikan pa sa halayo, usa ka butang nga sama niini. “Duha pil-on kaduha mahimong upat.” Nga paduol pa, “Duha pil-on kaduha mahimong upat. Duha pil-on kaduha mahimong upat.” [Ginapaspasan ni Igsoong Branham ang kada pagsulti balik niini—Ed.] Padayon, nga padayon, nga padayon, nga sama niana. Iyang Presensiya na kini nga nagaabot.

⁵⁴ Itugyan mo ang imong kaugalingon, ug taudtaod wala ka na sa imong kaugalingon. Nagaabot na ang usa ka panan-awon, “Adtoan mo ang *ingon niini-ug-ingon niana* nga lugar, ug *ingon niini-ug-ingon niana* nga butang.” Kita n’yo? Nagasugod lang, gikan sa pagpatunong sa imong hunahuna sa Dios, wala sa kalibutan, halayo sa kalibutan, didto sa kamingawan, nga nag-inusara sa imong kaugalingon.

⁵⁵ Ug nagasugod kini sa pag-abot, “Usa, usa. . .” Moingon ako, unsa man nga numero, o unsa mang butang, butang lang gayud nga nagasugod sa inanay, hinayhinay nga nagaabot. Dayon nagaabot nga nagaabot na kini sa paspas, nga mas paspas pa. Nagalingkod ka didto ug nga gipataas ang imong mga kamot, walay unsa man nga ginasulti, nga nakataas lang ang imong mga kamot. Ang una mong masayran, miganoy na ang tibuok mong pagkatawo. Dayon makita mo na ang mga butang nga gusto Niya nga imong masayran, ginapakita kanimo ang umalabot nga mga butang.

⁵⁶ Usahay moabot kini ngadto sa usa ka punto, hangtud ngadto sa usa ka punto, ug dayon mohunong kini. Dili kini nagasangpot ngadto sa usa ka panan-awon. Dungan na lang dayon nga nagaagas ang mga Kasulatan. [Ginapapitik ni Igsoong Branham ang iyang mga tudlo sa makatulo ka higayon—Ed.] Akong kuhaon ang akong lapis, aron dili ko kini malimtan, ug isulat kini, isulat kini.

⁵⁷ Ug mouli ako ug susihon kini, ug tun-an kini. Ug usahay wala kini kahulogan kanako sa dihang basahon ko kini. Ug unya, taudtaod, ania na kini! Nagaabot na kana, ug mawala na usab kini. Unya mokuha ako og gamayn’g sulatanan nga sama *niini*, ug sugdan dayon sa pagsulat, sa ingon ka paspas nga mahimo ko, sa kung unsay ginaingon Niya kanako. Sa hunahuna ko, “Ginoo, moadto ako sa tabernakulo ug isulti ko kanila. Ako. . .

‘Mangadto kita.’ Aduna ako’y butang para kanila.” Bueno, sa ingon-anang pamaagi kini nagaabot. Eksakto kana. Gawas, una, nga Iya kining ginahatag kanako, dili ko kini mahipaambit.

⁵⁸ Busa, dayon, basi niining mga diyutayn’g mga sinulat nga inyo akong makita nga ginatan-aw. Ug kini, una, ang gisugdan ko, wala ko nakuha kining bahina dinhi hangtud karong mga usa o duha ka adlaw lang ang milabay, didto sa mga kakahuyan.

⁵⁹ Karon, kining mga tawo maoy—maoy . . . Nagaingon si Pedro, dinhi, kon unsaon nga kinahanglan mahimo kitang mag-aambit sa Iyang Diosnong kinaiya. Karon, ang matag-usa kanato nagapaningkamot nga mahamtong ngadto sa bantayog sa Dios.

⁶⁰ Karon, human nga mahisgotan nato ang Pito Ka Selyo, unya, sa panahon na sa pagtingog sa Ikapito Ka Selyo, o ang pagbadbad na . . . Siyempre, nasayod kita kon unsa ang selyo, mao ang pagpahigawas sa maong ministerio, ang pagbadbad sa Pito ka Selyo. Ug makita nato kana mismo sa chart. Maoy pagpahigawas sa usa ka Mensahe, ang butang nga kaniadto gikaselyohan.

⁶¹ Sa miaging Domingo sa gabii, miwali ako bahin sa, “Ang Yawi.” Ug ang yawi mao ang pagtoo. Ang pagtoo ang nagahawid sa yawi, ug ang yawi mao ang Kasulatan. Ug si Cristo mao ang Pultahan. Kita n’yo? Busa ginaabrihan sa pagtoo ang mga gagmayn’g mga bisagra sa Kasulatan ug ginaabrihan ang kahimayaan ug ang kamaayo sa Dios, ngadto sa Iyang mga katawhan. Kita n’yo? Busa, kini, ang pagtoo ang nagahawid sa yawi nga maoy nagaabli kang Cristo ngadto sa mga tawo; ginabuksan kini, ginapadayag kini.

⁶² Busa, karon, paningkamotan nato nga gamiton ang mao rang yawi, sa pag-abli sa maong dalanon aron mamahimong usa ka maligdong nga Cristohanon sa bantayog sa Dios, nga, ug nga mamahimong buhing Tabernakulo alang sa buhing Dios nga mopuyo sulod niini.

⁶³ Hinumdumi, nagapadayag ang Dios sa Iyang Kaugalingon sa tulo ka pamaagi. Sa unang higayon, Iyang gipadayag ang Iyang Kaugalingon diha sa Haliging Kalayo, gitawag kadto nga Pagka-amahan. Dayon ang kanang mao ra nga Dios, napadayag diha kang Jesus Cristo, nga gihimoan Niya ug usa ka lawas, gihimo kining maong lawas. Ang ikatulo, pinaagi sa pagkamatay nianang maong lawas, gibalaan Niya ang usa ka Iglesia nga mahimo Niyang puy-an. Ang Dios kadto nga ibabaw kanato; Dios nga kauban nato; Dios nga anaa sa sulod nato; ang mao ra nga Dios.

⁶⁴ Mao kana ang hinungdan nga gitawag kini ug Amahan, Anak, Espiritu Santo. Dili tulo ka Dios; tulo ka opisina sa usa ka Dios. Kung nahunahunaan lang unta nila kana didto sa Konseho sa Nicea, dili na unta kita nagkalamukat pa, dili ba? Husto kana. Dili tulo ka dios. Dili makasabot ang mga tawo

kung giunsa nga nag-estorya si Jesus ngadto sa Amahan, ug Siya ug ang Amahan Usa ra. Bueno, dinha ang kinatibuk-an niini. Siguradong, ginapadayag lang gayud kini. Mao gyud. Kita n'yo? Dili kini tulo ka Dios. Tulo ka opisina! Tulo ka- . . .

⁶⁵ Unsa man kini? Ang Dios nga nagakanaug ngadto sa Iyang kabuhatan. Gusto sa Dios nga simbahon Siya. Ang pulong nga *Dios* nagkahulogan og “butang nga pagasimbahon.” Ug Dios kini nga ginakondisyon ang Iyang mga katawhan, aron makuha Niya gikan kanila kung unsa ba’y Iyang katuyoan nga gibuhat Niya sila. Wala ka gayud Niya buhata aron mahimong unsa pa man gawas nga mahimong usa ka anak nga lalaki ug anak nga babaye sa Dios. Kung dili ka nahimong ingon-ana, ingon nga anak nga lalaki ug anak nga babaye sa Dios, nasipyat ka pag-igo sa maong puntinganan.

⁶⁶ Ug ang “pagsipyat,” ang pulong nga *s-a-l-a* nagkahulogan og “pagsipyat sa puntinganan,” nasipyat sa puntinganan. Dayon, kung aduna ko’y pusilon nga target, ipunting ang bala sa gilayon nga singkuwenta ka yardas, ug pusilon ko; gikasa ko ang pusil ug mitiro, ug nasipyat nako ang pag-igo niini, diha sa upat o lima ka pulgada, unsa may nahitabo? Ang pusil ko nanginahanglan og pagtul-id. Adunay butang nga depektado. Ug kung nasipyat ako sa pagtoo diha sa Dios, kung nasipyat ako isip usa ka Cristohanon. . . Gibutang ka sa Dios dinhi aron mamahimong usa ka Cristohanon. Kung napahilayo ka ngadto sa usa ka daplin, pagbalik ug magpatul-id. Ug aduna lamang usa ka butang nga makatul-id kanimo, kana mao ang Kasulatan. Ang Balaang Espiritu diha sa Kasulatan, nagatul-id kanimo, nagadala kanimo deretso ngadto sa maong target pag-usab. Husto kana.

⁶⁷ Karon, magatuon kita sa Iyang Pulong. Si Esteban miingon, diha sa Mga Buhat 7, ug diha usab sa . . . Atong basahon lamang kana. (Ang pagahisgotan bahin karon, atong ginahisgotan ang bahin sa Tabernakulo sa Dios.) Karon, si Esteban miingon. . . (Isip, nga mamahimo kining usa ka buhi nga Tabernakulo sa buhing Dios.) Si Esteban miingon, sa Mga Buhat ika-7 nga kapitulo, ug nagtoo ako nga kita. . . Sa Mga Buhat 7, sugod sa mga ika-44 nga bersikulo.

Ang atong mga ginikanan may tabernaculo sa pagpamatuod didto sa kamingawan, ingon sa iyang gisugo, sa nagsulti siya kang Moises, nga pagabuhaton kini subay sa sumbanan nga iyang nakita.

Nga sa ato usab mga ginikanan, sa atong mga ginikanan nga nangabot sunod gidala nila dinhi. . . ni Josue ngadto sa ilang gipanag-iyang kayutaan sa mga Gentil, nga gipanghinginan sa Dios sa atubangan sa atong mga ginikanan, hangtud sa mga adlaw ni David;

Nga nakakaplag og grasya sa atubangan sa Dios, ug nangayo nga makakita og puloy-anan alang sa Dios ni Jacob.

Apan si Solomon mao na'y nagpatukod og balay alang kaniya.

Bisan pa niana ang labing Hataas wala magpuyo sa mga balay nga hinimo'g mga kamot; sumala sa ginaingon sa profeta,

Ang langit mao man ang akong trono, ug ang yuta maoy tumbanan sa akong mga tiil: Unsa pa mang balaya ang inyong tukuron alang kanako? nagingon ang Ginoo: o unsa pa man ang dapit nga akong pahulayanan?

⁶⁸ Karon diha sa . . . Karon, “ang tabernakulo,” siyempre, maoy, usa ka lugar nga atong ginaadtoan sa pagpahulay, karon, makapabaskog, ug uban pa, sama sa pagpahulay sa pagkatulog, o uban pa. Karon, Mga Hebreohanon 10, ug sa ika-5 nga bersekulo, ginapasulod kini ni Pablo.

Tungod niana sa pagtungha na niya sa kalibutan, siya miingon, Ang Halad . . . (Si Cristo kana.) . . . Ang Halad ug gasa wala mo tinguhaa, kondili usa ka lawas kanako imong gitagana:

⁶⁹ Unsa man ang Tabernakulo karon? Usa ka Lawas, ang Dios nga nagapuyo diha sa usa ka Lawas.

⁷⁰ Ang Dios sa una, nga anaa sa hitaas kaayo, sa dihang mokanaug Siya sa bukid, bisan gani ang usa—usa ka lakeng baka or baka nga baye mahitamak sa bukid, kinahanglan kini patyon. Balaan ang Dios.

⁷¹ Kagabii, sa dihang gitabonan sa mga Angel ang Ilang mga nawong. Balaang mga Seraphim nga may balaang mga nawong, wala gani masayod kung unsay kahulogan sa sala, ug gikinahanglan Nilang tabonan ang Ilang nawong, diha sa Presensiya sa Dios; tabonan ang Ilang mga tiil, uban sa pagpaubos.

⁷² Karon, ang balaang Dios dili makapalabay sa sala, mao nga wala'y makatamak sa maong bukid kon diin atua ang Dios.

⁷³ Dayon nahimong unod ang Dios ug miipon uban kanato, sa pormang si Jesus Cristo, ang Iyang Anak, ang Iyang binuhat. Dayon gibuhis nianang maong Anak ang Iyang kinabuhi, ug nasip-ak ang selula sa Dugo sa Dios, aron nga ang Kinabuhi makagawas gikan sa maong Dugo, paingon ngadto kanato.

⁷⁴ Pinaagi nianang maong Dugo nangalimpyohan kita. Ug karon ang atong dugo, ang atong kinabuhi, nga miabot sa pagkinabuhi pinaagi sa pangibog nga pakighilawas, ang nagdala sa atong kinabuhi dinhi sa kalibutan. Ang Dugo ni Jesus Cristo mao'y nagalimpyo kanato, ginausab ang atong mga kinaiya,

pinaagi sa pagpadala diha kanato sa Balaang Espiritu; unya nahimo kitang Diosnong kinaiya sa Dios, dayon nahimo kitang usa ka puloy-anan sa Dios. Si Jesus miingon, “Niadtong adlaw kamo makaila nga Ako anaa sa Amahan, ug ang Amahan ania Kanako; nga Ako anaa kaninyo, ug kamo ania Kanako.” Kita n’yo?

⁷⁵ Hibaloa kung giunsa nga ang Dios anaa sa Iyang Iglesia. Ang Iglesia mao unta karon ang nagapuli sa dapit ni Cristo, nga ginapadayon ang Iyang ministerio. “Ang nagatoo Kanako, magabuhat sa mao usab nga mga buhat nga ginabuhat Ko. Apan sa dili madugay, ug ang kalibutan dili na makakita Kanako; apan kamo makakita ra Kanako, kay Ako magauban kaninyo; maanaa gani kaninyo, hangtud sa katapusan sa kalibutan.” Kita n’yo? Mao kana, nga ginapadayon ang Iyang buluhaton.

⁷⁶ Karon, ang Dios, o ang Biblia naghisingot dinhi, niana. Naghisingot si Esteban mahitungod kang Solomon nga nagapatukod sa templo, “Ug ang Labing Hataas wala magpuyo sa mga balay nga hinimo’g mga kamot. ‘Kay ang Langit mao man ang Akong Trono, ug ang kalibutan maoy tumbanan sa Akong tiil. Ug asa man ang dapit sa Akong pahulayanan?’ ‘Apan usa ka Lawas Kanako Imong gitagana.’” Amen. Tan-awa.

⁷⁷ “Usa ka Lawas Kanako Imong gitagana.” Nagapuyo ang Dios diha sa bantayog sa usa ka tawo, gina-replektar Niya ang Iyang Kaugalingon nianang maong Pagkatawo. Ang hingpit gayud nga pagsimba! Ang Dios nga ania sulod kanato, isip Iyang Tabernakulo, ang maong Dios nga nagapadayag. Oh, daw sa unsa nga mahimo kitang mopadayon hangtud nga daw sa dili na kita makaginhawa dinhi, tungod sa kainit. Himatikdi, nga, ang Dios kanunay, sa tanang panahon, gireplektar ang Iyang Kaugalingon diha sa tawo.

⁷⁸ Dios kadto ang atua kang Moises. Tan-awa siya, natawo nga usa ka pangulo; si Cristo. Sa panahon sa iyang pagkatawo adunay pagpanglutos sa mga bata, sa pagpangita kaniya; sama usab kini kaniadto kang Cristo. Ug siya—siya napahilingkawas niadtong maong panahon; mao man usab si Cristo. Magbubuhat siya sa kasugoan; mao man usab si Cristo. Mitungas sa bukid si Moises, sulod sa kuwarenta ka adlaw, ug gikuha ang mga kasugoan, ug milugsong. Si Cristo miadto sa kamingawan, sulod sa kuwarenta ka adlaw, ug mibalik, nga nagaingon, “Hingdunggan ninyo nga ginaingon sa mga karaan, ‘Ayaw kamo pagpanapaw.’ Apan, sultihan Ko kamo, nga bisan kinsa ang nagatan-aw sa usa ka babaye, sa pagkaibog kaniya, nakapanapaw na uban kaniya.” Kita n’yo? Tanan niining nagkalainlaing mga butang, nga, gina-replektar sa Dios ang Iyang Kaugalingon.

⁷⁹ Tan-awa si Joseph, natawo nga usa ka espirituhanong bata taliwala sa—sa usa ka panon sa mga managsoon. Mga maayo

silang tanan nga mga kalalaken-an, mga patriarka silang tanan. Apan, sa pag-abot ni Joseph, lahi gayud siya. Makakita siya'g panan-awon, mohubad ug damgo, ug gikapungtan siya sa iyang mga igsoon tungod niana. Tungod sa mao mismong buluhaton nga niini gibutang siya sa Dios sa kalibutan aron buhaton, gikapungtan siya sa iyang mga igsoong lalaki tungod niini. Kita n'yo? Ug kining tanan nagatudlo ngadto didto sa krus. Ug, tan-awa, siya gibaligya sa kantidad nga halos katloan ka buok nga salapi, sa iyang mga igsoon. Gihulog ngadto sa gahong, aron mamatay, sa iyang mga igsoon. Gihaw-as gikan niadtong maong gahong, ug nahimo ug naglingkod sa tuong kamot ni Faraon. Ug wala'y tawong makaduol kang Faraon, nga maoy nagkontrola sa kalibutan niadtong adlaw, wala'y usa nga makaduol kang Faraon, pinaagi lamang kang Joseph. Wala'y tawong makaduol sa Dios, pinaagi lamang kang Cristo. Ug sa dihang mobiya si Joseph sa palasyo, sa dili pa siya mobiya, adunay ginapatingog nga trumpeta, ug ang mga sulogoon modagan sa iyang unahan, mosinggit, "Mangluhod kamo! Paanhi na si Joseph!" Bisan asa ka man, o bisan unsa pa ang imong ginabuhar, bisan unsa pa ka importante ang imong ginabuhar; kinahanglan nga moluhod ka gayud hangtud nga moabot si Joseph.

⁸⁰ Ug sa dihang motingog na ang maong trumpeta, usa sa mga adlaw karon, ang tanang tuhod manggiluhod ug ang tanang dila magadayeg. Sa dihang si Cristo, ang atong Joseph, mobiya sa Kahimayaan ug moanhi na, dili na importante ang imong ginabuhar nianang tungora. Magaluhod ang tanang tuhod, ug pagadayegon Siya ingon nga Anak sa Dios. Husto kana.

⁸¹ Oh, daw sa unsa nato Siyang makita diha kang David! Kung unsa nga si David, usa ka gisalikway nga hari, gipalagpot sa iyang trono, sa iyang mga kaigsoonan, sa iyang kaugalingong anak, milingkod didto sa bukid sa Olibo, sa dihang misaka siya didto, didto sa kinaibabwan sa Bukid sa Olibo, milingi ngadto sa Jerusalem ug mihilak; kay didto ang kaugalingon niyang mga katawhan, nga iya silang giserbisyoan ug gitudloan mahitungod sa Dios, ug ang mismo niyang mga katawhan misalikway kaniya ug gibato siya sa kung unsang mga butang, gilud-an siya ug gibugalbugalan pa, sa dihang pasaka na siya niadtong maong bukid ug gisalikway na. Oh, daw sa unsa ka mao gayud sa Anak sa Dios, walo ka gatus ka tuig human niadto; usa ka gisalikway nga Hari, sa taliwala sa Iya Mismong mga katawhan, milingkod sa maong bukid ug mihilak mahitungod sa Jerusalem, ingon nga usa ka gisalikway nga Hari.

⁸² Unsa man kadto? Ang Dios nga gina-replektar ang Iyang Kaugalingon sa niadtong maong mga propeta, gina-replektar si Cristo.

⁸³ Dayon miabot ang Usa nga mao ang kahingpitan sa Dios. Ang Dios kadto nga anaa sa taliwala kanato.

84 Ug sukad niadtong panahona, Iya nang gi-replektar ang Iyang Kaugalingon sa Iyang Iglesia, niining maong bahin sa Kalbaryo. Busa, nakita ninyo, tanan kita nagapaninguha nga makaabot niining maong puy-anang dapit, ang Tabernakulo sa buhing Dios. Karon adunay mga tawo. . .

85 Atong himatikdan dinhi, siya miingon, “Una aduna kita’y pagtoo, kaligdong, kahibalo, pagpugong sa kaugalingon, pagpailub, pagkamaayo o pagkadiosnon, ug gugma nga inigsoon.” Bueno. Inigsoong pagbati, ug dayon ipuno ang gugma. Tugoting basahon ko kini, tanan, pag-usab, aron masigurado gayud ninyo nga masabtan kini karon. Sugdan nato karon sa ika-5 nga bersekulo.

Ug tungod niining maong hinungdan, sa paghimo sa tanan ninyong paningkamot, ipuno sa inyong pagtoo ang kaligdong; ug sa kaligdong ipuno ang kahibalo;

Ug sa kahibalo ipuno ang pagpugong sa kaugalingon; ug sa pagpugong sa kaugalingon ipuno ang pagpailub; ug sa pagpailub ipuno ang pagkadiosnon;

Ug sa pagkadiosnon ipuno ang pagbati nga inigsoon; ug sa pagbati nga inigsoon ipuno ang gugma, nga maoy pagmahal.

. . .kon kining mga butanga anaa kaninyo, ug nagadagaya, dili sila maghimo kaninyo nga tapulan o sa pagkadili-mabungahon diha sa inyong pag-ila sa atong Ginoong Jesus Cristo.

86 Karon nagalaraw ug butang si Pedro dinhi alang kanato, nga kung unsaon nato makaabot dinha.

87 Karon gusto kong isulti kini, nga, may mga tawo nga adunay tipik niining maong kaligdong, kahibalo, kaalam, pagpailub, ug uban pa, nga wala gani nagapaila nga Cristohanon. Karon ato lang. . . nagapanudlo kita diha sa usa ka Sunday school. Ug tinuod kana. Adunay mga tawo nga anaay tipik niini, nga wala gani nagapaila nga Cristohanon. Apan wala kana. . . Dili kana magpulos. Sama kini sa usa ka maitum nga langgam nga ginapaninguhaan gyud ug ayo nga mabutangan ug balahibo sa pabo ang iyang mga paku, aron nga mahimo siyang usa ka pabo. Iya lamang gipakaulawan ang iyang kaugalingon. Maayo pang magpabilin ka na lang nga itum nga langgam. Kita n’yo? Sa dihang iyang gipaningkamutan nga buhaton kini nga mga butang nga dili man siya Cristohanon, wala gayud siya sa lugar.

88 Sama ra kini sa usa ka punoan sa Sikomoro nga naninguhang makapamunga og mga mansanas. Dili kini makahimo, kita n’yo, bisan pa man nga usa kini ka punoan. Apan dili gyud kini makapamunga og mga mansanas.

89 Sama kini sa usa ka mula nga naninguhang makabalhibo nga iya sa carnero, naninguha nga mahimong usa ka carnero

sa dihang usa man siya—usa man siya ka mula. Nakita ninyo, dili siya makapabalhibo nga iya sa carnero. Dili niya mahimo kini. Ang balhibong pang-carnero usa ka gasa ngadto sa usa ka carnero, dili alang ngadto sa usa ka mula. Paningkamutan niya tingali manglihok nga daw sa usa ka carnero, apan siya’y mula sa gihapon. Kita n’yo? Busa, ingnon niya, “Bueno, Mahimo kong mokaon nga sama sa usa ka carnero. Makahimo ako *niini* nga sama sa usa ka carnero.” Ug bisan unsa pa ang mahimo mong buhaton, kinahanglan nga carnero gayud ka aron nga makapabalhibo ka nga iya sa carnero.

⁹⁰ Ug mohunong ako dinhi sa makadiyut. Dili nagahimo ang carnero og balhibo nga iya sa carnero. Aduna siya’y pang-carnerong balhibo kay usa man siya ka carnero. Daghan sa mga tawo ang moingon gayud, “Bueno, paninguhaon kong magminaayo gayud. Mangbuhat ako *niini*.” Ayaw pagpanghimo sa kung unsa man. Dili, dili ka gayud makapangbuhat niini. Ang carnero dili, wala ginahangyo, wala ginadahum nga mobalhibo og iya sa carnero. Nagabalhibo kini ug iya sa carnero, ug ginabuhat niya kini tungod kay usa man siya ka carnero.

⁹¹ Ug kung ikaw Cristohanon, imo gayud ginapamunga ang bunga sa Espiritu. Wala mo—wala mo kini ginahimo-himo. Wala ka nagapaaron-arong niini. Paninguhaan mo pang... Ayaw’g buhata ang imong kaugalingon nga mamahimong usa ka butang nga dili ka man mao. Magmahimo og mao lang kung unsa gayud ikaw, ug moabot kini dayon sa iyaha lang. May nadungog ka na bang mga tawong moingon, “Bueno, sultihan ta ka. Ako... Mipasakup na ako sa Iglesia. Ako—angay ko na gyud undangon kining pagkabakakon ko?” Nagapaningkamot ka na pud paghimo-himo og usa ka butang, karon. Dili mo mahimo kini, busa wala na kinahanglana nga paninguhaon pa, walay kalainan sa usa—sa usa—sa usa ka mula nga dili gayud makapabalhibo sa iyang kaugalingon og pang-carnero nga balahibo. Dili niya gayud mahimo kini.

⁹² O, usa ka buitre nga nagapaninguha mokaon sama sa usa ka salampati, usa ka buitre nga nagapaninguha—usa ka buitre nga nagapaninguha nga mamahimong usa ka salampati. Mahunahunaan ba ninyo ang usa ka buitre didto, nga nagaingon, “Kabalo mo, usa ako ka salampati,” Ug mobutang og pipila ka balahibo kaniya, moingon, “Tan-awa ninyo, mora na ako ug...” Kita n’yo? Mamahimo siyang wala gayud sa porma. Mao kana ang usa—usa ka tawo nga nagaingon nga siya’y usa ka butang nga dili man mao. Kita n’yo, dili mo kini mahimo.

⁹³ Dili ka makaingon, “Karon tan-awa, angay akong magkaaduna og kaligdong, busa magkaaduna gayud ako og kaligdong. Angay akong magkinabuhi nga may pagkadiosnon, busa nga magkaaduna gayud ako niini.” Aba, ginapaningkamotan mo lang pulihan ang imong mga balahibo. Bisan pa man nga sulod kini sa imong makab-ot, apan dili

nimo mahimong ibutang ang maong mga balahibo sa dili mao nga langgam. Kita n'yo? Dili gayud kini magpulos. Ug nagapakita lang kini kung unsa kaipokrito kanang maong langgam. Kita n'yo? Mahunahuna n'yo ba ang karaang buitrenag nagapaningkamot nga magkaaduna og pipila ka balahibo sa salampati, mosulti'g, "Tan-aw dinhi, kita n'yo, usa ako ka salampati"? Kita n'yo? Aba, nasayod na kita nga usa siya ka buitrenag. Kita n'yo? Kita n'yo? Mao lang kana. Mailhan nato nga usa siya ka buitrenag.

⁹⁴ Bueno, ingon-ana kini, nagapaningkamot sa—sa paghimohimo og Cristianismo. Dili mo mahimo kini. Ang unang butang nga kinahanglan mong buhaton, mao nga matawo ka pag-usab. Kinahanglan kang mabag-o. Kita n'yo? Ug sa dihang nabag-o ka na, nahimo ka nang bag-ong binuhat. Karon nagakatul-id ka na, karon. Kita n'yo? Karon dili ka na kinahanglan mabalaka pa bahin sa maong mga balahibo, mamahitabo kini sa iyaha lang, sa dihang—sa dihang natawo ka na pag-usab. Oo, sir.

⁹⁵ Sama sa kanunay ko nang gikaingon. Mokuha ka og usa—usa ka baboy, nusunan mo siya ug pasininaon og tuxsailor suit, o tuxedo suit, diay, diha kaniya, ug ipagawas siya didto; diretso siyang moadto sa tunaan ug maglunang-lunang siya. Tungod kay, nakita ninyo, walay maayo nga mabuhat niini. Usa man siya ka baboy. Mao kana'y iyang kinaiya. Iyang kinaiya ang paglunang-lunang. Kinahanglan nga usbon mo ang iyang kinaiya, ug (siya) ang uban pa niini mangatul-id sa iyaha na lang.

⁹⁶ Karon himatikdi. Kinahanglan nga matawo ka pag-usab, mao kana'y, nabag-o na. Kinahanglan aduna gayu'y kausaban.

⁹⁷ Moingon ka, "Bueno, Igsoong Branham, nahibalo ako nga kining maong babaye dinhi dapit, aba, wala gayud siya'y nabuhat og bisan unsa man nga kasaypanan. Usa siya ka maayo nga babaye. O, kining si *mao kini-ug-si mao kana* nga tawhana, siya maayo nga lalaki. Wala gayud siya'y ginabuhat bisan unsa. Kabalo ka nga wala gayud siya nagapanakit ni bisan kinsa." Wala kana nagapasabot bisan unsa man. Mamahimo siya tingali nga usa ka maaayong silingan, apan dili siya Cristohanon gawas kung natawo siya pag-usab.

⁹⁸ Si Jesus miingon, "Gawas kung ang tawo matawo pag-usab," San Juan 3, nga, "dili gani siya makakita sa Ginghamarian." Karon, kana nagkahulogan, *makita*, nagapasabot kini nga "makasabot."

⁹⁹ Motan-aw ka sa bisan unsang butang, moingon, "Dili ko gayud kini makita." Ang ipasabot mo nga dili mo kini masabtan.

¹⁰⁰ Ang tawo dili makasabot kon ngano nga may mga tawong mosinggit. Ang tawo dili makasabot kon ngano nga ang tawhanong lingguwahi mousab man ug magapanulti siya diha

sa ubang dila. Ang natural nga tawo dili makakita kon unsa nga ang himaya sa Dios moabot diha sa mga mata sa tawo, ug makakita siya'g panan-awon ug sultihan ang tawo bahin sa mga butang, ug kung unsa'y buhaton; sultihan sila sa mga butang nga mohitaboay pa lang, ug sa mga butang nga magakahitabo, sama sa gibuhat kanato sa Ginoo dinhi kagabii, bisan pa man. Kita n'yo? Kita n'yo? Ang—ang natural nga panghunahuna paningkamutan nga sabton kini. “Bueno, unsa ba'y iyang gibuhat? O, unsa ba'y matang sa paglingla ang iyang gigamit? Unsa mang taktika aduna siya?” Nga makita ang usa ka tawo nga nagapanulti og mga dila, moingon sila . . . ug hubaron sa laing tawo ug isulti ngadto sa usa ka membro sa maong Lawas sa eksakto gayud kon unsa ang ilang gipamuhat, ug kon unsay dili nila angay buhaton. Kita n'yo? Kita n'yo? Ginahunahuna nila nga usa kini ka paglingla. “Nagkunsabohay sila.”

¹⁰¹ Dili nila kini masabtan hangtud nga ang tawo matawo pag-usab. Unya sa dihang matawo na siya pag-usab, nan nahilinya na siya sa pagkahiniusa, tungod kay usa na siya ka bag-ong binuhat. Kadtong karaang pagkamasuspitsahon, dautang hunahuna nga mao siya kaniadto, patay na. Karon, usa na siya ka bag-ong binuhat. Busa, nakita ninyo, dili na niya kinahanglan dugangan og bisan unsa pa ang anaa kaniya, karon, tungod kay modugang kini sa iyaha lang.

¹⁰² Timan-i, kinahanglan nga matawo ka pag-usab. Ug sa dihang ikaw natawo na pag-usab, dili ka matawo pag-usab kung wala ka'y pagtoo. Husto kana. Busa, makita ninyo, sa akong chart dinhi, nahipakita ko ang pinaka-pundasyon, pagtoo ang maoy pinaka-pundasyon sa tanan niini. “Kay gawas sa pagtoo dili gayud mahimo ang pagpahimuot sa Dios. Ang nagaduol sa Dios kinahanglan nga nagatoo gayud nga mao Siya, ug ang maong magbabalus sa mga nagapangita Kaniya.” Kita n'yo? Siya gayud. Ug kung tigduhaduha ka sa Biblia, kung ginaduhaduhaan mo nga husto ang Pulong, mas maayo pang pabilin ka lang diha sa likod gawas kung toohan mo kini una.

¹⁰³ Unsa man ang sala? Ang dili-pagtoo. Aduna lamay duha ka elemento nga nagakontrola sa tawo. Kana'y pagduhaduha o ang pagtoo, ang usa kon dili man ang usa. Minandoan ka nianang maong nagdominar sa imong kinabuhi. Depende sa kung unsa kadaku sa pagtoo nga anaa kaniyo, kung unsa kataas ka makaangat.

¹⁰⁴ Apan, una, kinahanglan nga pagtoo gayud. Tugoti ninyo akong mopabilin nianang maong pundasyon sa makadiyut. Karon, pagtoo ang mao ang kung unsay kinahanglan mong toohan. Ang pagtoo mao kung unsay . . . “Ang pagtoo mao ang katinoan sa mga butang nga ginapaabot.” Kini'y, aduna ka na niini sa dihang aduna ka na'y pagtoo, tungod kay nahipadayag kini diha sa pagtoo. “Ang pagtoo mao ang katinoan sa mga butang nga ginapaabot,” Mga Hebreohanon 11, kita n'yo,

“ang ebidensiya.” Unsa man kini? Unsa man nga matang sa ebidensiya? Usa ka balaan nga ebidensiya.

¹⁰⁵ Busa, sa dihang moingon ka, “Igsoong Branham, nagtoo ako nga ang Dios mananambal.” Bueno, kon ginatoohan mo kana, ug nan dawata Siya ingon nga imong mananambal, ug dili nga nagapamakak, kondili tinuod gayud nga nagatoo nga pinaagi sa Iyang mga labud naayo ka na, wala na’y bisan unsang makapabalhin kanimo gikan niini. Butang kini nga human na. Karon aduna tingali ka’y paglaum, padayon kang molikay *niini* ug molikay *niana*. Apan sa dihang anaa ka na’y pagtoo, nasayod ka na niini, tungod kay kini mao ang ebidensiya. Naangkon mo na kini. Ako kaniadto . . .

¹⁰⁶ Pila man, kaninyo, ang nakapaminaw kang Oral Roberts karong buntaga, sa iyang pagwali karong buntag, si Oral Roberts? Ako—akong nadungog may giingon siyang o laing butang bahin sa adunay pagtoo, bahin nianang maong pagkalingkawas, ang pag-ampo sa pag-ampo sa pagtoo, mahitungod sa pagkalingkawas. Miingon siya, “Pagpakigkonekta mo pinaagi sa paghikap sa radyo, pagpakigkonekta mo pinaagi sa paghikap og butang, aron nga . . .” Ginabuhat kana sa maong tawo, aron nga mohatag kini sa mga tawo og usa ka butang nga mahimo nilang patungan sa ilang mga kamot. Usa ka butang nga, moingon ka, “Ania na kini karon kanako, tungod kay gisultihan niya ako nga hikapon ang akong radyo. Naangkon ko na kini.” Kita n’yo? Karon, maayo man kana. Apan, karon, ang matuod ug lunsay nga pagtoo dili na kinahanglan nga mohikap pa nianang maong mga butang. Karon, wala ko kondinaha si Igsoong Oral, wala gayud. Nagapamuhat siya og dakung buluhaton, ug usa ka diosnon nga tawo, ug ako—daku ang akong pag-ila kang Oral Roberts. Subo lang nga wala na kita’y daghan pa sama kanila.

¹⁰⁷ Apan ang buot kong isulti, nga—nga, ang pagtoo wala na nanginahanglan og bisan unsa pa. Kita n’yo? Nagatoo ang pagtoo sa Pulong sa Dios. Kay nagaabot ba ang pagtoo sa “paghikap”? Dili. “Ang pagtoo nagagikan sa pagpatalinghug, ug ang pagpatalinghug sa Pulong sa Dios.” Kana ang nagapaangkla niini. Dinha na kini. Kita n’yo? Ug ang pagtoo, sa gikasulti na, walay gilay-on niana. Ang pagtoo maoy karon na mismo. Ang pagtoo ania na dinhi. Susama sa kung aduna may . . .

¹⁰⁸ Kadtong maong gamayn’g bata, sa miaging adlaw. Kadtong maong inahan nga gihisgotan nila ug ni Igsoong babaye nga Kidd, nga nagkaaduna niadtong maong gamayn’g bata nga migawas ang tinae, nga walay gawasan sa lubot, aron kaagian sa pagkaon pagawas. Karon, kining maong babaye, sa pagkadungog kang Igsoong babaye nga Kidd ug kanila nga nagapamatuod, nagtoo nga kung makakonekta lang siya, ug nga maiampo ko kadtong maong bata. Karon, kita n’yo, gihatagan kita sa Dios ug mga tawong . . .

109 Ang pipila kanato adunay mga kasinatian sa Dios, sa—sa pagkatinuod gayud nga ang Dios nahimong sama sa nga nagaanhi ka dinhi, sama sa, ug nga nagapakigsulti ka kang Igsoong Neville o kang kinsa man nga kaila nimo. Ug atong ginahangyo usahay kadtong maong mga tawo nga iampo kita. Ingon niana ang angay natong buhaton. Dayon kung aduna kita’y pagtoo nga kanang maong lalaki o babaye, kung kinsa man ang nagaampo alang kanato, nagapakigsulti ngadto sa Dios, nan nakakupot na ang atong pagtoo. Nakagunit na. Sulbad na.

110 Dinhi. Migawas ang maong Romano aron tagbuon si Jesus. Ug miingon siya, “Ako—dili ako takus nga mosulod Ka sa silong sa akong bubong. Dili ako takus. Ako—dili gyud ako takus. Ug Ako—dili ako. . . Ako—wala ko giisip ang akong kaugalingon nga ingon niana. Apan,” miingon, “masakiton kaayo ang akong anak nga lalaki. Ug isulti Mo lang ang Pulong, kita mo, ang akong anak mabuhi gayud.”

111 Unsa man kadto? Walay kabilinggan ang kalay-on. Kita n’yo? Tungod kay, ang Dios anaa sa tanang dapit. Walay kinutuban ang pagkagamhanan sa Dios. Ug bisan asa mang dapit ang Dios, didto ang walay kinutuban pagkagamhanan. Ug ang Dios, ingon nga anaa sa tanang dapit, nagpaanaa kana sa Dios bisa’g asa pa man, sa tanang kinatibuk-an. Kita n’yo? Ingon ka gamhanan ang Dios sa Germany, sa Switzerland, ug didto sa Africa, sa niini mismong taknaa, sama sa kung unsa Siya karon mismo dinhi. Oh! Tan-awa.

112 Busa siya miingon karon, “Dili ako takus nga Ikaw mosulod sa silong sa akong bubong. Isulti lamang ang Pulong.” Unsa man kadto? Kadto maoy pagtoo sa maong Romano. Gitoohan niya kini.

Ug si Jesus miingon, “Lumakaw ka. Buhi ang imong anak.”

113 Ug milakaw siya, sa duha ka adlaw nga pagpanaw. Ug sa pagkasunod nga adlaw, sa wala pa siya nakaabot sa iyang balay, natagbu niya ang pipila sa iyang mga ulipon nga nagasingabot. Ug sila miingon, “Buhi ang imong anak.”

114 Ug nalipay kaayo ang maong Romano, hangtud nga nag-ingon siya, “Unsang takna sa adlaw nga nagsugod siyang naulian? Unsang orasa sa adlaw?”

Siya mitubag, “Sa ikanapulo ug usa nga takna, nagsugod siya pagkaayo.”

115 Ug nasayod ang maong Romano nga mao kadto mismo ang takna sa pag-ingon ni Jesus, “Ang imong anak buhi,” ug nagtoo siya. Amen.

116 Pinakamakagagahum sa nga tanan, anaa sa tanang dapit, nahibalo sa tanan-tanan, walay sinugdanan ug katapusan, mao kana ang Dios. Mao nga, sa dihang manawag sila sa telepono ug moingon, “Iampo!” Kana’y nagkonekta! Ug ginahatud sa

imong pagtoo ang Dios. Mao kini ang butang nga nagapahinagbo sa maong pag-ampo ug sa Dios, nga nagapahinagbo, sa maong esena. Ang pag-ampo! Nagabalhin ang pagtoo gikan *dinhi* ngadto *dinhi*. Ginapahinagbo Kini niini.

117 “Isulti ang Pulong. Ang gusto ko lang nga Imong buhaton mao nga isulti ang Pulong, ug ang tanan mamaayo na.” Kita n’yo, dili na kinahanglan nga mahiadto pa Siya didto. “Isulti lamang ang Pulong.” Ngano man? Anaa sa tanang dapit ang Dios. Makagagahum Siya sa nga tanan. Ingon Siya ka labing gamhanan sa ilalum sa kalibutan sama sa kung unsa Siya sa ibabaw sa kalibutan, o asa man nga bahin niini. Dios Siya. “Ug ang butang lamang nga Imong buhaton mao lang ang pagsulti sa Pulong,” ang giingon niya.

118 Ug, karon, pagtoo ang maoy mobuhat sa uban pa niini. Ang pagtoo mao ang mobuhat sa tanang uban pa. Mao nga kinahanglan anaa kay pagtoo alang sa usa ka pundasyon. Ang tibuok Cristianismo, ang imong kinatibuk-an, ang tanan nga mamahimo kang unsa man, nabasi diha sa pagtoo sa Pulong. Mao kana ang hinungdan nga ginatoohan ko ang Pulong. Kita n’yo?

119 Dili ko mahimong isalig ang akong pagtoo sa bisan unsa pa man. Kung ako man kini isalig diha sa iglesia, asa mang iglesiaha akong isalig kini: sa Katoliko, Lutheran, Methodist, Baptist, sa mga Pentecostal? Asa ko man kini isalig? Wala ako kahibalo. Nangalibug na silang tanan ug tanan na, nangagsukwahiyay, ug tanang uban pa.

120 Apan sa dihang isalig ko ang akong pagtoo diha sa Iyang Pulong, nakaangkla na kini. Walay si bisan kinsa ang mohubad Niini. Ania Kini, MAO KINI ANG GINAINGON SA GINOO. Nan toohan ko Kana. Kana ang basihanan.

121 May usa ka maayong doktor dapit dinhi sa siyudad, usa ka suod kong higala, si Doktor Sam Adair. Dungan kami sa pagdaku. Nakaila na kamong tanan kang Sam. Ug nag-ingon siya kanako, miingon siya, “Bill . . .” Human nga miabot kadtong maong panan-awon, nga gisultihan siya kung asa dapit niya tukuron ang iyang klinika, kung unsay hitsura niini. Adtoi didto, pangutan-a ninyo siya sa usa ka higayon kon dili ba kana tinuod. Duha o tulo ka tuig sa wala pa kini mahitabo, gisultihan siya kon asang dapita mapahimutang kini. Giingon ko, “Pagaokupahon mo halos ang tibuok bloke nianang siyudad.” Ug wala na’y uban nga makuha niya ang tibuok niana gawas sa usa ka butang, ug mao kana kadto ang lugar sa rehabilitasyon. Nakuha na ni Doktor Adair ang tanang uban pa niini, ug ang botika. Kana lang. Giokupar kana tanan ni Doktor Adair sa eksakto gayud, sumala niadtong maong panan-awon. Kung diin, usa ka lugar nga giingon niya, “Dili gani kadto mahilabtan sa sulod sa bayente-singko ka tuig. Atua pa kini sa korte.”

¹²² Miingon ako, “Doktor, ginahatag sa Ginoo kini kanimo, tungod sa imong pagkamapainubsanon.”

Miingon siya, “Dili man ako maayong tawo.”

¹²³ Miingon ako, “Usa ka ka bao. Aduna kay balayan sa gawas, usa ka alikabhang nga diin imong ginasilip ang imong mga kahigalaan dinha, apan sa sulod nimo usa ka ka matuod nga tawo. Gumawas ka nianang maong balayan.” Miingon ako, “Ginahatag kini sa Dios kanimo.”

¹²⁴ Siya miingon, “Wala pa gyud ta ka giduhaduhaan, Billy, apan duhaduhaan ko gyud kana.”

Miingon ako, “Pag-adto ka sa imong opisina.” Ug busa miadto siya.

¹²⁵ Pagkasunod buntag, iya akong gitawgan, miingon, “namugnaw gyud ako kaayo.”

¹²⁶ Ingon ko, “Unsa ma’y nahitabo?” Mga Hulyo kadto. Miingon ako, “Unsa may nahitabo, Dok?”

¹²⁷ Nag-ingon, “Ako nang napalit ang maong lugar, Billy. Nagkatigum sila kagabii sa Boston, ug ako nang napalit ang maong lugar karong buntag.”

Ingon ko, “Ingon bitaw ko nimo.”

¹²⁸ Atua ako didto sa miaging adlaw, nakig-estorya kaniya, sa dihang miboto ang pusil sa akong nawong. Siya miingon, “Nahunahunaan kong naestorya ko na kana ngadto sa usa na ka libo ka mga tawo nga mianhi dinhi, ingon niana.” Unsa man kini? Karon, sa dihang mamulong na ang Dios og bisan unsang butang, mahitabo gayud kini.

¹²⁹ May pipila ka mga higala nga mianhi kagabii. Nadungog nila kadtong maong panan-awon nga nagsulti mahitungod sa dakung usa nga adunay kuwarantay-dos-pulgada nga sungay, ug ang bahin sa silver-tip grizzly bear. Wala ko mahibalo kung pila na ka mga tawo ang miadto sa balay, nga gustong makita kana. Miingon ako, “Aniay metrosan. Sukda ang sungay.” Nadunggan niya kini sa wala pa kini nahitabo. Kita n’yo? Ngano man? Sa dihang mosulti na ang Dios ug bisan unsa, mahitabo gyud kini. Mao kanay hinungdan, aduna kini gibasihan.

¹³⁰ Karon, *ania* ang plano sa kaluwasan. Ug kung ang Iyang panan-awon diperkto gayud nga nahitabo, sa eksakto gayud nga gikaingon sila, ug kining iglesia dinhi nasayod nga tinuod kana, kung ingon-ana unsa naman ang bahin sa Iyang Pulong. Kita n’yo? Mas sigurado Kana kaysa panan-awon. Kung dili nagsulti ang panan-awon sa Pulong, kung ingon-ana sayup ang maong panan-awon. Apan ang Pulong, una sa’ gayud, tungod kay ang Pulong Dios. Kita n’yo? Mao nga, anaa Siya sa tanang dapit. Gisulti Niya kana dinhi, ug gituman kini sa Canada. Amen. Kita n’yo, anaa gayud Siya sa tanang dapit. Sige.

¹³¹ Una, kinahanglan nga matawo ka pag-usab. Ug dayon sa dihang natawo ka na pag-usab, aduna ka na'y pagtoo; nagatoo ka na sa Pulong. Gawas kung natawo ka na pag-usab, mangatarungan ka gayud Niini. Kung may pagka-relihiyoso ka lang, ug—ug ikaw aduna og—og—og diyutay'ng tawhanon nga kahibalo nga kinahanglan mong magbuhat og maayo, dili ka gayud mahimong makig-uyon diha sa Pulong sa Dios. Dili mo gayud kini buhaton. Kinahanglan ka gayud nga matawo pag-usab. Ug, ang matawo pag-usab, nagapamunga kini og pagtoo. Husto gayud. Dayon, human nga anaa ka na'y pagtoo, kining ania *dinhi*, p-a-g-t-o-o, pagtoo, nan anaa ka na gayud sa puwesto sa pagtubo.

¹³² Karon, daghan sa mga tawo ang nagaduol sa altar, ug moampo, ug moingon, “Ginoo, pasayloa ako.” Ug nagaabot kanila ang usa ka dakung kasinatian sa pagkabalaan, ug ingon-anang mga butang. Unya nagakalipay ka, nagaadto sa altar, nga nagasinggit. Mobalik ka, nga nagaingon, “Dalaygon ang Dios, naangkon ko na.” Wala, nagsugod ka pa lang sa puwesto kon diin mahimo ka nang motubo. Wala ka pa gayu'y nahimo. Kita n'yo? Ang butang pa lang nga imong nabuhat mao ang pagpahimutang pa lang sa pundasyon.

¹³³ Karon motukod ka na og usa ka balay, ug imo nang buhosan og pundasyon, moingon, “Hay, natukod ko na gayud siya.” Kita n'yo? Aduna ka na'y pundasyon kon diin pagatukoran sa imong balay. Karon kinahanglan mo nang tukoron ang balay.

¹³⁴ Dinha karon nagasulod ang maong butang, niining buntaga, nga maoy atong pagahisgotan karon. Sige. Ang balay, kining pundasyon maoy una. Unsa may pundasyon sa Cristianismo? Ang pagtoo sa Pulong sa Dios. Mao kana ang inyong pundasyon. Dayon nagasugod na kamo sa pagtubo. Unya inyo nang ginasugdan, ginasugdan na ninyong pun-an kining maong pundasyon.

¹³⁵ Karon, sa pagtukod sa balay, ginatukod mo ang imong mga haligi ug tanang uban pa. Si Igsoong Woods, ug ang uban pa niining mga karpintero ug mga kontraktor dinhi makasulti kanato kon unsaon pagtukod sa inyong balay. Kita n'yo? Apan sultihan ko kamo kon unsaon pagtukod sa espirituhanon ninyong balay, kon diin makapuyo ang Dios. Gusto Niyang mopuyo diha sa sulod kaninyo. Gusto Niyang himoon kamong mahisama Kaniya Mismo. Gusto Niya nga ma-replektar kamo, inyong iga-replektar, diay, ang Iyang Persona.

¹³⁶ Kabalo mo, sa dihang nagahimo sila kaniadto og bulawan sa karaang panahon, sa dihang wala pa kanila kaniadto ang pangtunaw sa pagsunog niini, ila kaniadto ayagon ang bulawan, ayagon aron mobulag ang mga hugaw, ang puthaw ug ang tumbaga ug ingon-anang mga butang, mangbulag, ug padayon lang nga ayagon, ug tuyokon, ug nga samtang ginaayag kini.

Ginabuhat kana sa mga Indian karon, nagapang-ayag og bulawan, ug ila kining ginaayag. Nahibalo ba mo kung giunsa nga ila nang masulti kon wala na ang tanang puthaw niini, ug ang tanang hugaw ug uban pa, ug ang tanang di-bulawan nahibulag na gayud niini? Sa diha nga ang maong nagaayag makita na niya ang iyang repleksyon, sama sa usa ka salamin, diha niini. Limpyo na kini ug sinaw na hangtud nga gi-replektar na niini ang maong mag-aayag.

¹³⁷ Ingon niana ang ginabuhat sa Dios. Iyang ginakuha ang bulawan nga nahikaplagan Niya sa kalibutan, ug Iya kining ayagon, pinaagi sa Balaang Espiritu, ginatuyok-tuyok kini, ug utro, ug utro, ug nga ginaayag kini hangtud (Iyang madawat) Iya nang makita ang Iyang repleksyon. [Gipalampak ni Igsoong Branham ang iyang mga kamot sa pipila ka higayon sa pagpamulog niini—Ed.]

¹³⁸ Ug mao kana ang angay natong buhaton, iga-replektar ang Anak sa Dios. Ug angay nato karon buhaton ang Iyang buhat. Nag-ingon Siya, “Ang nagatoo Kanako . . .” San Juan 14:7, “Ang nagatoo Kanako, magabuhat sa mao usab nga mga buhat nga ginabuhat Ko.” Ginasugdan mo na ang pag-replektar sa mga buhat ni Cristo.

¹³⁹ Apan daghan kanato ang nagapaninguha pagbuhat sa mga buhat ni Cristo nga wala pa gani ang repleksyon ni Cristo diha kanato. Dinha karon ang problema. Makita nato nga nagakahitabo kanang mga butanga. Nasayod kamo niini. Nasayod ako niini. Atong makita kini, mga pagkapandol sa kadalanan. Atong mahikaplagan ang maong tipun-og sa mga gipangbasura na nga mga ministro, sa mga Cristohanon, nga gipangtipun-og diha sa kadalanan, tungod kay wala sila misulod niini sa husto.

¹⁴⁰ Ug kana ang hinungdan nga ania ako karon dinhi niining buntaga, aron paninguhaon nga itudlo niining gamayn’g iglesia, ug sa akong kaugalingon, kon unsaon nga mahimo kitang puluy-anan sa buhing Dios. Pila man ang gusto niana? [Ang kongregasyon nagaingon, “Amen.”—Ed.] Ang puloy-anan sa buhi nga Dios!

¹⁴¹ Karon ingon niini ang atong buhaton. Unsa man ang unang butang? Magkaanaa ka’y pagtoo, ug magpakatawo pag-usab. Pagpahiluna kana sa pundasyon.

¹⁴² Unya, human sa napahiluna na nato ang pundasyon, ang ikaduha mao nga inyong pun-an ang pundasyon. “Pun-an ang inyong pagtoo,” si Pedro nag-ingon dinhi. Ipuno sa inyong . . . Una aduna ka’y pagtoo, dayon inyong ipuno ang kaligdong sa inyong pagtoo. Mao kini ang sunod nga haligi. Una, buhosan ang inyong pundasyon, pagtoo. Dayon, diha sa inyong pagtoo, ipuno ang kaligdong.

143 Karon, dinha pa lang daghan na ang nangatumba kanato. Oo, sir. Oo. “Ipuno ang kaligdong sa inyong pagtoo.” Dili kana nagapasabut og pagkinabuhi lamang sa putling pagkinabuhi, kabalo na mo, sama sa babaye o sa lalaki, ug uban pa. Walay kalambigitan kana niana.

144 Ang Biblia nag-ingon, atong mabasa dinhi sa Basahon ni Lucas, kon diin Kini nagaingon, “May gahum nga migula Kaniya.” Husto ba kana? [Ang kongregasyon nagaingon, “Amen.”—Ed.] Kung mahisama kita Kaniya, kinahanglan aduna kita’y kaligdong, kung ingon-ana. Kinahanglan aduna kita niini, aron mahisama Kaniya. Ang unang awit nga ako gayud nagustuhan, diha sa—sa mga himno, usa sa pinakabantug, mao ang, *To Be Like Jesus*. Mao nga, kung gusto kong mahisama kang Jesus, kinahanglan nga aduna ako’y kaligdong, ug mahimong usa ka agianan nga maipasa kini gikan kanako ngadto sa mga tawo. Tungod kay, “May gahum nga migula gikan Kaniya ngadto sa mga tawo.” Kaligdong! Ug sa dili mo pa mahimong ipagawas kini, kinahanglan maanaa kini pag-una kanimo. Pag-wala ka niini, walay mogawas niini. Wala gayud diha nga mahimong mogawas niini.

145 Unsa kaha kung adunay tawong misulay pagwidro og kaligdong gikan diha kanato, ug unya iuli ang maong tseke nga “walay pundo”? Kita n’yo? Wala, wala, wala gayud diha nga mahimong widrohon, miuntol ang maong tseke. Adunay nagalantaw kaninyo ingon nga usa ka Cristohanon, ug inigkaugma makita kamong nagapamuhat nga sama sa makasasala, wala gyu’y kaligdong nga mahimong widrohon gikan niana. Kita n’yo? Husto.

146 Kinahanglan nga maania kanato ang kaligdong. Ug gawas nga maania na kanato ang kaligdong. . . Unya sa dihang maania na kanato ang tinuod nga kaligdong, mahimo natong ipuno kini sa atong pagtoo. Mao kana ang sunod nga bongbong nga pundasyon. Karon, una kinahanglan aduna ka’y pagtoo. Dili makabuhat niini ang pagtoo lamang. Kinahanglan ninyong. . . Nag-ingon si Pedro, “Dayon ipuno ang kaligdong sa inyong pagtoo.” Kinahanglan aduna kamo’y kaligdong, aron igapuno kini sa inyong pagtoo.

147 Karon, kung ingon-ana, mamahimo kini tingali, ang hinungdan nga wala kamo niini, tungod kay daghan sa mga kaiglesiahan karon nagatudlo kaninyo nga dili na kinahanglan nga magkaaduna kamo niini, o ang mga adlaw bahin niini milabay na. “Dili na kinahanglan nga magkaaduna pa sila niini. Ang butang lang nga kinahanglan ninyong buhaton mao ang pagpaapil sa iglesia. Oo, milabay na ang maong mga adlaw.”

148 Kaligdong, ang si bisan kinsa nasayod kung unsay pasabot sa pulong nga kaligdong, kita n’yo, ug kinahanglan nga aduna kita niini. Kung migula ang gahum gikan Kaniya, aron pag-

ayo sa maong babayeng may sakit, ginalauman Niya ang mao rang kaligdong diha sa Iyang Iglesia, tungod kay Siya mao man ang atong panig-ingnan. Ug kung aduna Siya'y gahum nga ikahatag ngadto sa mga tawo, ginalauman Niya kitang magkaadunay kaligdong nga ikahatag sa mga tawo. Ug unsa man ang kaligdong? Ang kaligdong maoy kusog, gahum.

¹⁴⁹ Ang uban kanila wala gani nagatoo sa gahum sa Dios. Moingon sila, “Nga—nga—nga kana’y milabay na. Ang butang lang nga kinahanglan mong buhaton mao ang pagpalista lang sa imong ngalan sa libro, ug nga mapisik-pisikan, o mabuboan, o mabautismohan, o kung unsa pa man. Ug mao lang kana ang kinahanglan mong buhaton.”

¹⁵⁰ Apan nag-ingon si Pedro dinhi, “Ipuno ang kaligdong.” Karon, nagahisgot si Pedro bahin sa pagtukod og Balay sa Dios, kita n’yo, ang Templo sa Dios, nga ginatukod kini diha sa usa ka lugar. Ug human nga aduna ka nay kaligdong, kinahanglan aduna ka’y. . . Human nga aduna ka na’y pagtoo, kinahanglan nga aduna ka’y kaligdong uban niini. Husto kana. Magkaaduna ka’y kaligdong alang ngadto sa tibuok kalibutan.

¹⁵¹ Miwali ako kaniadto og usa ka sermon may baynte na katuig ang milabay, nahinumduman nako, ang mahitungod kang Rev. Mr. Lirio. Ang Lirio, nga pastor. Gikuha kini gikan sa maong teksto kon diin miingon si Jesus, “Palandunga ninyo ang mga lirio, kon giunsa nga wala sila maghago ni magkalinyas. Apan ginasulti ko kaninyo, bisan si Solomon sa tibuok niyang himaya wala mabistihan sama sa usa niini.”

¹⁵² Tan-awa ang lirio. Nagagikan kini sa kinahiladman nga pita. Ug sa matag takna sa adlaw gikinahanglan niini mokuha og kusog gikan sa maong yuta. Kita n’yo? Ug unsa man ang ginahimo niini sa kusog nga iyang ginakuha? Iya kining ginapanghatag. Nagahatag siya’g kaanindot sa panan-aw alang sa tigdayeg niini. Ginabuka ang iyang kaugalingon alang sa dugos, alang sa pag-anha sa buyog ug pagsipsip sa iyang bahin. Wala nagareklamo. Anaa lang siya niini, aron ipanghatag. Unsa kaha kon inig-abot sa buyog; walay pundo, walay dugos? Ang maong looy nga buyog mangatol na lang sa iyang ulo ug moingon, “Unsa man nga klase nga lirio kana?”

¹⁵³ Kung adunay tawo moanhi, naninguha nga makakaplag og kaluwasan, moadto ba sa maong iglesiang nagatoo nga milabay na ang mga adlaw sa mga milagro?

¹⁵⁴ Sama sa giingon kaniadto ni Jack Coe. Miadto siya sa usa ka restawran, ug adunay usa ka taas nga listahan sa mga sud-an; gisugdan niya og basa kini, mga T-bone steak ug mga ingon niana. Ingon niya, “Mo-order ako og T-bone.”

“Bueno, sa miagi nga adlaw lang kana. Wala na kami niana.”

¹⁵⁵ Maayo pang ibutang mo na ang maong listahan ug mogawas na, kita n’yo, husto kana, tungod kay wala man kanila ang atong

kaunon, bisan pa man. Busa maayo pa nga moadto ka na sa usa ka restawran nga adunay makaon.

¹⁵⁶ Ug ang espirituhanong tawo, nga nagatubo, nanginahanglan og makaon. Mao kana ang Pulong sa Dios. Nagatoo ako sa matag Pulong Niini.

God has a table spread where the Saints of God
are fed,
He invites His chosen people, "Come and dine."
With His manna He does feed, He supplies our
every need,
Oh, it's sweet to sup with Jesus all the time.

¹⁵⁷ Husto kana. Oo, sir. Aduna siya Niini. Aduna ang Iglesia Niini, ang Iglesia sa buhi nga Dios, nga nahitukod na ngadto niining hingpit nga tawo, diha sa pagkaila kang Cristo. Karon, kinahanglan aduna ka na karon og kaligdong.

¹⁵⁸ Moingon ako kaniadto, masayran mo na lang, adunay tawo nga gustong makapanimaho og kahumot. Dili Siya hakog. Aduna siyay kahumot. Sa dili pa niya maipapanimaho ang maong kahumot, kinahanglan aduna siya una niini. Sa dili pa siya makapanghatag og dugos, kinahanglan aduna siya una niini. Sa dili pa siya makapanghatag og katahum, kinahanglan aduna siya una niini.

¹⁵⁹ Sa dili ka pa makapanghatag og kaligdong, kinahanglan aduna ka una niini. Busa, pun-i ang imong pagtoo, og kaligdong. Amen. Nasabtan ba ninyo? Mahimo kitang mopabilin dinha sa taas-taas nga oras, apan mahutdan kita og panahon. Igapuno ang kaligdong diha sa inyong pagtoo. Karon, pagtoo ang maoy una, kaligdong dayon ang sunod.

¹⁶⁰ Ug unya, ang ikatulo, ipuno ang kahibalo. Ang kahibalo, karon, dili kana nagkahulogan og kalibutanon nga kahibalo, tungod kay binuang kana ngadto sa Dios; apan ang maong kahibalo sa paghukom, paghukom (sa unsa?) sa kung unsa ang matarung ug dautan. Unsaon man nimo paghukom, kung ingon-ana, kung anaa ka na'y Cristohanong kahibalo uban sa imong kaligdong ug pagtoo? Ginahukman mo kung ang Pulong ba'y husto o sayup. Ug kung mahimo mong ipadaplin ang tanan mong mga kredo, ug ang tanan mong dili-pagtoo, ang tanang butang nga giingon mong nahimo mo, nan aduna ka na'y kahibalo sa pagtoo nga dili gayud mahimong mamakak ang Dios. "Mamahimong bakak ang matag pulong sa tawo, apan ang Ako maoy matuod." Kita n'yo? Karon nagakaaduna ka na'y kahibalo. Mao kana ang labing hataas nga kahibalo. Dili na nimo kinahanglan nga makaangkon pa og upat ka korso sa kung asa man nga kolehiyo, o butang nga sama niana, aron magkaaduna niini, tungod kay ang tanan niining mga kaligdong gihatag kanimong sa Dios, aron ibutang diha sa pundasyon sa imong

pagtoo, aron imong makab-ot ang kahupnganan sa bantayog sa usa ka tinuod, buhing tawo sa Dios. Oo, sir.

¹⁶¹ Pun-i, pun-i og kahibalo, tungod, sa kahibalo sa Iyang Pulong. Kinahanglan nga toohan mo kini sa ingon niining paagi. Ingon nga, imo kinahanglan toohan karon nga ang... ug dawaton kini, nga ang mga adlaw sa mga milagro wala pa milabay. Kahibalo nga kon unsa ang giingon sa Dios, mahimong tumanon sa Dios.

¹⁶² Gitooan ni Abraham kana. Ug sa diha nga usa na ka gatus ka tuig ang iyang panuigon, wala siya nagduhaduha sa saad sa Dios pinaagi sa pagkulang sa pagtoo. Tan-awa kon daw sa unsa ka daw sa di-makatarunganon ang maong Pulong kon tan-awon. Ania ang usa ka tawo, usa ka gatus na ka tuig ang katigulangon, nagpaabot og anak nga matawo sa iyang panimalay, pinaagi sa usa ka babaye nga nobenta anyos na ang edad. Kita n'yo? Halos singkuwenta anyos na ang milagpas nga mahimo pa siyang maburo, nagpuyo na uban kaniya sukad niadtong siya'y usa—usa pa ka dalaga, o tinedyer pa. Ug ania siya karon, patay na ang agos sa iyang kinabuhi. Ug patay na pud ang tagoangkan ni Sarah. Ug wala na gayud paglaum, kung paglaum pa ang hisgotan. Apan, bisan pa man, nga dili na unta takus kalauman, mitoo siya nga malaumon, tungod kay aduna siya'y kahibalo nga ang Dios mahimo gayud tumanon ang tanan nga Iyang gisaad.

¹⁶³ Karon, sa dihang aduna ka na niini sama niana, nan ipuno kana sa imong pagtoo. Sa dihang aduna ka na'y tinuod nga kaligdong, ipuno kini sa imong pagtoo. Sa dihang mahimo ka nang molakaw gawas sa kadalanan dinhi, magkinabuhi sama sa usa ka Cristohanon, manglihok nga sama sa usa ka Cristohanon, magpaka-Cristohanon, ipuno kana sa imong pagtoo. Sa dihang aduna ka na'y kahibalo...

¹⁶⁴ Moingon ka, “Bueno, dili ko kahibalo kung *kini* bang maong Kasulatan tinuod ba gayud. Karon dinhi sa Mga Buhat 2:38, dili ko kahibalo kung unsaon kini pagtakdo sa Mga Buhat 28:19. Dili ko kahibalo.” Bueno. Wala ka'y—wala gyud ka'y mahimong ipuno, tungod kay wala pa gyud ka Niini. Kita n'yo? Unsa na ma'y imong buhaton? Tungod kay, wala ka pa'y igong kahibalo sa pag-ila mahitungod sa Dios, gani, nga ang Biblia wala gayud nagkasumpaki sa kaugalingon Niini. Pasagdi lang kana. Ayaw na paghisgot bahin niini. Kita n'yo? Pasagdi lang kana.

¹⁶⁵ Apan sa diha nga makita mo na nga ang Kasulatan wala nagkasumpakiay, nga mahimo mong ingnon nga; ug nga makita, nga, pinaagi sa pagpadayag sa Dios, nga ang kinatibuk-an nga Pulong gisulat diha sa mga misteryo, ug nga ang kahibalo lamang sa Dios ang makapadayag Niini; unya sa dihang nakuha mo na ug moingon, puntohan ang matag Pulong sa Dios og “amen,” nan ipuno na kana diha sa imong pagtoo.

166 Oh, nagakahimo ka na nga halos usa na ka maayong tawo karon. Kita n'yo? Nagapasaka ka na, kita n'yo. Pinaagi sa unsa? Pinaagi sa pagtoo, dayon pinaagi sa kaligdong, dayon kahibalo. Nakita ba ninyo kung ginaunsa ang pagtukod niining tawo? Makita ninyo nga wala—wala gayu'y paagi nga mokalagiw niini. Mao kini ang paagi aron makab-ot ang kahupnganan sa bantayog ni Cristo. Oo, sir.

167 Sa paghukom, paghukom nga husto. Hukmi kung husto ba kini o sayup, ang pagtoo sa Pulong sa Dios. Hukmi kung husto ba kini o sayup, kung kinahanglan ko bang alagaran ang usa ka kredo o alagaran ang Dios. Hukmi kung husto ba kini o sayup, nga kinahanglan kong matawo pag-usab o mopahisakup sa usa ka iglesia. Kung ingon-ana ginasugdan mo na. Paghukom sa husto, kung nagaingon ang magwawali, “Ang mga adlaw sa mga milagro milabay na.” Nag-ingon ang Biblia, “Si Jesus Cristo mao sa gihapon kagahapon, karon, ug hangtud sa kahangturan.” Karon kinsa man ang imong toohan?

168 Sa dihang moingon ka, “Dawaton ko ang gisulti sa Dios.” Karon, wala mo ginasulti kana aron lang nga masulti, “Sige, akong—akong dawaton kini,” nga gikan lang sa imong kasingkasing. Apan, may butang diha kanimo, ang imong pagtoo mao ang nagapatigbabaw dinha. Tan-awa. Nagaingon ang imong pagtoo, “Nasayod ako nga Siya mao gayud sa gihapon. Amen. Nasaksihan ko nga mao Siya sa gihapon. Wala na gayu'y makaagaw niini kanako. Nasayod akong tinuod gayud Siya.” Amen. Nan ipuno kana ngadto sa imong pagtoo. Ipatong kini diha sa maong pundasyon. Nagapasaka ka na karon, nagapasaka na paingon ngadto sa Gingharian. Nakaabot ka na sa usa ka dapit karon. Sige.

169 Karon, ang sunod nga butang, sultihan kamo sa magwawali, ug daghang mga tawo ang moingon, “Ang . . . Kining maong mga butang nga inyong nabasa sa Biblia, alang sila kaniadto sa laing panahon. Karon, sultihan ko kamo kon ngano. Tungod kay, wala na kita nanginahanglan niadtong mga butanga karon. Dili na nato kinahanglan kini. Kita n'yo? Dili na natong angay pa. Dili na nato kinahanglan pang tumanon kadtong mga butanga, ang Balaanong mga pagpang-ayo. Dili na kita nagasulti og mga dila, diha sa iglesia, aron—aron padayon nga matul-id ang iglesia. Ug dili na nato ginabuhat *kini*.”

170 Pagahisgotan nato kana. Aduna ako'y Kasulatan nga nahisulat ko na dinhi bahin niana, kita n'yo, kung buhaton pa ba kaha nato kini o dili na, sa pagkakaran.

171 Apan miingon siya dinhi, “Wala ko kabalo. Dili na nato kinahanglan pang buhaton kana karon. Ang butang lang siguro nga atong kinahanglan buhaton, kinahanglan atong makat-onan ang pagsulti sa husto sa atubangan sa kadaghanan. Kinahanglan nga moadto kita ug ipa-eksamen sa psychiatrist ang atong

hunahuna, aron tan-awon kon mahimo ba natong mai-presenta ang atong kaugalingon, kung ang ato bang IQ taas ba gayud nga igong mahimo kini, ug—ug uban pa nga sama niana. Siguro. . . Ug nagkupot kita sa labing dagkung mga kongregasyon. Kita ang nagatukod sa atong organisasyon.”

¹⁷² Wala kita nagatukod og organisasyon. Wala ako moanhi dinhi niining buntaga aron sa pagtukod og organisasyon. Si Cristo wala magpadala kanako aron motukod og organisasyon. Gipadala ako ni Cristo aron pagtukod sa matag-usa ngadto sa bantayog ni Jesus Cristo, aron mamahimo silang kusganong balay ug ang puloy-anan sa Espiritu, pinaagi sa Iyang Pulong. Pinaagi sa Iyang Pulong, kita n’yo, pagatukoron ang matag-usa ngadto nianang maong kahimtanga. Dili ang pagtukod og organisasyon ngadto nianang mas daku pang denominasyon, apan sa pagtukod sa matag-usa ngadto sa mga anak nga lalaki ug anak nga babaye sa Dios. Mao kana ang tumong. Kita n’yo? Ipuno sa imong pagtoo, ang kaligdong; ngadto sa imong kaligdong, ipuno ang kahibalo. Bueno, karon paingon ka na ngadto sa usa ka dapit.

¹⁷³ Karon sa dihang mosugod na sila pag-ingon, “Bueno, dili man kinahanglan nga dawaton nato kana karon.” Kinahanglan mo gayud. Kinahanglan gyud kini.

¹⁷⁴ Dili makapamakak ang mga Kasulatan. “Ug walay kinaugalingon nga pagpanabut ang mga niini,” ang giingon sa Biblia. Toohan mo lang Kini sa paagi nga nahisulat Kini Dinha. Kita n’yo? Kinahanglan mong makab-ot kining mga butanga. Ug ang paagi lamang nga makab-ot mo gayud kini, mao ang pagkaaduna og gikan-sa-Langit nga kahibalo. Ug ang maong gikan-sa-Langit nga kahibalo pagapanghimatud-an ang Pulong. Kita n’yo?

¹⁷⁵ Kinahanglan gayud nga toohan mo, dili nga magpatoo-too lang niini. Wala niini ang magpatoo-too, kita n’yo, kung moingon ka, “Aduna na ko niini.” Ayaw pagpaka-itum nga langgam nga nagabutang ug balhibo sa pabo diha sa imong kaugalingon, kita n’yo, kay mangahulog lang ang mga niini mismo. Dili man kini natural nga nanggitubo dinha. Gipangpatusok lang ang mga niini.

¹⁷⁶ Nahunahunaan ko kon diin nga giingon ni David kaniadto, Mga Salmo 1, “Mahisama siya sa kahoy nga natanum sa daplin sa kasapaan sa tubig,” Nahibalo na mo, adunay kalainan ang nahitanum gayud ug kaysa kanang gibutang lamang, gipangtugsok. Sama sa karaan nang kahoyng encina, kaniadto pa’y natanum na kini, nga nagasuut-suut gayud pailalum ug nanggamut na gayud og maayo. Ang gamayn’g tukog nga nakatugsok dinha, wala ka masayod kon usay dangatan niini. Walay mga gamut. Walay pundasyon kini. Kita n’yo?

177 Sama kana sa pipila ka mga tawong nagagikan sa seminaryo o kung unsa man, kita n'yo. Wala na'y. . . "Bueno, giordenahan ako ni Doktor *Ingon ani-ug-ingon ana* sa ministerio." Dili mahinungdanon kon unsa man kadto.

178 Gipakatawo ka ni Cristo pasulod niini, kita n'yo, kita n'yo, pinaagi sa imong pagtoo. Kita n'yo? Gipakatawo ka na pag-usab ug natawo na pasulod niini. Ug dayon human nga natawo ka na pag-usab pasulod niini, mao kini ang mga butang nga Iyang ginalauman nga inyong ipuno. Padayon lang nga igapuno ang mga niini. Karon diretso na natong ipadayon.

179 Karon magkaadunay usa pa ka butang bahin niining kahibalo, nga mahimo natong hisgotan, ang diosnong kahibalo. Kita n'yo? "Nawala na ba sa Biblia ang kahulogan Niini sa karong panahon?" Kita n'yo, sila, daghan sa mga tawo ang mosulti kaninyo niana, nga dili gayud ingon niana ang pasabot sa Biblia. Kung ang Dios nagabantay kanako, ug ginabadlong ako diha sa akong sala, ug kung ako man usa ka anak sa Dios, buhaton Niya kana. Ginabuhat Niya kana kanimo sa nianang pamaagi, mga anak nga lalaki [Blangko nga bahin sa teyp—Ed.] anak nga mga babaye. Sa dihang mohimo kamo og bisan unsang kasaypanan, badlongon Niya kamo. Unya kung partikular gayud ang Dios mahitungod kanimo, nga Iya kang ginabantayan ug ginabadlong ka, unsa pa ka labaw kaha Siya sa Iyang Pulong, nga maoy imong ehemplo, nga mao Siya Mismo!

Sa sinugdan mao ang Pulong, ug ang Pulong kauban sa Dios, ug ang Pulong mao ang Dios.

Ug . . . nahimong unod, ug mipuyo ipon kanato, . . .

180 Ang Pulong mao ang kapahayagan ni Jesus Cristo, maoy giingon sa Biblia, si Cristo ingon nga ginapadayag diha sa Iyang Pulong. Ug kung nagabantay Siya kanimo sa dihang ginalapas mo kining maong kasugoan, silotan Niya kamo tungod niini, unsa pa ka mas labaw Siyang nagbantay sa Iyang kasugoan nga maoy nagasilot kaninyo! Amen.

181 Padayon lang, dong, ayaw na ko sultihi nianang mga butanga!

182 Nagatoo ako sa tinuod, iya sa Balaang Espiritu nga kahibalo. Ang iya sa Balaang Espiritu nga kahibalo kanunay gayud ginapuntohan ang Pulong og "amen." Sa dihang mahinagbo ninyo kining mga butanga nga mora og nagsumpakiay, diha sa Biblia, paglingkod mo ug tun-i kini, ug nga maampoon sama niana. Ug mahibaloan mo na lang, nagsugod na'g lihok ang Balaang Espiritu. Pagkataud-taod inyo na kining makita nga nagkatakdo na, ug dinha nasabtan na ninyo kini. Kita n'yo? Mao kana ang kahibalo.

183 Ang uban kanila moingon, "Bueno, karon, nagsulti ang Biblia nga Siya mao sa gihapon kagahapon, karon ug hangtud sa kahangturan."

¹⁸⁴ Ug ang iglesia moingon, “Sa usa ka pagpanghunahuna, Siya mao sa gihapon.” Huh-uh! Huh-uh! Imo nang giguba ang gintang, dinha pa lang. Kita n’yo? Oo, sir. Dili, sir. Siya mao sa gihapon. Oo, sir.

¹⁸⁵ “Si Jesus Cristo mao sa gihapon kagahapon, karon, ug hangtud sa kahangturan.” Walay pagkabalhin diha Kaniya, man lang. Nagpuyo Siya sa Iyang Iglesia, nga ginapamuhat ang mao ra nga butang. “Sa hamubo na lang nga panahon,” ingon sa ako nang gikutlo sa dili pa lang dugay, “sa hamubo na lang nga panahon ug unya ang kalibutan dili na makakita Kanako, apan kamo makakita ra Kanako.” Kay, miingon Siya, “Ako magauban kaninyo, maanaa pa gani sulod kaninyo, hangtud sa katapusan sa kalibutan.” Usab, giingon Niya, “Ang mga buhat nga akong ginabuhar inyo usab pagabuhaton.” Usab, giingon Niya, “Ako ang mamahimong Punoan sa Paras. Kamo ang mamahimong mga sanga.” Ug nagkinabuhi lang ang sanga pinaagi sa Kinabuhi sa Punoan. Kung unsa man ang anaa sa maong Punoan nagagawas diha sa sanga. Pagkahimaya! Kung ingon-ana, “Si Cristo mao sa gihapon kagahapon, karon, ug hangtud sa kahangturan.” Ginapamunga niini ang Kinabuhi ni Ginoong Jesus Cristo. Amen.

¹⁸⁶ Ang kahibalo; dili kanang kalibutanon (nagapangatarungan kini). Ang bisan unsang matang sa kahibalo nga kalibutanon nagapangatarungan. Kita n’yo? Apan walay pagpangatarungan ang pagtoo. Mopadayag kanimo ang Dios nga *kini-o-kanang* butang magakahitabo, mahimong moingon na kanimo ang matag siyentipiko sa kalibutan, “Sukwahi kini. Dili gayud kini mahitabo.” Ginatoohan mo kini, sa gihapon. Kita n’yo? Oo, sir. Dili kini nagapangatarungan. Nag-ingon ang Biblia, “Isalikway nato ang mga pagpangatarungan.” Wala ka nagapangatarungan sa pagtoo. Walay pagpangatarungan ang pagtoo. Nasayod ang pagtoo kung asa gayud siya. Ang pagtoo nagapamuhat. Padayon nga nagagunit ang pagtoo. Dili kini matarug. Walay bisan unsang makapatarug niini. Dili mahinungdanon kanako kung unsa pa man ang ginaingon *niini*, *niana*, *uban pa*. Dili kini matarug, bisa’g gamay. Nagapabilin kini mismo dinha, nga nagahulat, nagahulat, nagahulat, nagahulat. Wala kini bisan unsay kabilinggan. Nagapabilin kini mismo dinha.

¹⁸⁷ Gisultihan sa Dios si Noe nga magakahitabo kining mga butanga. Gitooan niya kini. Kita n’yo? Gisultihan sa Dios si Moises nga kining mga butanga magakahitabo. Gitooan niya kini. Gisultihan sa Dios ang mga tinun-an bahin sa mga butang nga magakahitabo, “Tungas kamo didto sa Pentecostes ug maghulat.” Nanagpabilin sila mismo didto. Oo, sir. Sige.

¹⁸⁸ Karon, ang kahibalo, karon, dili ang kalibutanong kahibalo, kondili Langitnon kini nga kahibalo. Ug Langitnong kahibalo, kung ang Dios maoy tinubdan sa tanang mga kahibalo, ug ang Dios mao ang Pulong, nan, kon aduna ka na’y Langitnong

kahibalo, motoo ka sa Pulong, ug nagapangatarungan ka sa bisan unsa pinaagi sa Pulong.

¹⁸⁹ Ug kining kaso sa buhisan nga nahilambigitan sa iglesia, o nga nahilambigitan ko. May usa sa mga lalaki diha usa ka higayon, diha sa gamayn'g pagbista, misulti kanako. Misulti sa gikaingon ko na. . . "Wala sila'y makitang sayup." Ug busa nagsugod sila sa. . .

¹⁹⁰ Miingon ako, "Buena, kung ingon-ana, kung wala man gyu'y sayup, nganong dili man ninyo ako undangan?" Kita n'yo? Kita n'yo? Ug gipadayon ko, nga ginasaysayan siya bahin sa pipila ka mga Kasulatan.

¹⁹¹ Miingon siya, usa ka dakung tawo nga adunay sigarilyo sa iyang kamot, siya miingon, "Mr. Branham, usa ako ka estudyante sa Biblia."

Miingon ako, "Nalipay ako nga madungog kana."

¹⁹² Miingon siya, "Karon gusto kong masayran kung unsa kini nga tootoo, nagapabayad ka alang niining maong mga panyo nga imong ginapangpadala, sa nianang gamayn'g tootoo sa pag-ampo sa maong mga panyo ug nga ginapadala ang mga niini, kining 'dinihogang mga panapton,' nga ginatawag mo kining, 'panapton.'" Ingon niya, "Dayon pabayaran mo kadto."

Miingon ko, "Dili, sir. Wala kini bayad."

Ug miingon siya, "Buena, ang bahin usab niining tootoo."

¹⁹³ Nag-ingon ako, "Ginatawag mo kini og tootoo, sir. Nagsulti ka kanako sa dili pa lang dugay nga usa ka ka estudyante sa Biblia."

Miingon siya, "Mao ako."

¹⁹⁴ Ingon ko, "Ikutlo kanako ang Mga Buhat 19:11." Kahibalo! Iyang gilit-ag mismo ang iyang kaugalingon ngadto niini, gisulayan niyang ibalhin ang gihisgotan. Ingon ko, "Dayon ikutlo kanako ang Juan 5:14." Dili niya kini mahimo. Ingon ko, "Kung ingon-ana ang Santiago 5:14." Dili niya kini mahimo. Miingon ako, "Kabalo ka ba sa Juan 3:16?" Kita n'yo? Kahibalo, maantigo, sa kalibutan! Apan pag-diha na sa. . .

¹⁹⁵ Miingon siya, "Apan, Mr. Branham, ginasulayan mong husayon kining kaso pinaagi sa Biblia. Atong ginahusay kini pinaagi sa mga balaod sa nasud."

¹⁹⁶ Ingon ko, "Sir, dili ba nga ang mga balaod sa nasud gibasi man diha sa Biblia? Hustisya kini kung ingon-ana." Amen! Oo.

¹⁹⁷ Ang kahibalo; dili kanang kalibutanon. Ang espirituhanon nga kahibalo sa Pulong, nga nasayod sa kung unsa ang giingon sa Dios, ginabuhat kung unsa ang giingon sa Dios, husto kana. Dayon kung anaa ka na niana ug mahimo nang toohan ang tanan niining mga butanga, nga Siya'y mao ra sa gihapon sa tanan niining mga butang nga gihisgotan sa Pulong nga maoy

matuod, imong ginapuntohan ang matag-usa niini og “amen.” Maayo gayud. Ipuno kana sa imong pagtoo. Maayo na kana. Oo.

¹⁹⁸ Kung adunay mosulay pagsulti kanimo, nga, “Nawala na sa Biblia ang gahum niini. Wala na’y ingon-anang butang sama sa bautismo sa Balaang Espiritu.” Huh-uh. Ayaw ipuno kana. Dili kini magpulos. Mahulog kini. Sama sa nagpatong ka og lapok diha sa bato, dili kini makapabilin. Malumpag kini.

¹⁹⁹ Dayon ang mga tawo moingon kanimo, “Dili na kasaligan ang Biblia karon. Magbantay ka na niini karon. Ayaw gayud toohi kana. Dili kini mahimong tinuod.” Nadungog n’yo na kana sa tanan nang panahon. Diyutayn’g pagsulti, “Dili ka na kasalig sa Biblia.” Bueno, kung—kung anaa kana sa imong hunahuna, ayaw—ayaw sulayi nga ipuno kini, kay dili kini magpulos. Malumpag ang tibuk gambalay dinha mismo.

²⁰⁰ Kinahanglan kini nasemento gayud pinaagi sa Balaang Espiritu. Ang pasabot ko nga nadikit gayud, sa semento nga maoy nagaselyo niini. Ug mao usab sa butang nga nagaselyo niini. . . Kabalo na mo sa pamaagi. . .

²⁰¹ Ang binulkit nga ligid mas molungtad pa og dugay kay sa kanang daan nga gitapak lang. Pag-medyo mainitan ang maong gitapak sa ligid, mahibaloan mo na lang, painitan pa og gamay kana nga ligid, ipadagan og medyo kusog-kusog pa, ug malanay kini. Oo, sir. Kita n’yo?

²⁰² Ug mao kana ang problema sa kadaghanan sa mga tawo karon. Ginasulayan nila idikit ang ilang kahibalo sa kalibutanong kahibalo, pinaagi sa karaan na og gamayn’g kalibutanong pangdikit, ug, sa dihang nagaabot na ang pagsulay, “Ah, nasayup ako tingali.” Kita n’yo? Ug misungaw na ang hangin, mihiyos ka na sa pipila lang ka minuto. Ang tanan mong mga pagsinggit ug paglukso-lukso wala nakahatag ug bisan unsang kaayohan diha kanimo. Makita ka na sa mga tawo nga nagabalik mismo pag-usab sa mao gihapong tunaan. Kita n’yo? Husto kana.

²⁰³ Apan kon nagapabilin ka dinha nga may igong kainit sa Balaang Espiritu, hangtud nga nahiusa ka na sa maong ligid. Mao na kana. Ikaw ug ang ligid nahimo nang usa. Sa dihang ikaw mopabilin dinha hangtud nga ikaw ug ang matag saad sa Dios nahiusa na, nan ipuno na kana sa imong pagtoo. Kon dili pa, ayaw kini ipuno man lang.

Moingon ka, “Dili kasaligan ang Pulong.” Ayaw sulayi nga ipuno kana.

²⁰⁴ Moingon ka, “Ang mga saad nga ania dinhi, mahitungod sa bautismo sa Balaang Espiritu, alang lang kini kadto sa dose ka mga apostoles,” sama sa ginaingon sa mga kaiglesiahan karon, ayaw gyud sulaying ipuno kana. Dinha kon diin ang ilang pundasyon, nangalumpag na tanan. Kita n’yo? Sama kang Uzias kaniadto, kagabii, sa dihang nakita niya ang pundasyon

sa niining maong tawo nga gikalauman niya, nalumpag tanan, nga gihampak og sanla, walay pulos kadto. Karon, “Alang lang gayud sa dose ka mga apostoles, sa maong dose lang ka apostoles.”

²⁰⁵ Atua ako didto sa ila ni Igsoong Wright. . .siguro anaa sila dinha sa likod kon asa man. Usa ka gabii, adunay usa ka ministro didto, sunod na ako sa pagwali, upat o lima ka mga magwawali ang tanan didto. Kining maong magwawali mitindog ug miingon, “Karon, gusto ko sultihan kamong bililhong mga tawo og usa ka butang. Oh, nasayod akong maayo kaayo kamong mga tawo.”

²⁰⁶ Miingon ako, aduna ko’y gisultihan, ingon ko, “Kanang—kanang usa nga nagalingkod dinha. Bantayi.”

²⁰⁷ Busa, si Junior Jackson, nga anaa dinha sa likod, bag-ohay pa nahuman pagwali. Ug miingon siya. . .nagwali siya niadto mahitungod sa grasya sa Dios. Oh, sus!

²⁰⁸ Naghigwao na gayud siya, sa paghulat. Mitindog siya didto ug gipaninguhaan niyang sabton. “Karon, gusto kong ingnon nga si Mr. Branham dinhi, sultihan ko kamo, usa ka anticristo.” Ug gisugdan niyang ingon niana, tibuok gabii.

²⁰⁹ Ang uban sa mga magwawali nagsugod na’g. . .Nag-ingon ako, “Hulat usa. Karon, ayaw pagsulti kung unsa man, mga igsoon. Nag-inusara lamang siya ug daghan kanato.” Ingon ko, “Pasagdi lang siya karon. Ako lang ang iyang giinitan.” Gusto ko, ako mismo, nga ako lang gayud, wala ko mahibalo kung unsay akong buhaton. Kita n’yo?

²¹⁰ Busa, ingon niya, “Si Mr. Branham usa ka anticristo,” ug padayon siyang nagpamulong sa tanang butang nga kabalo na mo, bahin sa kung unsa man. Miingon siya, “Nagsulti siya didto, ‘ang bautismo sa Balaang Espiritu.’” Miingon, “Nagsulti ang Biblia nga adunay dose lang ang nakadawat sa bautismo sa Balaang Espiritu.” Sa paghisgot sa Langitnong pagpang-ayo, “Ang dose ka apostoles lang ang nagkaadunay Langitnong pagpang-ayo.” Ingon pa niya, “Isulti nato kon diin nagasulti ang Biblia, ug mohilom kon diin hilom ang Biblia.” Gihulat ko hangtud nahuman siya pagpanulti didto sa mga tunga sa oras.

²¹¹ Miingon ako, “Hulat lang usa sa makadiyut. Daghan akong gipangsulat dinhi,” miingon ko, “hatagi ko og higayon nga tubagon ang pipila niini.” Ug sa pagtindog ko, miingon ako, “Si sir, nagsulti siya nga siya’y ‘nagsulti kon diin nagsulti ang Biblia,’ mao usab ang gihimo sa iyang iglesia, ‘ug mohilom kon diin Hilom Kini.’ Mga saksi kamong tanan. ‘Oo.’” Miingon ako, “Karon, siya miingon ‘Adunay dose lamang ang nakadawat sa Balaang Espiritu.’ Ang akong Biblia nag-ingon nga adunay syento-bayente, sa unang higayon.” Amen! Ilabay ang ingon nianang matang sa kahibalo, nakita ninyo, nga iyang gipaningkamotan.

212 Nag-ingon ako, “Kung ingon-ana wala siguro nadawat ni Pablo ang Balaang Espiritu sa dihang giingon niyang nadawat niya.” Kita n’yo?

213 Ingon ko, “Didto sa . . . Sa dihang miadto si Felipe ug nagsangyaw ngadto sa mga Samaritanhon. Nabautismohan na sila kaniadto sa Ngalan ni Jesus. Lamang, wala pa miabot ang Balaang Espiritu diha kanila. Ug gipaadtoan nila ug napaanha si Pedro ug si Juan, miadto ug nagpandong og mga kamot diha kanila, ug miabot kanila ang Balaang Espiritu. Abi ko kadto lang ang mga dose?”

214 Miingon ko, “Diha sa Mga Buhat 10:49, sa dihang atua si Pedro didto sa atop sa balay, ug nakakita og panan-awon nga padto sila sa balay ni Cornelio’. Samtang sa ginasulti ni Pedro kadtong mga pulong, mikunsad ang Balaang Espiritu ngadto kanila nga nakadungog sa Pulong.” Ingon ko, “Nagasulti pa sa gihapon ang Biblia. Asa naman ang imong iglesia?” Mibalik na sab ngadto sa mga nabiyaan na. Husto kana. Kita n’yo?

215 Miingon ako, “Sa Langitnong pagpang-ayo, ingon mo, ‘Ang dose lang ka apostoles ang nagkaaduna og Langitnong pagpang-ayo.’ Nagsulti ang Biblia nga miadto si Esteban sa Samaria ug nagpagula og mga yawa ug nagpang-ayo sa mga masakiton, ug miabot sa siyudad ang dakung kalipay. Ug dili siya usa sa dose. Dili siya apostol. Usa siya ka diyakono.” Amen. Amen.

216 Miingon ko, “Ug dili usa si Pablo sa dose nga atua didto sa lawak sa itaas, ug aduna siya’y gasa sa pagpang-ayo.”

217 Miingon ko, “Tan-awa lang ang maong mga gasa sa pagpang-ayo! Ug hangtud sa, trayenta ka tuig human niadto, atua pa siya sa gihapon sa mga Taga-Corinto, nagaordina sa maong mga gasa sa pagpang-ayo ngadto sa Lawas ni Cristo.” Oh, sus!

218 Karon, ang ingon nianang matang sa kahibalo nga nakat-onan ninyo gikan sa kung unsang libro, mas maayo pa nga inyo nang ilabay kini sa basurahan. Pagduol ngadto niining maong kahibalo. Sa dihang ang Dios miingon, “Siya’y mao sa gihapon kagahapon, karon, ug hangtud sa kahangturan,” pag-ingon, “Amen.” Oo, sir. Oo, sir. Dili para ngadto sa dose; para kini sa tanan. Sa dihang makab-ot mo ang ingon nianang matang sa—sa pagtoo, sa dihang ginapuntohan kini sa imong pagtoo, ang kada bahin niini, og “amen,” dayon moingon ka, “Tinuod kana,” ipuno kana ngadto niini.

219 Ang ikaupat. Kinahanglan na natong dalion, tungod kay akong. . . Nagbati gyud ko og kaanindot sa pagtindog dinhi ug nga ginahisgotan kini. Amen. [Usa ka igsoon nagaingon, “Nagakalipay kami niini.”—Ed.] Oo. Sa ikaupat. . . Salamat.

220 Ipuno “ang pagpugong sa kaugalingon.” Oh, sus! Nahiabot na kita sa pagpugong sa kaugalingon. Karon, aduna ka na’y pagtoo, una; magkaaduna ka kinahanglan niana, sa sugod pa lang. Dayon ipuno mo ang kaligdong sa imong pagtoo, kung kini

mao ang husto nga matang sa kaligdong. Dayon ipuno mo ang kahibalo, kung kini ang husto nga matang sa kahibalo. Karon igapuno mo na ang pagpugong sa kaugalingon.

²²¹ Ang pagpugong sa kaugalingon wala nagpasabot og, “paghunong sa pag-inom sa ilimnon’g makahubog,” dinhi, o asa pa man. Dili, dili. Ang pagpugong sa kaugalingon wala nagpasabot og pagkaayo sa pagkapalahubog, dili sa ingon niining hisgotanan. Kini mao ang pagpugong sa kaugalingon sumala sa Biblia, ang iya sa Balaang Espiritu nga pagpugong sa kaugalingon. Kadto maoy usa lang sa kailibgon sa unod, apan nagahisgot kita mahitungod sa pagpugong sa kaugalingon nga iya sa Balaang Espiritu. Ang ipasabot niana, kon unsaon mo pugngan ang imong dila, dili nga mamahimong tabian; kon unsaon pugngan ang imong kainit og ulo, dili nga masuko ka dayon pag-adunay mosulti og supak kanimo. Oh, sus!

²²² Sus, daghan na kanato ang mangatagak sa dili pa gani kita misugod, dili ba? Kita n’yo? Unya matingala kita kon ngano nga wala ang Dios diha sa Iyang Iglesia, sa pagbuhat og mga milagro ug ingon anang mga butang nga ilang ginapamuhat kaniadto. Oo, sir. Kita n’yo?

²²³ Ipuno kining mga butanga. Ipuno ang pagpugong sa kaugalingon ngadto niini. Oh, ang pagpugong sa kaugalingon, kon unsaon pagtubag nga may pagkamaaghop sa dihang gikasultihan ka diha sa kasuko. Adunay moingon, “Kamong pundok sa mga holy-roller dinha!” Ayaw paggawag ug pagtayada dayon. Kita n’yo? Dili ingon niana. Apan pagpakigsulti nga may diosnong gugma, pagpugong sa kaugalingon, og nga may pagkamaaghop. Gusto mo bang mahimong ingon niana?” [Ang kongregasyon nagaingon, “Amen.”—Ed.] Sa dihang gipalagot ka, ayaw paglagot dayon. Himoa Siya nga imong mamahimong sumbanan.

²²⁴ Sa dihang giingon nila, “Kung Anak Ka man sa Dios, sugoa kining mga bato nga mamahimong tinapay,” mahimo Niya unta kadto, ug ipakita nga Siya Dios. Apan aduna Siya’y pagpugong sa kaugalingon. Sa dihang ila Siyang gitawag, “Beelzebub,” miingon Siya, “Pasayloon Ko kamo niana.” Husto ba? Ilang gipangbira ang mga bungot sa Iyang nawong, ug gilud-an ang Iyang nawong, ug miingon, “Kanaug diha sa krus!”

²²⁵ Miingon Siya, “Amahan, pasayloa sila. Wala gani sila masayod sa ilang ginabuhat.”

²²⁶ Samtang, atua Kaniya ang gasa, nasayod Siya sa tanang butang, kay diha Kaniya nagapuyo sa pagkalawas ang bug-os kinatibuk-an sa pagka-Dios. Nakita nila Siyang nagapamuhat og mga milagro, sa pagsulti sa mga tawo kon unsay ilang problema, ug uban pa nga sama niana. Ilang gitabonan og trapo ang tibuok Niyang ulo, ang tanan Niyang mata, ug gibunalan Siya sa ulo sa usa ka kahoy, ug miingon, “Pagpropesiya, itug-an

kung kinsa ang mibunal Kanimo. Motoo na kami Nimo.” Kita n’yo? Aduna Siya’y pagpugong sa kaugalingon.

²²⁷ Karon, kon aduna ka na niini nga sama niana, ipuno kini sa imong pagtoo. Kon nagakalagot ka pa sa gihapon ug mosukol, ug molalis, ug manggubot, ug nagpatuyang na, huh-uh, wala ka pa’y. . . Dili mo mahimong ipuno kana, kay dili man kini mahimo. Kita n’yo? Dili mahimong ibulkanisa kini. Dili ka mahimong mokuha og usa ka goma, kabalo na mo, ug ibulkanisa kini ngadto sa usa ka puthaw. Dili gayud kini magpulos. Dili, molubay-lubay kini kinahanglan, sama gayud sa goma. Kita n’yo? Ug sa diha nga ang imong pagtoo ug ang imong pagpugong sa kaugalingon nahimo nang sama sa matang sa pagpugong sa kaugalingon nga iya sa Balaang Espiritu nga anaa kaniadto Kaniya, nan mahibulkanisa kini diha Kaniya. Naipuno ka na ngadto niini.

Sa diha nga ang imong kaligdong susama na sa Iyang kaligdong, kung ingon-ana igapuno kini ngadto niini.

²²⁸ Sa diha nga ang imong kahibalo susama na sa Iyang kahibalo, “Nagaanhi ako sa pagtuman sa Imong kabubut-on, O Dios.” Kita n’yo? Pinaagi sa Pulong sa Amahan, Iyang gipukan ang matag yawa. Mangahanaw man ang mga Langit ug yuta, apan dili gayud ang Pulong. Kita n’yo? Sa dihang aduna ka na’y ingon nianang matang sa kahibalo, mobulkanisa kini diha sa imong pagtoo.

²²⁹ Sa dihang anaa ka na’y husto nga matang sa pagpugong sa kaugalingon, sama nga aduna Siya kaniadto, mobulkanisa kini. Kung wala ka pa, apan ang tunga-tunga nga hinimo’g tawo lamang, sinawsaw nga pagtoo, o pagpugong sa kaugalingon, “Oh, angay’n g sagpaon ko siya, apan—apan mas maayo tingali nga dili na lang, kay basin ibalita pa nila ang akong ngalan sa mantalaan bahin niini.” Dili ingon-ana nga matang ang pagpugong sa kaugalingon nga Iyang ginahisgotan. Ayaw sulayi nga ipuno kana. Dili kini magpulos. Apan sa diha nga sa tinud-anay mahimo mo, nga inubanan sa pagkalumo nga nagagikan sa imong kasingkasing, ang pagpasaylo sa matag tawo, mohilum, ipalagpas kini, kita n’yo, nan mobulkanisa kini. Mahimo mong ipuno kana sa imong pagtoo. Whew!

²³⁰ Dili ikatingala nga kabus gayud ang Iglesia. Dili ba husto kana? Dili ikatingala. Moingon ako, “Paghinulsol ug magpabautismo, ang Biblia nag-ingon, sa Ngalan ni Jesus Cristo.” Ug ang usa ka estriktong Trinitarian dili motoo niana, moingon, “Karaan na kanang anticristo. Siya’y usa ka Jesus Name. Usa siya ka Jesus Only.” Pagbantay, dong, wala ako mahibalo mismo bahin sa imong pagpugong sa kaugalingon karon. Kita n’yo? Nganong dili man ka moari, moingon, “Usahan nato kini paghusay, Igsoong Branham. Gusto kong maminaw nga mapasabot mo Kini”? Kita n’yo? Kung ingon-ana ari ka ug

paminaw Niini. Ug unya maipresentar na mismo kini sa imong atubangan, ug dayon mopalayo ka; ato—ato kanang hisgotan sa dili madugay, diha na sa “pagkadiosnon,” kita n’yo. Apan kon ikaw—kon ikaw nagakaulit pa, gustong mohusga dayon, huh—uh, dili—dili ingon niana. Kita n’yo? Wala ka pa’y pagpugong sa kaugalingon nga sumala sa Biblia kon ginabuhat mo kana; kon unsaon pagtubag niini. Nan kon anaa ka na og tanan niini, mahimo mong ipuno kini sa imong pagtoo.

²³¹ Unya, human niana, ang ikaupat, gusto mong ipuno ang pagpailub ngadto sa imong pagtoo. Kung aduna ka’y pagtoo, “nagabunga kini og pagpailub,” ang gisulti sa Biblia. Kita n’yo? Busa, *kini* ang pagpailub. Karon, kana ang sunod nga maoy motukod pa niining maong bantayog. Kabalo mo, adunay tinuod nga mga materyales ang Dios sa Iyang Gambalay.

²³² Nakita ninyo kon unsa kita ka kulang pa, igsoong lalaki, ug igsoong babaye? Kita n’yo? Nakita n’yo kon ngano, kon asa pa kita? Oo, sir. Kita n’yo? Aduna kita’y himaya, adunay mga pagsinggit ug ingon-anang mga butang, tungod kay aduna kita’y pagtoo. Apan pag-abot na nato *dinhi* niining mga butanga, dili na kita mapatukod pa sa Dios ngadto nianang maong bantayog. Kita n’yo? Dili Niya mahimo. Dili Niya kita mahimong ipadangat ngadto nianang matang sa kahimtang. Aduna na kanato ang tanan niining uban pang mga butang. Nagakahulog kita, nagapadaus-os uban niini. Kita n’yo? Dili Niya mapatukod pa ang Iyang Iglesia.

²³³ Pagpailub sa unsa man? Unsang klaseng pagpailub? Ang unang butang, mao nga aduna ka’y pagpailub sa Dios. Kung aduna gyud ka’y, tinuod nga pagtoo, magkaaduna ka og tinuod gayud nga pagpailub, tungod kay ang pagtoo nagapamunga og pagpailub. Kung aduna ma’y ginasulti ang Dios og bisan unsa, ginatoohan mo kini. Kana lang. Aduna ka’y pagpailub.

²³⁴ Moingon, “Bueno, gihangyo ko Siyang ayuhon ako kagabii, ug mao ra sa gihapon ako kamasakiton karong buntaga.” Oh, sus! Unsang pagpailub?

²³⁵ Gisaaran sa Dios si Abraham, ug human sa bayente ka tuig wala gani ni usa ka timailhan. Nagtoo siya sa gihapon. Nagmapailubon siya sa Dios. Uh-huh.

²³⁶ Ibutang mo Siya kanunay sa imong unahan. Tugotan mong mamahimo Siyang sunod nga talabukon nga butang. Dili mo Siyang mahimong tabukon, busa ipabilin lang Siya nga anaa sa imong unahan. “Maoy Iyang giingon, ug mahitabo gayud kini.” Kita n’yo? Ipabilin Siyang anaa sa inyong unahan. Husto kana.

²³⁷ Adunay pagpailub kaniadto si Noe. Oo. Aduna si Noe og tinuod, diosnong pagpailub. Nag-ingon ang Dios, “Pagalaglagon Ko kining kalibutan pinaagi sa ulan,” ug nagsangyaw si Noe sa usa ka gatus ug bayente ka tuig, sa gihapon. Puno sa pagpailub. Wala gani bisan yamog ang nahulog gikan sa Langit. Wala

gayud. Abugon lang sa gihapon kung unsa lang gayud kaniadto, sulod sa usa ka gatus ug bayente ka tuig, apan nagmapailubon siya kaniadto.

Kung ingon-ana, ginasulayan sa Dios ang imong pagpailub. Husto kana. Ginasulayan sila sa Dios.

²³⁸ Human nga gisultihan Niya si Noe, karon giingnan Niya, “Noe, gusto Kong mouna ka na ug pagsulod na sa arka. Ipasulod Ko na didto ang mga mananap, ug Akong—gusto Kong mosulod ka na. Saka ka sa hagdanan, karon, aron imong malantaw, diha sa ibabaw nga bintana. Karon, gusto Kong mosulod ka na didto. Gusto Kong sultihan mo kining mga tawo, ‘Ugma, kon unsa ma’y akong ginasangyaw sulod sa usa ka gatus ug bayente ka tuig, mamahitabo na.’ Sige, adtoi didto ug sultih sila.”

²³⁹ Unsa ma’y unang timailhan? Misulod na si Noe sa arka. Wala pay ulan. Nangandam na si Noe, ug nasul-ob na ang kapote, ug tanan na, aron iyang malantaw-lantaw, usahay. Nakaandam na. Apan pagkasunod nga adlaw . . .

²⁴⁰ Nagtoo ko nga iya tingaling gisultihan ang iyang panimalay, ug ang iyang mga umagad ug tanan sila, miingon, “Oh, sus! Ugma makita na ninyo ang usa ka butang nga wala pa gayud ninyo makita sukad. Tungod kay, ang tibuok kawanangan, manggidag-um. Ug magapanghitabo ang mga dalugdog ug mga kilat. Manggilipak ang dakung espada sa Dios sa tibuok kawanangan. Pagasilotan Niya kining daghang mga makasasala nga misalikway kanato, sulod niining usa ka gatus ug bayente na ka tuig. Bantayi lang ninyo ug tan-awa.” Kita n’yo?

²⁴¹ Ang uban sa mga tunga-tunga nga magtotoo, kabalo na mo, nga nagalanganlangan ug dili gayud mosulod, kabalo na mo. Kamo—aduna pa mo’y ingon niana, kabalo na mo. Busa sila—miadto sila, miingon, “Bueno, husto man tingali ang maong tigulang, busa adtoan nato ug hulaton ta sa pipila ka adlaw, o hulaton ta sa diyutayn’g oras sa buntag, ug atong makita.”

²⁴² Pagkasunod nga adlaw, imbis nga usa ka maitum nga dag-um, ania karon ang adlaw nga nagasubang sama sa ginabuhay na niini. Gisusi ni Noe. Miingon, “Ay, wala ma’y dag-um.”

²⁴³ Miduol kadtong tawhana, giingnan, “Ay, nasayod ko nga usa ka kanila. Kita mo, nagsige ka’g libot-libot dinhi.”

²⁴⁴ “Ay, pasensiya ka na, sir. Ha-ha. Basin ako—ako—ako lang, kabalo ka na, nagkainteresado lang, kabalo ka na. Medyo lang, kita mo na. Ha-ha-ha.”

²⁴⁵ Apan, si Noe, aduna siya’y pagpailub. Miingon, “Kung dili man kini miabot karong adlaw, maania kini ugma.” Ngano man? Mao man ang giingon sa Dios.

“Kanus-a man Siya nagsulti kanimo niana, Noe?”

246 “Usa ka gatus ug bayente ka tuig na ang milabay. Nahiabot na ako niining kadugayon, busa nagapaabot na lang ako dinhi karon.” Nakita ninyo kana? Taudtaod. . .

247 Atong makita, nga nahiabot ang Dios niining kadugayon, sa paghulat sa Iglesia, usab, apan mahiabot Kini didto. Ayaw’g kabalaka. Gisaad na Niya Kini.

248 Nagpaabot niining dugay nang mga panahon alang sa usa ka pagkabanhaw. Magkaaduna’g usa. Ayaw’g kabalaka. Gisaad na kini sa Dios. Maghulat lang nga mapailubon. Makatulog ka man, dili kana’y. . . Mahimong makatulog ka sa makadiyut sa dili pa kini mahitabo, apan momata gyud ka nianang higayona. Iyang gisaad kini, nakita n’yo. Ang pagtulog sa makadiyut, kita n’yo, nga atong gitawag nga natulog sa makadiyut sa kamatayon, kabalo na mo. Ang gitawag nato nga kamatayon, usa lang ka pagtulog sa makadiyut, o pagtulog diha kang Cristo. Walay ingon nianang pagkamatay diha kang Cristo. Wala nagadungan ang kinabuhi ug ang kamatayon. Kita n’yo? Nagakatulog lang kita sa makadiyut, usa ka pagtulog sa makadiyut nga dili kita mahimong tawgon sa atong mga kahigalaan. Siya lamang ang Maong makatawag. “Magatawag siya, ug ako motubag Kaniya,” ang ingon ni Job. Natulog si Job sulod sa upat na ka libo ka mga katuigan karon. Ayaw’g kabalaka. Siya’y—momata gayud siya. Ayaw’g kabalaka. Nagapaabot siya sa gihapon.

249 Naghulat si Noe. Milabay na ang ikaupat ka adlaw. Walay ulan. Okay lang. Mamahitabo gayud kini.

250 Madungog ko si Mrs. Noe nga nagaduol ug nagaingon, “Dad, sigura- . . .?”

“Ayaw pagsulti sa ingon niana.”

251 Aduna siya’y pagpailub, tungod kay aduna siya’y pagtoo. Oo, sir. Aduna siya’y kaligdong. Aduna siya’y kahibalo nga husto ang Dios. Aduna siya’y pagpugong sa kaugalingon. Dili siya nagwala, moingon, “Bueno, wala ko kahibalo kung unsa na kini tanan. Nawad-an na ko niana og popularidad.” Wala, wala. “Wala na’y pagtagad ang mga tawo kanako karon. Mogawas na lang ako didto ug sugdan pag-usab, nga bag-o na usab.” Wala, wala. Aduna siya’y pagpailub. Nagsaad ang Dios. Tumanon kini sa Dios. Tumanon kini sa Dios, kay mao man ang giingon sa Dios.

252 Ug makita ko nga nagaduol ang anak niya nga lalaki, nagaingon, “Dad, kabalo ka. . .” Ginahapuhap ang iyang ubanon nang taas niya nga buhok, kabalo na mo. Ug siya’y gatusan na ka tuig ang kagulangon, kabalo na mo, nga nagalingkod didto. Miingon pa, “Nasayod ako nga usa ka na ka tigulang nga patriyarka. Akong—Gihigugma ko ikaw, papa. Apan mahimo kahang possible nga medyo nasayup ka niini og diyutay?”

“Oh, wala. Wala.”

“Ngano man?”

“Maoy giingon sa Dios!”

²⁵³ “Bueno, papa, unom na ka adlaw nga ania kita dinhi. Nagpahiluna dinhi niining daku, karaan, nag-uga na nga arka nga nakapahiluna mismo dinhi. Ug nabulitan kini tanan og salong, sa sulod ug sa gawas. Ug gitukod nato kini sulod sa tanan na niining mga katuigan. Ug nagtindog ka didto ug nagwali, hangtud nga naubanon ka na ug naupaw. Ug ania ka na nga dapit karon dinhi, ginapaninguhaan ang pagsulti *niini-ug-nianang* butanga. Ug nangatawa ang mga tawo, ug ginabato sa dunot nga mga kamatis ug ingon nianang mga butang ang kilid niini. Tan-awa didto kung unsa na’y imong ginabuhat. Aba, kabalo ka . . .”

“Magmapailubon ka, anak.”

“Siguro ka ba?”

“Moulan gayud!”

Miingon ang iyang umagad nga babaye, “Amahan, nasayod ka ba . . .”

“Moulan gayud!”

²⁵⁴ “Apan sa dugay na kita niining mga katuigan, nagahulat. Dugay na kita nga nagapangandam. Ug miingon ka kanamo nga moulan, usa na ka semana ang milabay. Ug ania na kita dinhi, ug sarado na gayud ang mga pultahan, ug ania kita nagalakawlakaw sa sulod dinhi, ug ang adlaw sa naandan na mainit kaayo nga nagasidlak.”

“Apan moulan gayud!”

“Giunsa man nimo sa pagkahibalo?”

“Maoy gisulti sa Dios!”

²⁵⁵ Karon pagmaingon na kita niana, ipuno kini. Apan kon dili ka pa ingon niana, ayaw—ayaw gayud sulayi nga ipuno kini. Dili kini magpulos. Dili kini magpulos sa pagpang-ayo. Dili kini magpulos sa bisan unsa pa man. Kita n’yo? Kinahanglan nga moangay kini sa maong materyales nga gikabulkanisa kini ngadto. Husto kana. Kinahanglan mong ipuno kini. Ang pagpailub sa saad sa Dios. Oo, sir. Gitoohan kini ni Noe. Ug aduna siya’y pagpailub sa Dios, sulod sa usa ka gatus ug bayente ka tuig.

²⁵⁶ Si Moises, aduna siya’y pagpailub sa Dios. Oo, sir. “Moises, hingdunggan Ko ang pagtuaw sa Akong katawhan. Nakita Ko ang ilang kaguol. Mokaunag Ako aron pagluwas kanila. Pagasugoon Ko ikaw didto.”

²⁵⁷ Ug adunay gamayn’g kalainan tali kaniya ug sa Dios, ug gipakita kaniya sa Dios ang Iyang himaya. Miingon, “Ania ako nga moadto na.” Sa dihang sa makausa niyang nakita ang himaya sa Dios, nakita ninyo, aduna siya’y pagto.

Nag-ingon, “Unsa man kana ang anaa sa imong kamot, Moises?”

Miingon, “Usa ka sungkod.”

Siya miingon, “Iitsa kana.”

Nahimo kadto nga usa ka bitin. Miingon siya, “Oh, sus!” Nagsugod siya . . .

²⁵⁸ Miingon, “Punita kini, Moises. Kon mahimo Ko paghimo niini ngadto sa usa ka bitin, mahimo Kong ibalik kini pag-usab.”

²⁵⁹ Ah! [Ginapalakpak ni Igsoong Branham ang iyang mga kamot sa makatulo ka higayon—Ed.] Amen! Kon makahatag ang Dios kanako og natural nga kinabuhi, mahimo Niya akong hatagan og espirituhanong Kinabuhi! Kon mahimong ihatag ang ikaduhang pagpakatawo! Amen! Kon mahimong ayuhon sa Dios *kini*, pinaagi sa Balaanong pagpang-ayo, mahimo Niyang banhawon kini pag-usab sa Iyang kahimayaan, sa katapusan nga adlaw. Husto kana.

²⁶⁰ “Mahimo Kong iitsa kining sungkod ug himoon kini nga usa ka bitin. Mahimo Ko usab ibalik kini ngadto sa usa ka sungkod. Gunitan kini sa ikog.”

²⁶¹ Gituy-od ni Moises ug gipunit kini. Ug dinha kini, usa na ka sungkod. Nagsugod dayon siya’g pagpuno og kahibalo. Kita n’yo?

“Unsa may nahitabo sa imong kamot, karon, Moises?”

“Wala.”

“Isulod kini sa imong dughan.”

²⁶² “Sige. Unsa man ang bahin sa . . .” Namuti sa sanla. “O Ginoo, tan-awa ang akong kamot!”

“Isulod kini balik sa imong dughan, Moises.”

²⁶³ Gibalik niya kini nga sama *niana*, naulian kini sama gayud sa . . . Gisugdan niyang ipuno gayud sila sama *niini*, dayon, kita n’yo. Oo, sir.

²⁶⁴ Miadto siya didto. Ug ang unang kalainan . . . Miabot siya didto. Migawas didto ug miingon, “Nag-ingon ang Ginoong Dios, ‘Tugoti sa pagpalakaw ang akong mga katawhan.’ Faraon, gusto kong masayran mo kini. Mianhi Ako ingon nga usa ka tigrepresentar sa Dios. Kinahanglan nga sundon mo ako.”

²⁶⁵ Miingon si Faraon, “Mosunod? Nakaila ka ba kung kinsa ako? Ako si Faraon. “Ako mosunod kanimo, nga usa ka ulipon?”

²⁶⁶ Miingon, “Pagasundon mo ako, o malaglag ka. Buhaton mo hain man ang gusto mo.” Ngano man? Nasayod siya sa kung unsa ma’y iyang ginasulti. Aduna kaniya ang sugo. Atua siya didto. Nakigsulti siya sa Dios. Aduna siya’y pagtoo. Nasayod siya kon asa gayud siya.

“Gusto mo nga mosunod ako kanimo? Pahawa dinhi!”

“Ipakita ko kanimo.”

“Pakitai ko og usa ka ilhanan.”

Gi-itsa niya ang sungkod; nahimo kining usa ka bitin.

²⁶⁷ “Aba,” nag-ingon siya, “ubos nga klase kana nga pang-madyikerong lipatlipat! Ari ka sa makadiyut. Umari ka, Jannes, ikaw ug Jambres, iitsa ang inyong mga sungkod.” Ilang gipang-itsa kini, ug nangahimo silang bitin.

²⁶⁸ Miingon, “Karon, kamong mga ubos nga klase, umari kamo dinhi kanako, nga usa ka Ehiptohanon, usa ka faraon sa Ehipto. Ug pag-anhi kamo dinhi uban sa inyong ubos nga klaseng pang-madyikerong lipatlipat, uban sa pipila sa inyong mga panglimbong,” kabalo na mo, mga pagbasa sa hunahuna. Nasayod na mo sa unsay akong ipasabot. Hinaut nga nasabtan ninyo kini. “Mental telepathy o ingon nianang butanga, nakita ninyo, oo, umari kamo uban sa pipila niana. Miingon, “Bueno, mahimo namo ang mao rang butang nga ginabuhat ninyo.”

²⁶⁹ Unsa man si Moises? Wala siya nag-ingon, “Oh, Mr. Faraon, ako—pasaylo-a ako, sir. Mamahimo na akong imong ulipon.” Wala, sir.

²⁷⁰ Nagpuyo lang siya. Amen. Nagpabilin mismo didto. Nag-ingon ang Dios, nga wala gayud pagduhaduha sa iyang kasingkasing, “Maghilum ka. Ipakita ko kanimo ang usa ka butang.” Kung nabuhat mo na ang eksakto sa kung unsay giingon Niya nga buhaton, nga mora og nasayup kini; pagpuyo lang, magmapailubon.

²⁷¹ Giingon ni Moises, “Kabalo mo, sa dihang nagbutang ako diha nianang pundasyon, adunay pagpailub nga nahibutang dinha, busa hulaton ko na lang ug tan-awon kung unsay buhaton sa Dios.”

²⁷² Didto na ang maong mga bitin, nagaagi-aginod, nagabugaanay, nagahissing sa usa’g usa. Masayran mo na lang, ang bitin ni Moses, “Nangsige’g tukob, tukob, tukob,” ug gipangtukob silang tanan didto. Aduna siya’y pagpailub.

Sila nga nagahulat sa Ginoo, magabag-o sa
 ilang kusog,
 Manglupad sila pinaagi sa mga pako ingon sa
 mga agila.

Husto ba kana? [Ang kongregasyon nagaingon,
 “Amen.”—Ed.] Kita n’yo? Oo.

Manalagan sila ug dili makapuyan, manlakaw
 sila og dili mangaluya.

Kita n’yo, paghulat lang sa Ginoo. Magmapailubon. Kita n’yo? Oo, sir.

273 Dayon pagawas na kadto ang Israel. Miabot ang dakung kalainan, ug naghulat si Moises.

274 Unya didto na siya sa kamingawan. Mga tulo na lang kadto o upat ka adlaw nga panaw. Kwarenta na lang kini ka milya gikan sa iyang gitabukan didto, mismo sa kon diin nagtabok sila pag-usab. Apan, si Moises, didto sa kamingawan, naghulat sa kwarenta ka tuig. Ang pagpailub. [Mikatawa si Igsoong Branham—Ed.] Amen. Husto kana. Naghulat siya og kuwarenta ka tuig. Oh! Oo, sir.

275 Ug gikinahanglan nga may pagpailub kita sa usa'g usa, usab. Kita n'yo? Usa ka higayon. . . Nahimo na kita'y—nahimo na kita nga wala na gayu'y pagpailub sa usa'g usa. Ginahunahuna nato nga kinahanglan mamahimo kitang sama kang Moises. Si Moises adunay pagpailub ngadto sa mga katawhan. Tan-awa, mao kana'y hinungdan nga kon nganong wala sila nakalabang didto. Kita n'yo? Kung adunay butang nga ginapaningkamotan mong buhaton. . .

276 Sama sa, gipanguhaan kong ihatud kining maong Mensahe ngadto sa tabernakulo, aron makita nga ang matag membro sa tabernakulo mamahimong *Ingon Niini*. Malisod kini buhaton. Gipanguhaan kong magkaadunay pagpailub; trayntay-tres na ka tuig. Kita n'yo? Magmapailubon. Nagapaputol pa sa gihapon og buhok ang mga kababayen-an, mao lang sa gihapon. Apan magmapailubon lang sa gihapon. Kita n'yo? Magmapailubon lang. Paghulat. Kinahanglan gayud. Kung wala ka pa niini, ayaw'g sulayi pagtukod dinhi *niining* dapita. Magmapailubon.

277 Usa ka higayon gani niadto, sa dihang nawad-an og pagpailub ang kadtong maong rebelde nga pundok sa mga tawo, nahimo silang hinungdan nga buhaton ni Moises ang butang nga sayup. Apan, sa gihapon, sa dihang misangpot na kini ngadto sa usa ka pagpakigsangka, nasuko na ang Dios sa ilang gipangbuhat. Nag-ingon Siya, “Pahilayo ka kanila, Moises. Papason Ko ang tibuok nilang pundok, ug magsugod og bag-o.”

278 Iyang gipatunga ang iyang kaugalingon, ug miingon, “Dios ko, ayaw kini buhata.” Unsa man? Ang pagpailub sa mga katawhan nga nagaalsa batok kaniya.

279 Naghunahuna ako kon mabuhat ba kaha nato kana? Kon dili ninyo kini mahimo, ayaw'g sulayi pagtukod sa ibabaw *niini*, tungod kay kini—kini dili mousab, kabalo na mo. Sa ingon niana nabulkanisa ang maong nahauna ngadto *niini*, ug ingon niana kinahanglan mabulkanisa ang matag-usa niini. Kung dili pa, dili kamo makaabot nianang bantayog sa puloy-anan sa buhi nga Dios, kung wala kamo'y pagpailub, ang pagpailub, sa usa'g usa. Sige.

280 May pagpailub ang maong mga batang Hebreohanon. Sigurado, nga aduna sila. Gisaaran sila sa Dios, gisultihan sila, “Ayaw kamo pagyukbo ngadto sa bisan unsang imahe.” Apan

aduna sila'y pagpailub. Nang-ingon, "Makahimo ang among Dios. Apan, bisan unsa pa man, dili kami magayukbo sa inyong imahe." Ang pagpailub, nga nasayod niini, nga banhawon siya sa Dios sa ulahing mga adlaw pag-usab.

²⁸¹ Wala na ma'y kahulogan og maayo kining kinabuhia, bisan pa man. Kita n'yo? Banhawon kini pag-usab sa Dios sa ulahing mga adlaw. Apan bahin na gani sa pagyukbo sa imahe, dili namo kini buhaton. Karon, ihatag namo kang Caesar kung unsa ang iya ni Caesar, apan, sa dihang mohilabut na si Caesar sa iya sa Dios, ang Dios maoy unahon.

²⁸² "Nag-ingon ang Dios, 'Ayaw kamo pagyukbo nianang imahe.' Ug dili ko kini buhaton. Mahimo sa among Dios ang pagluwas kanamo. Kung dili man Niya kami luwason, dili ako moyukbo sa maong imahe."

Nag-ingon, "Sige, ania na ang hudno."

²⁸³ "Bueno," siya miingon, "oh, siguro, moulan unyang gabii ug palongon kini tanan." Apan wala kini mahitabo. Mapailubon sa gihapon.

²⁸⁴ Pagkasunod buntag, sa pagdala na kanila didto sa mga hukmanan, didto nagalingkod si Nabucodonosor. Miingon siya, "Sige, mga bata, andam na ba kamo nga hinumdumon ako ingon nga inyong hari?"

"Sigurado. Mabuhi ka sa kahangturan, O hari."

"Karon pagyukbo kamo ngadto sa akong imahe."

"Oh, dili."

²⁸⁵ "Bueno, mangasunog gayud kamo. Mga manggialamon kamo nga mga tawo. Mga maantigo kamo. Nahimo kamong mga dakung tabang kanamo. Nahimo kamong panalangin sa among gingharian. Dili ba ninyo masabtan nga dili ko gustong buhaton kini? Apan nahimo ko na ang pagproklama dinhi, ug kinahanglan nga matuman kini. Dili ko gusto nga ilabay kamo didto. Oh, mga tao ko, unsa may nahitabo kaninyo?"

²⁸⁶ "Nasayod ako nga maayo man kana paminawon. Apan, mahimo sa among Dios nga luwason kami. Apan bisan pa man. . ." May pagpailub.

²⁸⁷ Nagsugod na sila paglakaw didto sa dulhogan. Mitan-aw ang usa sa usa pa. "Okay lang. Sige." May pagpailub. Milak-ang og usa, wala ang Dios didto. Duha ka lak-ang, wala Siya didto. Tulo ka lak-ang, upat ka lak-ang, lima ka lak-ang, padayon lang sa gihapon, sa gihapon wala Siya didto. Ug mitunob na siya mismo sulod didto sa nagakalayo nga hudno. Aduna sila'y pagpailub. Apan atua Siya didto. Kita n'yo? Igo lang nga kainit ang miigo kanila, aron masunog ang mga higot sa ilang mga kamot ug tiil. Ug sa dihang didto na sila sa kahiladman sa maong bangag, atua Siya didto. Kita n'yo? Aduna sila'y pagpailub.

288 Mao sa gihapon si Daniel. Si Daniel adunay pagpailub. Sigurado. Dili siya mosurender. Dili, sir. Unsa may iyang gibuhat? Giablihan niya ang mga bintana ug nag-ampo, bisan unsa pa man. Usa kadto ka gikinahanglan sa Dios. Aduna siya’y pagpailub. Naghulat siya sa Dios, nasayod nga mahimong tumanon sa Dios ang Iyang Pulong. Ila siyang gilabay didto sa langub sa mga liyon, nanag-ingon, “Ipakaon ka namo sa mga liyon.”

289 Miingon siya, “Okay lang kana.” Aduna siya’y pagpailub. Ngano man? “Bueno, naghulat ako sulod na niining mga panahon, ngadto sa Dios. Kung kinahanglan ko mohulat sa pipila ka libo pa ka mga katuigan, mabanhaw ako pag-usab sa ulahing mga adlaw. Busa, aduna ko’y pagpailub, sa paghulat.”

290 Si Pablo nagmapailubon. Mao gyud. Tan-awa kon unsa ang gikinahanglan buhaton ni Pablo. Kung paghisgotan ang pagpailub!

291 Kumusta na man ang bahin sa mga katawhang pentecostal? Samtang nga anaa pa kanila ang sugo, “Maghulat hangtud,” kita n’yo, “maghulat hangtud nga masul-oban na kamo og Gahum.” Hangtud kanus-a? Wala na sila’y pagpangutana, kon kanus-a ba kini mahitabo? Anaa na kanila ang tubag, “Maghulat hangtud.”

292 Nanagsaka sila didto ug miingon, “Sige, mga kalalaken-an, mga kinse minutos tingali gikan karon mokunsad na ang Balaang Espiritu dinhi kanato ug magkaaduna na kita’y atong ministerio.” Milabay ang kinse minutos, wala diha. Milabay ang usa ka adlaw, wala; duha, tulo, upat, lima, unom, pito.

293 Ang uban kanila tingali nakasulti na’g, “Hoy, dili kaha nga anaa na Kini kanato?”

Wala, wala, wala, wala pa.” Mao kana. Wala pa. Husto kana.

294 “Maayo pa manggawas na kamo, mga kalalaken-an.” Ang gisulti sa Yawa, “Kamo—kamo—kamo nasayod na man nga anaa na kaninyo ang inyong gikinahanglan. Panglakaw na, sugdi na ang inyong ministerio.”

295 “Wala, wala, wala pa. Wala pa Kini kanato, sa gihapon. Tungod kay, nag-ingon Siya, ‘Adunay moabot, kung unsay magakahitabo sa ulahing mga adlaw: Sa nagbungabunga nga mga ngabil ug uban sa laing dila magasulti Ako niining katawhan, ug mao kini ang Pahulay nga gikaingon Ko,’ kita n’yo, Isaias 28:19.” Nag-ingon, “Kini’y—mao na Kini, inyo—inyong madawat Kini sa dihang...Aba, atong masayran sa dihang nagaabot na Kini. Masayran nato sa dihang nagaabot na Kini. Ato kining masayran, ‘ang maong Saad sa Amahan.’” Didto naghulat siya sulod sa siyam ka adlaw. Ug dayon sa ikanapulo na ka adlaw, “Atua kami didto.” May pagpailub sila, sa paghulat.

296 Karon, kon aduna ka’y ingon nianang klase nga pagpailub, human gikahatag kanimo sa Dios ang saad ug makita mo kini

sa Biblia, “Ako kini,” kung ingon-ana hulata. Dayon, kon aduna ka’y ingon nianang klase nga pagpailub, ipuno kini ngadto sa imong pagtoo. Ug makita mo ba kon unsa na kataas ang imong naabot karon? Pasaka ka na sa ingon kataas *dinhi* karon. Sige. Taastaas na ang natuyok sa kamot sa maong orasan, usab, dili ba? Sige. Sige. Ipuno kini ngadto sa imong pagtoo.

²⁹⁷ Kanunay mo Siyang ginapauna sa imong unahan, ginahinumduman, nga Siya mao kadto ang nagsaad. Dili nga ako, ang nagsaad. Dili ang pastor, ang nagsaad, o si Igsoong Neville. Dili sa kung kinsa nga uban pang ministro, ang nagsaad. Dili sa kung kinsa nga pari o ang papa man. Dili sa kung kinsa man nga tawo sa kalibutan. Dios kadto ang nagsaad, ug mahimong tumanon sa Dios ang tanan Niyang gisaad. Bueno. Kon aduna ka’y ingon nianang klase nga pagtoo, sa pagkahibalo nga gisaad kini sa Dios! Moingon, “Igsoong Branham, aduna ako’y sakit. Gikinahanglan ko gayud ang pagpaayo.” Dawata kini. Usa kini ka gasa nga gikahatag nganha kanimo, oo, sir, kon mahimo mong toohan. “Bueno,” moingon ka, “nagatoo gayud ako.” Kung ingon-ana kalimti na kini. Mao lang kana. Tapos na kini. Kita n’yo?

²⁹⁸ Magpailub ka, kon aduna ka’y pagpailub. Kon wala, ginalumpag mo kining maong Gambalay *dinhi*, kita n’yo. Pagalumpagon niini ang tanang uban pa niini, nianang maong butang. Kinahanglan nga aduna ka niana. Ayaw kini ipuno, tungod kay, gubaon niini ang imong gambalay kon wala ka’y pagpailub, kon wala ka’y kaligdong nga igapuno sa imong pagtoo nga ginaingon mong aduna ka. Ug kon wala ka’y bisan unsang pagtoo, ug paninguhaon nga pun-an kini og kaligdong, pagagubaon niini ang imong pagtoo. Kita n’yo? Moingon ka, “Bueno, karon, kadiyut lang. Tingali pulos kini tanan sayup, bisan unsa pa. Basin dili Dios ang Dios. Basin og wala’y Dios.” Kita n’yo, bungkagon niini tanan ang maong butang. Kita n’yo?

²⁹⁹ Apan kon aduna kay tinuod gayud nga pagtoo, nan ipuno ang tinuod nga kaligdong niini, dayon ang tinuod nga kahibalo, dayon ang tinuod nga pagpugong sa kaugalingon, dayon ang tinuod nga pagpailub. Kita n’yo? Nagapasaka ka na mismo sa maong linya. Sige.

³⁰⁰ Ang ikalima, ipuno ang pagkadiosnon. Oh, sus! Igapuno ang pagkadiosnon. Unsa ma’y buot ipasabot sa pagkadiosnon? Gitan-aw ko sa upat o lima ka mga diksyunaryo ug dili ko gani makita kung unsa ang kahulogan niini. Hangtud, nahiadto ako kanilang Igsoong Jeffrey, among nakit-an kini sa—sa usa ka diksyunaryo. Ang *pagkadiosnon* nagkahulogan og “ang mamahimong sama sa Dios.” Oh, sus! Human nga aduna ka na’y pagtoo, kaligdong, kahibalo, pagpugong sa kaugalingon, pagpailub, nan magmahisama na sa Dios. Whew!

301 Moingon ka, “Dili ko mahimo kana, Igsoong Branham.” Oh, oo, mahimo mo gayud.

302 Mobasa lang ako og pipila ka Kasulatan dinhi, sa kadali lang. Mateo 5:48. Basahon nato kining maong usa ug tanawon kung sama sa unsa kini paminawon, Mateo 5:48, ug tanawon kung kinahanglan ba mong mahisama sa Dios. Nasayod kamo nga ang Biblia nagaingon, “Kamo mga dios.” Maoy giingon ni Jesus. Ngano man? Ang tanang kaligdong, ang tanang butang nga anaa sa Dios, anaa kaninyo. Mateo 5:48, “Kamo’y magma . . .” Si Jesus nga nagasulti, diha sa beatitude.

*Busa m-a-g-m-a-h-i-n-g-p-i-t kamo, (Unsa man kana?)
magmahingpit, ingon nga ang inyong Amahan . . . nga
anaa sa langit hingpit.*

303 Nahiabot na kamo karon sa taas *dinhi*, sa dili pa kamo gihangyo nga buhaton kana. Ang tanan niining butang kinahanglan nga gipangpuno una. Unya sa dihang nakasaka na kamo dinhi, gihangyo na Niya kamo karon nga magmahingpit, sa pagkadiosnon, mga anak nga lalaki ug mga anak nga babaye sa Dios. Husto kana. Daw sa kadaghang mga butang ang mahimo kong hisgotan nianang linyaha!

304 Atong ablihan sa Mga Taga-Efeso 4, ug hibaloon dinhi kung unsa, diha sa Basahon sa Mga Taga-Efeso, nagahisgot kini mahitungod niining butanga, usab, bahin sa kung unsaon nato—sa kung unsaon nato pagbuhat. Mga Taga-Efeso, sa ika-4 nga kapitulo, ug sugod sa ika-12 nga bersekulo. Mga Taga-Efeso 4, ug sugod sa ika-12 nga bersekulo. Sige. Atong sugdan dinhi sa ika-11 nga bersekulo.

*Ug gihatag niya ang uban, aron mahimo nga apostoles;
ug ang uban, mga propeta; . . .*

305 Nahinumdoman n’yo ba kagabii? Ayaw gayud sulayi pagkuha ang opisina sa ubang tawo. Kita n’yo?

*. . . ug ang uban, mga ebanghlista; ug ang uban, mga
pastor . . . ug ang uban, mga magtutudlo;*

306 “Alang sa paghingpit sa Dios”? Ingon ba niana ang pagbasa niini? [Ang kongregasyon nagaingon, “Dili.”—Ed.] Ang kahingpitan sa unsa? [“Sa mga balaan.”] Kinsa man ang mga balaan? Kadtong mga gipangbalaan na. Amen. Kadtong maong mga nagsugod gikan sa ubos *dinhi*.

*. . . sa paghingpit sa mga balaan, alang sa buhat sa
ministerio (ang ministerio ni Jesus Cristo), alang sa
paglig-on sa lawas ni Cristo (alang sa paglig-on, sa
pagpatukod Niini, ang paglig-on): hangtud nga . . .*

*Hangtud nga makakab-ot kitang tanan sa
pagkahiniusa sa pagtoo, ug . . . sa pag-ila sa Anak sa
Dios, ug ngadto sa pagkahamtong nga tawo, ngadto sa*

kasigurohan, (oh, sus), ngadto sa *sukdanan sa bantayog sa kahupnganan ni Cristo*:

307 “Ang pagkahingpit,” nagkinahanglan og pagkadiosnon. Kinahanglan mong pun-an ang imong pagtoo, og pagkadiosnon. Kita n’yo, nagasugod ka sa ubos *dinhi*, sa kaligdong. Dayon paadto ka sa kahibalo. Dayon paadto ka ngadto sa pagpugong sa kaugalingon. Dayon paadto ka ngadto sa pagpailub. Karon dinha ka na sa pagkadiosnon. Ang pagkadiosnon! Oh, sus! Pahurot na ang atong oras. Tan-awon nato. Apan nasayod na kamo kung unsa’y kahulogan sa pagkadiosnon. Nakanta na ninyo kining maong awit:

To be like Jesus, to be like Jesus,
On earth I long to be like Him;
All through life’s journey from earth to Glory
I only ask to be like Him.

308 Mao kana ang pagkadiosnon. Sa dihang gisagpa Siya sa usa ka bahin sa Iyang nawong, Iyang gitaon ang laing pikas. Sa dihang sinalbahisan Siya’g pagsulti, wala Siya mitubag. Wala Siya mitubag balos. Kita n’yo? Diosnon, kanunayn’g nagapangandoy alang nianang usa ka butang, “kanunay Kong ginabuhat kanang nagapahimuot sa Amahan.” Kita n’yo? Oo, sir. Sa kanunay gayud. Ingon niana ang pagkadiosnon. Kita n’yo?

309 Human nga migikan na kamo *dinhi*, ngadto *dinhi*, ngadto *dinhi*, ngadto *dinhi*, ngadto *dinhi*, ngadto *dinhi*, karon paingon na kamo ngadto sa kahupnganan sa bantayog karon sa usa ka anak sa Dios. Apan kinahanglan nga aduna kamo *niini*, dugangan og tanan *niini*, ug dili gani kamo makasugod gawas kung inyo nang nakab-ot *kini*.

310 Hinumdumi karon ang maong itum nga langgam nga may mga balhibo sa pabo. Ayaw siya hikalimti. Kita n’yo? Ayaw sulayi nga ipuno kini gawas kung natawo ka na pag-usab. Tungod kay, kanimo, dili kini magpulos, ug dili nimo—dili nimo kini mahimo. Mosangko kini ngadto *niini*, o *kini* dinhi, molumpag kini kung asa man.

311 Apan sa dihang nahiabot ka na *dinhing* dapita, usa ka salampati nga natawo na pag-usab, kung ingon-ana wala ka na’y bisan unsang ipuno pa. Kini ang mopuno kanimo, kita n’yo, pasaka na, husto, paingon ka na karon ngadto sa kahingpitan. Sige.

312 Unya, ang ikaunom, atong ipuno, ang gisulti sa Biblia dinhi, pagpuno sa gugma nga inigsoon . . . pagbati nga inigsoon. Karon, mao kanay usa ka maayo, mismo dinhi, ang ikaunom, ikapito. Sige. Ang pagpuno sa inigsoong pagbati. Sige. Sa dihang nahiabot na kita dinha, sa pagbati nga inigsoon, ang pagbutang mo sa imong kaugalingon diha sa iyang lugar, sa maong kahimtang. Karon moingon ka . . .

313 “Ang akong igsoon nakasala batok kanako,” nag-ingon si Pedro. “Ako ba siya pasayloon,” siya miingon, “sa pito ka higayon matag adlaw?”

Siya miingon, “Sa kapitoan ka pito.” Kita n’yo?

314 Ang pagbati nga inigsoon. Karon, nakita ninyo, kon ang usa ka igsoon wala gayud sa tono, dili nga mawad-an ka og pagpailub kaniya. Kita n’yo? Dili. Kita n’yo? Magmaayohon ka kaniya. Adtoi, bisan unsa pa man.

315 Adunay miingon, dili pa lang dugay, miingon, “Unsaon man nimo nga mahimo mong toohan kining mga butanga, ug padayon sa gihapon ka moadto sa Assemblies of God, ug sa Oneness, sa tanang uban pa?” Gamita kung ingon-ana, kita n’yo, ang pagbati nga inigsoon. Kita n’yo? Kita n’yo? Nagalaum, nga sa umaabot nga adlaw, kita n’yo; mapailubon diha kaniya, kita n’yo; mapugnganon, mainantuson diha kaniya; may kahibalo, aron sabton kung unsay iyang ginatooan, hinumdumi, anaa kini sa iyang kasingkasing, ingon niana kini; may kaligdong, diha sa imong kaugalingon, nga mahipaambit kini inubanan sa kapuangod, sa kaaghup, ngadto kaniya; nga may pagtoo nga sa umaabot nga adlaw mahipasulod siya sa Dios. Kita n’yo?

316 Ang pagpuangod nga minagsoon, ang maong ikapito nga butang. Usa, duha, tulo, upat, lima, unom, pito. [Nagatuktuk si Igsoong Branham sa pisara sa makapito ka higayon—Ed.] Kita n’yo, ang ikapitong butang. Dayon, karon, paanhi ka na.

317 Ang sunod nga butang, dayon, ipuno ang gugma, nga mao ang pagmahal. Mao kana ang batong pangtaklub. Usa sa niining mga adlaw, diha sa iglesia . . .

318 Karon, palihug, ipahibalo kini diha sa teyp, ug kon asa pa man, dili ko kini ginatudlo ingon nga doktrina, kung unsa man ang akong isulti karon. Apan ang gusto ko lang nga ipakita kaninyo nga, pinaagi sa tabang sa Dios, kung unsa kini gayud, nga, ang unang Biblia nga nasulat gayud sa Dios mao ang Zodiac diha sa kalangitan. Nagsugod kini diha sa birhen. Nagakahuman kini kang Leo nga liyon. Ug sa dihang mahisgotan ko kanang Ikaunom ug Ikapito nga Selyo, inyong mahibaloan, nga sa dihang nabuksan kadtong usa pa ka Selyo, ang marka sa Zodiac nianang dapita mao ang cancer, ang kinurus nga isda. Ug mao kana ang cancer nga kapanahonan nga atong gipuy-an karon, nga gikapadayag na. Ug ang sunod nga butang sa gitangtang ang Selyo, gipadayag Niini si Leo ang liyon, ang ikaduhang Pag-abot ni Cristo. Siya miabot, una, ngadto sa birhen; Moabot Siya, sunod, si Leo na nga liyon. Ako kining dad-on ngadto sa . . .

319 Karon, wala ko kahibalo kung magkaaduna pa ko’y oras karong buntaga. Buhaton ko ang kutob sa akong mahimo, aron ipakita kaninyo nga kining maong mga ang-ang anaa sa mga pyramid, sa tukma gayud, ang ikaduhang Biblia nga gisulat sa Dios. Si Enoc ang nagsulat niini, ug gibutang kini sa pyramid.

320 Ug ang ikatulo, ang Dios sa kanunay nagakahingpit sa ikatulo, dayon gihimo Niya ang Iyang Kaugalingon nga Iyang Pulong.

321 Dinhi, karon, hinumdumi, didto sa pyramid...Daghan siguro kaninyong mga sundalo ug ingon-ana ang nakaadto na sa Ehipto. Ang pyramid wala pa'y taklub kini. Wala pa gayud sukad. Ang—ang Bato sa Scone, ug ang tanang uban pa aduna na sila, apan sa gihapon. . .

322 Kon aduna ka'y kuwartang dolyar sa imong bulsa, tan-awon mo ang maong usa ka dolyar, ug makita mo nga, sa may toong bahin, adunay agila kini kauban sa bandila sa Amerika. Ug ang ingon niini, ang selyo, "sa Estados Unidos." Sa pikas niini, aduna kini og pyramid, nga may halangdon og dakung pangtaklub nga bato ug mata sa tawo. Nagaingon kining maong pikas, "Ang halangdon nga selyo." Bueno, kon kini mao ang bantugang nasud, ngano dili man kining halangdon nga selyo ang maoy mamahimong selyo mismo sa nasud? Ginapapahimatuod sila sa Dios, bisan asa pa man sila moadto.

323 Nagapakig-istorya ako kaniadto sa usa ka doktor usa ka higayon, ug gikasab-an niya gayud ako og ayo, mahitungod sa Balaanong pagpang-ayo. Nagatindog ako niadto sa kalsada. Siya miingon, "Mr. Branham, ginapalibog mo lang ang mga tawo." Miingon, "Wala na'y pagpang-ayo, gawas lamang sa mga doktor."

324 Nakalingi ako, nalantaw ang iyang timailhan sa sakyanan, nianang bitin nga anaa sa tukon. Miingon ako, "Maayo pa'y tangtangan mo na lang kanang maong timailhan sa imong sakyanan, kung ingon-ana, kay ang imo mismong timailhan nagapamatuod nga ang Dios usa ka mananambal."

325 Ang usa ka tinuod nga doktor nagatoo niana. Mga doktor-doktor lang silang mga ingon niana. Oo, sir. Ang bitin sa maong tukon! Gibutang ni Moises ang maong bitin ibabaw sa tukon. Miingon Siya, "Ako ang Ginoo nga nagaayo sa tanan ninyong mga sakit." Ug milantaw sila niadtong maong bitin, alang sa Balaanong pagpang-ayo. Ug bisan pa niana mopahayag sila batok niini; apan ang ilang timailhan mismo nagapamatuod batok kanila. Whew!

326 Dinhi, sa atong nasud, mosulti bahin niining mga butanga, ug biaybiayan kining mga butanga, ug ang ila mismong kuwarta, ang ilang panalapi, nagapamatuod nga ang selyo sa tanang kabuhatan mao ang Dios. Makita ba ninyo kanang mata nga anaa dinha ibabaw niana, dinha nianang maong dolyar? Mao kana ang halangdon nga selyo.

327 Wala pa gayud kini nahitaklub ibabaw sa pyramid. Dili sila makasabot kung ngano. Gisalikway man ang maong pangtaklub nga Bato, ang Ulo, si Cristo. Apan moabot kini, sa umaabot nga adlaw.

328 Karon, sa pagtukod, sa kaligdong. . . Sa pagtukod niining monumento, sa pagtukod niining maong bantayog, kita n'yo, nagasugod kini pinaagi sa batong pangpundasyon; pagtoo, kaligdong, kahibalo, pagpugong sa kaugalingon, pagpailub, pagkadiosnon, pagbati nga inigsoon. Karon unsa ma'y ginabuhat niini? Nagapaabot sila alang sa maong Pangulong Bato, nga mao ang gugma, kay ang Dios gugma. Ug Siya ang mokontrola, ug Siya ang kusog sa matag-usa niining maong mga butanga. Husto kana. Oo, sir.

329 *Dinhi* mismo, *dinhi* mismo, makita ninyo nga gidrowing ko, sa tunga, diha niining tanang mga pagpamuhat dinhi, ug ania kining gagmayn'g mga dinagsa. Unsa man kana? Ang Balaang Espiritu nga nagakanaug, pinaagi kang Cristo, kita n'yo. Balaang Espiritu! Ang Balaang Espiritu anaa sa ibabaw *niining* tanan, ginasolda kini sa paghiusa, ginatukod (ang unsa?) ang hingpit nga Iglesia, alang sa pagtaklub sa maong Pangtaklub nga Bato diha Niini.

330 Unsa man ang nahimo pag-usab? Nahipadayag kini sa Pito ka Kapanahonan sa Iglesia, ug sa pito ka mga mensahero sa Iglesia.

331 Nagsugod *dinhi* kaniadto. Asa man una natukod kaniadto ang Iglesia? Asa man una natukod ang Iglesiang pentecostal? Pinaagi ni San Pablo, didto sa Efeso, ang maong bitoon sa Kapanahonan sa Iglesiang Efeso, sa Efeso.

332 Ang ikaduhang kapanahonan sa Iglesia mao ang Esmirna. "Kaligdong." Si Irenaeus, ang bantugan nga tawo nga maoy midapig sa maong Maayong Balita ni Pablo.

333 Ang sunod nga kapanahonan sa Iglesia mao ang Pergamo, nga mao si Martin. Si Martin mao ang bantugan nga tawo nga mipabilin gayud. Si Pablo, si Irenaeus, si Martin.

334 Dayon diha sa Tiatira miabot si Columba. Inyo bang nahinumdoman? Ania dinhi, nga nahisulat mismo *dinha*. Si Columba. Human kang Columba. . . Miabot kaniadto ang maong Kapanahonan sa Kangitngit.

335 Unya miabot ang Sardis, nga ang kahulogan *patay na*. Si Luther. Alleluya! Unsa man dayon? Unsa man ang sunod nga miabot human sa Sardis, si Luther?

336 Miabot dayon ang Filadelfia. "Pagkadiosnon." Si Wesley, pagkabalaan! "Mabuhi ang matarung pinaagi sa pagtoo," ang giingon ni Luther. Ang pagpakabalaan pinaagi ni Wesley.

337 Dayon nagaabot ang pagbati nga inigsoon, pinaagi sa Laodicea. Ug ginatoohan nato ang dakung Mensahe sa ikaduhang pagtungha ni Elias, sa katapusang adlaw, nga mokaylap sa tibuok yuta.

338 Ania tan-awa ninyo, ang Pito Ka Kapanahonan sa Iglesia, ang pito ka ang-ang. Ang pagtukod sa Dios sa Iyang Iglesia, sama

sa usa ka tawo nga nagapasulod ngadto sa usa ka indibiduwal, pasulod ngadto sa Iyang Kaugalingon. Ang himaya, ang Gahum sa Dios, nagakanaug pinaagi *niini*, hiniusang ginasolda Kini. Busa, ang mga tawong Pentecostal nga ginasinggitan ang mga Lutheran, ginasinggitan ang mga Wesleyan ug uban pang ingon niana, wala kahibalo kung unsay ilang ginapanulti. Nakita ninyo, nagkinabuhi sila diha *niining* bahin sa templo. Ingon niana gayud, ang uban nga mga tawo makasaka sa ingon niana na kataas ug mangahulog. Apan adunay tinuod nga parti niana, nga nagapadayon sa pagpatukod nianang maong gambalay. “Igapasiuli Ko,” ang ingon sa Ginoo.

³³⁹ Nahinum dum ba kamo sa *Ang Pangasaw-onon Nga Kahoy?* Nahinum dum ba kamo sa maong sermon bahin sa *Ang Pangasaw-anon Nga Kahoy?* Ilang giut-ot Kini, apan Iyang giputlan kini. Nagkaaduna sila’y pangdenominasyon nga mga sanga; Iya silang gipangputol. Nagtukod sila og uban pa nga iglesia, mga sanga pangdenominasyon; giputol Niya kini. Apan ang pinakaubod nianang maong Kahoy nagpadayon sa pagtubo. “Ug sa panahon sa kagabhion motungha ang Kahayag.” Kita n’yo? Dinha kon diin nagaabot na si Cristo, ang Balaan nga Espiritu. Mokanaug si Jesus ug igapuwesto Niya ang Iyang Kaugalingon diha sa Ulohan sa maong Iglesia nianang tungora, ug banhawon Niya kining maong Iglesia, ingon nga Iyang Kaugalingong Lawas. *Dinha* mao kon diin ang Lawas.

³⁴⁰ Ug ang pamaagi nga gikalauman sa Dios nga motubo kita ingon nga usa ka indibiduwal, mao usab ang pamaagi nga pagatuboan sa Iyang Iglesia. Ang matag kapanahonan sa Iglesia, nagakahimo kining usa ka dakung Iglesia. Kita n’yo?

³⁴¹ Wala kinahanglana gikan *niadtong* mga tawhana kung unsa *kining* mga tawhana karon. Wala *kini* kinahanglana kung unsa man *kini* kaniadto. Kita n’yo? Apan gipatubo Niya ang Iyang Iglesia sa mao rang pamaagi. Gipatubo Niya ang Iyang—Iyang Iglesia sa mao rang pamaagi sa pagpatubo Niya sa Iyang mga katawhan. Dayon ginaingon ni Pedro dinhi, una, pito ka butang: pagtoo, kaligdong, (kita n’yo, pataas), kahibalo, pagpugong sa kaugalingon, pagpailub, pagkadiosnon, gugma nga inigsoon, ipuno ang pagbati nga inigsoon, ug dayon ang gugma sa Dios. Ang Balaang Espiritu, si Cristo diha sa pagka-Balaang Espiritu, nga nagaabot kanimo, diha sa tinuod nga bautismo sa Balaang Espiritu, ug nahiselyo na ang tanan na niining maayong gawi diha kanimo. Dayon, nagapuyo na ang Dios diha sa usa ka Tabernakulo, nga gitawag nga Gambalay, ang buhing Tabernakulo nga puloy-anan sa buhi nga Dios.

³⁴² Sa dihing naangkon na sa usa ka tawo kining maong matang sa mga butang, kung ingon-ana moabot kaniya ang Balaang Espiritu. Bisan pa, mahimong mosulti ka og mga dila, mahimo nimong sundogon ang bisan unsang gasa nga aduna ang Dios. Mahimo mong buhaton kana. Apan gawas nga mosulod kanimo

kining maong mga maayong gawi *dinhi*, halayo ka gihapon sa tinuod, sa matuod nga pundasyon sa pagtoo. Apan sa dihang nagatubo na sa sulod kining maong mga maayong gawi, ug gipuno mo kana ngadto niana, kung ingon-ana usa ka na ka buhing monumento. Usa ka ka buhi, nagalihok nga imahe.

³⁴³ Apan, kabalo mo, ang—ang mga pagano, nagayukbo sila ngadto sa diosdios, hinunahuna nga dios. Ug sa hinunahuna nga paagi ilang ginatoohan nga kanang hinunahuna nga dios nagapakigsulti kanila. Paganismo kana. Ingon niana ang Romanismo. Nagayukbo sila ngadto sa atubangan sa tanan nang matang sa mga santos ug tanan nang uban pa. Ug aduna sila’y Santa Cecelia, usa ka pangbalay nga diosdios, ug daghan kaayong nagkalainlaing mga butang nga susama niana. Yukboan nila kana, ug sa tinud-anay toohan pa sa hinunahunang paagi. Daw sa unsa—daw sa unsa nga tipo kini, sa tinuod nga buhi nga Dios.

³⁴⁴ Apan sa dihang kita, dili sa hinunahunang paagi, apan moyukbo ang atong mga kaugalingon sa atubangan sa buhi nga Dios, buhi nga kaligdong, buhi nga kahibalo, buhi nga pagpailub, buhi nga pagkadiosnon, buhi nga Gahum nga nagagikan sa buhi nga Dios, ginahimo nga buhing imahe ang usa ka buhi nga tawo diha sa bantayog sa Dios. Unsa ma’y iyang ginabuhat? Ang samang butang nga gibuhat ni Jesus; ginalakwan ang samang dalanon nga Iyang gilakwan, ginabuhat ang samang butang nga Iyang gibuhat. Tungod kay, dili kini usa ka hinunahuna nga butang. Adunay realidad nga nagapamatuod.

³⁴⁵ Nakita ba ninyo kung unsa’y akong pasabot? Nakita na ninyo kung unsa nga kining mga maayong gawi, kining mga materyales pangtukod og balay, nagatipo sa maong mga mensahero sa Iglesia, sa mga kapanahonan sa Iglesia? Karon, usa niining mga adlaw, atong hisgutan ang matag usa niining mga pulonga, ug tun-an sila, ug ipakita nga kini nagapamatuod niini. Nagakatakdo kini tanan. Sigurado. Kita n’yo? Oh, sus! Daw sa unsa kamaanindot kana, kita n’yo, nga makita kung unsay—kung unsa ang ginabuhat niini.

³⁴⁶ Karon, mao kana ang Balay nga ginapuy-an sa Dios; dili nga usa ka gambalay nga may usa ka dakung lingganay sa ibabaw niini, ug usa ka hataas nga torre. Kita n’yo? “Apan usa ka Lawas nga Imong gitagana alang Kanako,” usa ka Lawas nga mahimong puy-an sa Dios, nga makalakaw ang Dios pinaagi niini, nga makatan-aw ang Dios pinaagi niini, nga makasulti ang Dios pinaagi niini, nga makapamuhat ang Dios pinaagi niini. Amen! Ang buhing instrumento sa Dios, ang Dios nga nagalakaw pinaagi sa duha ka tiil, diha kanimo. Pagkahimaya! “Ang lakang sa matarung minandoan sa Dios,” ang Dios nga nagalakaw pinaagi kanimo. “Kay kamo ang mga sinulat nga basahon, nga ginabasa sa tanan nga mga tawo.” Ug

kon ang maong Kinabuhi nga anaa kang Cristo maanaa kaninyo, igapamunga ninyo ang Kinabuhi nga gipamunga ni Cristo.

³⁴⁷ Sama sa kanunay ko nang gikaingon. Pagkuha og duga sa usa ka peach nga punoan, ug kon mahimo mong mabalhin kini, pinaagi sa paghulad niini, ngadto sa usa ka punoan sa mansanas, magapamunga og mga peach ang maong punoan sa mansanas. Sigurado. Mao gayud ang mahitabo. Bisan unsa pa'y hitsura sa maong mga sanga, adunay duga ang punoan sa mansanas niini, kita n'yo, o kon unsa pa man nga punoan kini. Kita n'yo? Kuhaa ang kinabuhi niini gikan sa maong punoan sa mansanas, kuhaa kini tanan, ug hatagi kini og usa—usa ka paghulad sa duga, ug ipaagay gikan sa punoan sa peach pabalhin ngadto sa punoan sa mansanas. Unsa ma'y mahitabo? Wala na'y mga peach nga igapamunga niini. Kita n'yo? Wala na, sir. Dili na niini. Kon ang kinabuhi sa maong punoan nga peach mobalhin ngadto sa punoan sa mansanas, diay, dili na kini mamunga pa og mansanas. Mamunga na kini og mga peach, kita n'yo, kita n'yo, tungod kay anaa ang maong kinabuhi niini.

³⁴⁸ Bueno, himoon mo kaming panig-ingnan, wala gyud kana kondili usa lang ka tagbaya, usa ka knothead, kita n'yo, ug wala gyud kita, kay patay kitang tanan tungod sa kasal-anan ug mga kalapasan. Pareho kitang tanan ania niining kahimtanga. Ug unya kita, sa atong kaugalingon, mahimong iyukbo ang atong mga kaugalingon, isurender ang atong mga kaugalingon, hangtud nga kuhaon na sa Dios ang tubo Niyang panghulad, ang Ngalan ni Jesus Cristo, tungod kay, “Wala nay lain nga Ngalan ilalum sa Langit nga maoy makaluwas sa tawo,” ug nga ginabalhin ang Kinabuhi ni Cristo nganhi kanato. Dayon ania na kanato *kining* maong matang sa pagtoo, ang maong pagtoo nga aduna kang Cristo. Ug ang maong pagtoo ni Cristo wala kadto nakabasi niadtong mga Fariseo, o mga Saduceo, o sa ilang mga kulon, mga takuri, ug mga kalaha, ug sa ilang palanggana. Nakabasi kadto sa Pulong sa Dios, amen, mao gayud, hangtud nga si Cristo mao ang Pulong, ang Pulong nga nahimong unod. Ug dayon sa dihang kita mamahimong mahularan na gayud sa Iyang gahum, nga patay na kita sa atong kinaugalingong pagpanghunahuna, ug nahimo nang tinuod gayud nga pagtoo ang atong pagtoo, alleluya, nan naihulad na ang Kinabuhi ni Cristo sulod kanato. Nahimo na kita nga mga buhing linalang sa Dios, usa ka puloy-anan kon diin makapagpadala na ang Balaang Espiritu sa Iyang mahayag nga mga panalangin pinaagi dinha, ug anaa na kita sa maong bantayog ni Cristo.

³⁴⁹ Nag-ingon si Jesus, “Dili ba nahisulat man kini? Inyo Akong gihukman, sa pag-ingon, ‘Ako ang Anak sa Dios.’ Dili ba nahisulat man kini, nga, ‘Mga dios kamo.’ Dili ba nga ang inyong kasugoan mismo nagaingon man niana?” Sama kang Moises, sama kang Elias, sama niadtong mga profeta nga nagkinabuhi nga duol kaayo ngadto sa Dios, hangtud nga ginabalhin gayud

sa Dios ang Iyang Kaugalingon ngadto mismo sulod kanila. Ug nanagpanulti sila, dili sa ilang kaugalingon, kondili ang Dios. “Dili kamo managkaguol kung unsa ang inyong angay igasulti, tungod kay dili na kamo ang maong nagasulti. Ang Amahan na kini nga nagapuyo diha kaninyo; Siya ang nagasulti.” Ang Iyang mga Pulong dili iya, tungod kay, ang iyang kinabuhi, siya’y patay na.

³⁵⁰ Kung mamatay ka, ginakuha ang dugo sa usa ka tawo, ug embalsamahon mo siya. Ang problema niini, kadaghanan kanila wala gayud naembalsama. Kuhaon mo ang dugo gikan sa tawo, wala na siya. Unya ang butang na lang nga buhaton mo mao ang paghulad og lain na sab nga dugo balik diha kaniya; mabuhi siya pag-usab. Gikuha mo na ang iyang dugo.

³⁵¹ Ug karon atong gipasudlan og Dugo ni Jesus Cristo, kita n’yo, ug nagahatud kana sa pagtoo ni Jesus Cristo, ang kaligdong ni Jesus Cristo, ang kahibalo ni Jesus Cristo, ang pagpugong sa kaugalingon ni Jesus Cristo, ang pagpailub ni Jesus Cristo, ang pagkadiosnon ni Jesus Cristo, ang inigsoong pagbati ni Jesus Cristo, ug ang gugma sa Dios, nga mao si Jesus Cristo. Siya mao ang Ulo ug ang nagakontrola kanimo. Ug ang imong mga tiil mao ang pundasyon, pagtoo. Amen! Gikontrola sa Ulo, ginakontrola ang . . . ? . . . Dinha niana kamo. Ingon niana ang hingpit nga tawo sa Dios, sa dihang anaa na kaniya kining mga maayong gawi.

³⁵² Unya, ang Dios, ginapaila ang Iyang Iglesia isip usa ka Pangasaw-onon, usa ka babaye. Ginapaila sa Dios ang Iyang Iglesia ingon nga usa ka Pangasaw-onon. Ug ang paagi nga ginahatud Niya ang matag indibiduwal aron nga mamahimong anak Niya, aron mahimong kabahin nianang maong Pangasaw-onon, Iya usab gidala ang Pangasaw-onon sa tibuok niining mga kapanahonan, [Nagatuktok si Igsoong Branham sa pisara sa makapito ka higayon—Ed.] hangtud nga Iya nang mahatud kining usa ka kumpletong Iglesia ngadto paingon *niini*.

³⁵³ Nagalihok ang akong tiil. Ngano man? Tungod kay mao man ang ginaingon sa akong ulo. Karon, dili kini makalihok sama sa akong kamot, tungod kay tiil ko man kini. Dili mabuhat ni Luther ang mga butang nga atong gibuhat, ni mabuhat man sa mga Methodist, tungod kay lahi man sila. Kita n’yo? Nagalihok ang mga tiil tungod kay mao man ang ginaingon sa ulo. Ug wala gayud nagaingon ang ulo, “Karon, tiil, mahimo kang kamot. Dalunggan, mahimo kang mata.” Kita n’yo?

³⁵⁴ Apan, ang matag kapanahonan, nagbutang ang Dios niining maong mga butang sulod sa Iyang Iglesia, ug nahimong howaran kini sa pagpakita nga adunay mga ingon niini ang matag indibiduwal, nag-angkon niining mga kinaiya. Ug *Kining* persona, ingon nga makumpleto na, mao ang Iglesia sa Dios nga Pagasagawon na. Ug *kining* ingon na, ug nga kumpleto na, maoy usa ka sulogoon na sa Dios, diha sa Iglesia sa Dios, nga

paingon na sa Pagsakgaw. Pagkahimaya! Nakita n'yo ba ang gusto kong ipasabot? Tan-awa. Mao kana ang kinatibuk-an.

³⁵⁵ *Ania* nagaabot ang usa ka tawo, si Pablo, ang nagapahiluna sa pundasyon. Gisugdan ni Irenaeus pagbubo ngadto *niini*. Ang sunod nga usa nagbubo *niini*. Ang sunod nga usa nagbubo *niini*. Ang sunod nga usa *niana*, ug *niana*, ug *niana*, ug padayon hangtud nga miabot kini ngadto sa katapusang kapanahonan. Apan unsa man kini? Ang mao ra sa gihapon nga Espiritu.

³⁵⁶ Ang mao rang espiritu nga nagapuyo sulod kanako, ang nagaingon, “Mga kamot, kab-ota kana nga sudlanan.” Ang mao gihapon nga espiritu ang nagaingon, “Tiil, molakang ka.” Nakita ba ninyo ang buot kong ipasabot?

³⁵⁷ Dayon, ang kinatibuk-ang bantayog sa imong pagkatawo minandoan na ug gikontrola na niining mga butanga, apan dili kini makontrola sa tuman gawas kung naangkon na niini sa hingpit kining maong mga kinaiyahan.

³⁵⁸ Nakadungog na ba kamo niini? Karon sultihan ko kamo niini. Ug magpabilin gayud nga . . . Ibutang kini sa inyong igdulungog. Kita n'yo? Pinakamalig-on ang kadena sa pinakahuyang nga panugtong niini. Husto kana. Dili na kini molig-on pa kaysa pinakahuyang nga panugtong niini.

³⁵⁹ Bisan unsa pa kalig-on *kini* gipangtukod, ang pagtukod *niini*; kon aduna kini og mahuyang nga panugtong, dinha siya mabugto. Ug dili na kini molig-on pa kaysa pinakamahuyang nga panugtong niini. [Nagapahinungod si Igsoong Branham ngadto sa iyang drowing sa pisara—Ed.] Karon kon naangkon mo, moingon ka nga aduna ka *niini*, *niini*, *niini*, wala ka *niini*, dinha kon diin kini mabugto. Kon aduna ka *niini*, ug wala *niana*, mabugto kini mismo dinha. Anaa ka *niini*, ug unya wala *niana*, mabugto kini. *Niini*, ug wala *niini*, mabugto kini. *Niini*, ug wala *niini*, mabugto kini. Kita n'yo? Ug kon wala ka'y . . . Dili mahimong aduna ka *niini* nga wala *niini*.

³⁶⁰ Mao nga sa dihang isurender mo ang tibuok mong pagkatawo, kung ingon-ana mobuhagay gayud ang Balaang Espiritu diha kanimo, diha niining mga maayong gawi, nan usa ka na ka buhing tabernakulo. Molantaw dayon ang mga tawo ug moingon, “Mao kana ang tawo nga puno sa kaligdong, kahibalo (nagatoo siya sa Pulong), may pagpugong sa kaugalingon, may pagpailub, may pagkadiosnon, may inigsong pagbati, puno sa gugma sa Balaang Espiritu. Tan-awa, anaa siya, nga nagalakawlakaw.” Unsa man kini? Usa ka bantayog nga mahimong lantawon sa mga dili-magtotoo ug moingon, “Kana ang Cristohanon. Kana ang lalaki, o babaye, nga nahibalo sa kung unsa ang ilang ginasulti. Wala na kamo'y makita pang ingon ka buutan, ka malulot, ka diosnon nga tawo.” Selyado ka na. Makita ang selyo sa parehong pikas. Bisan man sa imong pagpaingon o pagpaanhi, makita ninyo ang maong

selyo sa gihapon. Tan-awa. Kita n'yo? Sa diha nga ang usa ka lalaki o usa ka babaye aduna na *niini*, nan mokanaug na ang maong Pangtaklub nga Bato ug selyohan sila pasulod ngadto sa Gingharian sa Dios, nga mao ang Balaang Espiritu.

³⁶¹ Dayon ang Pulong, nga nagagikan *Dinhi*, ginapadayag ang Kaugalingon Niini pinaagi sa usa niining mga binuhat, kita n'yo, ug ginahimo kining kumpleto na nga Binuhat nga usa ka Tabernakulo sa buhi nga Dios, usa ka nagalakaw, buhi nga ehemplo sa Cristianismo. Kung unsa kaniadto si Cristo, mao usab kining mga tawhana, tungod kay ang Iyang Kinabuhi ania man sulod dinhi. Anaa sila kang Cristo. Ug ang ilang kinabuhi patay na ug natago na diha kang Cristo, pinaagi sa Dios, ug gikaselyohan na diha sa Espiritu Santo. Unang Mga Taga-Corinto 12. Husto kana. Kita n'yo? Giisip mo na ang imong kaugalingon nga patay na, unya natawo ka na sa pagtoo. Dayon ang kaligdong ug ang uban pa niining mga butanga gipuno na diha kanimo hangtud nga usa ka na ka hingpit, buhing imahe sa Dios. Maanindot ba kana? [Ang kongregasyon nagaingon, "Amen."—Ed.]

³⁶² Ug dayon ang Dios, pinaagi niana, naghatud usab sa Pito Ka Kapanahonan sa Iglesia, aron ipakita ang pito ka ang-ang nga giaghan Niya, sa pagtukod sa maong Iyang mga indibiduwal ngadto sa Iyang imahe, gitukod Niya ang tibukol Niyang Iglesia diha sa Iyang imahe. Ug diha sa pagkabanhaw, kining kumpletong lawas pagabanhawon aron magkinabuhi na uban Kaniya hangtud sa kahangturan, tungod kay usa man kini ka Pangasaw-onon. Kita n'yo? Ingon niana usab sa matag kapanahonan, sa matag kapanahonan nga miabot.

³⁶³ Ug aduna pa'y mga gikinahanglan, timan-i. Nahinumduman ba ninyo kon unsa ang giingon ni Pablo dinhi sa Mga Hebreohanon 11? Tugoti lang akong basahon kaninyo sa dili pa kita magtapos dinhi, sa kadali lang. Ug unya kamo. . . Daw sa bation mo kini og medyo talagsaon sa dihang akong. . . sa kanunay, sa dihang basahon ko kini. Akong basahon ang Mga Hebreohanon 11, ug sugdan ko sa ika-32 nga bersekulo.

Unsa pa man, *unsa pay uban nga akong isulti? Kay pagakulangon na ako sa panahon sa paghisgot mahitungod kang Gideon, . . . kang Barak, ug . . . kang Samiton, ug . . . kang Jepte; . . . kang David . . . ug kang Samuel, . . . sa mga propeta:*

Nga tungod sa pagtoo nanagpakadaug sa mga gingharian, nanagbuhat sa pagkamatarung, nanagpakabaton og saad, nakagtak-up sa baba sa mga liyon,

Nagpalong sa gahum sa kalayo, nakalikay sa sulab sa espada, ug gikan sa kaluyahon nangahimong malig-

on, nangabaskug sa gubat, nakapakalagiw... sa mga kasundalohang langyaw.

Mga babaye nanagdawat sa ilang minatay pinaagi sa pagkabanhaw: . . . ang uban miagi og panagsakit, gippanagsakit, nga wala modawat sa ilang kagawasan; aron mahiagum nila ang usa ka labing maayo nga pagkabanhaw:

³⁶⁴ Paubos *dinhi*. Kita n'yo? [Nagapahinungod si Igsoong Branhan sa iyang drowing sa pisara—Ed.] Bueno.

Ug ang uban may mga pagsulay... sa mga pagbiaybiay... paghampak, oo, labaw pa niini... sa mga gapus... sa pagkabilanggo:

Gipangbato sila, gipanaggabas sila, gipanagtintal sila, gipamatay sila pinaagi... sa mga espada: nanagpanglakaw sila nga nanagsaput og panit sa karnero ug panit sa kanding; nanag-antus sa kawad-on, ug mga sinakit, ug mga dinagmalan;

(Nga kanila ang kalibutan dili takus:). . .

³⁶⁵ Kita n'yo, sa parenthesis dinha, inyong nahimatikdan diha sa inyong Biblia.

. . . nanghisalaag sila sa mga kamingawan, ug sa mga kabukiran, ug sa mga lungib ug mga langub sa yuta.

. . . kining tanan, sa nabatonan nila ang pagpamatuod kanila tungod sa pagtoo, . . .

³⁶⁶ *Dinhi!* [Nagapahinungod si Igsoong Branham ngadto sa iyang drowing sa pisara—Ed.]

. . . ang pagpamatuod kanila tungod sa pagtoo, wala makadawat sa saad: (Kita n'yo?)

Sanglit ang Dios nakagtagana na og labing maayong butang mahitungod kanato, nga gawas kanato dili sila pagahingpitan.

³⁶⁷ Nakuha ba ninyo kini? Kining mga tawo nga namatay, *dinhi*, nagalaum ug nagapaabot kanato. Busa, *kini* nga Iglesia kinahanglan nga makaabot ngadto sa kahingpitan, aron nga maihatud ang pagkabanhaw. Ug anaa sila sa ilalum, mga kalag nga anaa ilalum sa halaran, nagahulat niining maong Iglesia nga makaabot na ngadto sa Iyang kahingpitan, niana sa dihang moabot na si Cristo.

³⁶⁸ Ug kining Iglesiaha, nakita ninyo, nagaanam og kagamay, sa pagka-minoridad. [Nagapahinungod si Igsoong Branham sa iyang drowing sa pisara—Ed.] Mas talinis pa gayud kini kay niana, apan aron lang nga mahisulat kanang krus dinha, kita n'yo. Nahiabot na kini ngadto sa pagkatalinis sa dagum. Hangtud, ang maong Iglesia, diha sa pagka-minoridad, nakaabot na gayud ngadto sa usa ka punto hangtud nga daw

susama na kini sa usa ka matang sa ministerio nga gibiyaaan *niini*, tungod, sa diha nga nagabalik na kining maong Ulohang-bato.

³⁶⁹ Aduna kini og gamay nga daw-sa-bulsa *dinhi*, kon diin igatakub kini mismo dinha, sa kasagarang pyramid. Dili lang kini ingon nga taklub nga nakapatong diha sa itaas. Medyo kini og may haumanan, ug kinahanglan nga nakasalpak gayud kini dinha, tungod kay kini ang nagapaagas sa tubig.

Ug sa dihang moabot na kini, kinahanglan nga binaid na gayud kining Iglesia.

³⁷⁰ Kining tanan, ang tanang uban pang mga bato sa pyramid, nagkapatong-patong sa haum gayud kaayo hangtud nga dili mo mahimong sal-otan og labaha ang tunga kanila, nagbug-aton og tonelada, nga nagpatong dinha. Kon giunsa nila pagpasaka sa mga niini, wala sila kahibalo. Apan nahitukod sila.

³⁷¹ Ug sa ibabaw *dinhi*, sa dihang nagaabot na ang maong Taklub sa pyramid, ang pyramid Mismo, kinahanglan nabaid na ang Lawas ni Cristo. Dili sa kung unsa gayud nga mga kredo o doktrina, o ubang butang nga giagihan nato. Kinahanglan nga mamahimong sama gayud kini kang Cristo, hangtud nga, sa Iyang pag-abot, Siya ug kanang maong ministerio mohaum og eksakto gayud sa usa'g usa. Kita n'yo? Dayon moabot na ang Pagsakgaw, ang Pagpauli.

³⁷² Tan-awa kon asa na kita karon nagakinabuhi, sa Laodicea, kon diin sa iglesia maoy labing daotan nga kapanahonan sa iglesia nga giagihan nila. Diha sa Biblia, makaplagn nato, nga mao kini ang bugtong kapanahonan sa iglesia nga anaa sa gawas sa iglesia ang Dios, nagapanuktok, nagapaninguha nga makasulod balik sa Iyang kaugalingong gambalay. Ang mga kredo ug mga denominasyon mao man ang nagpahigawas Kaniya sa Iyang Kaugalingong iglesia. "Tan-awa, nagatindog Ako sa pultahan ug nagapanuktok. Kung kinsa ang uhawon ug moabli sa pultahan, mosulod Ako, manihapon uban kaniya." Kita n'yo? Ania na kini, *niining* maong kapanahonan sa iglesia. Hinayhinay nila Siyang gipagawas, hangtud nga hingpit na gayud nila Siyang napahawa *dinhi*. Ayaw nilang makighilambigit Niini.

³⁷³ Karon inyo nang makita kung asa na gayud kita paingon karon. Bisan sa tumoy sa maong kapanahonan sa Iglesia sa Laodicea nahimong pormal na kaayo, hangtud nga kini ug ang Katolisismo, nga maoy nagbungkag mismo niini *dinhi*, nagkauban-uban na ug nagakahiisa ingon nga usa na ka dakung iglesia. Pinaagi sa pederasyon sa mga kaiglesiahanan, sama ra sa gihapon kini sa Katolisismo.

³⁷⁴ Adunay usa lang ka kalainan, kung malagpasan lang nila kana, kana mao ang pag-komunyon. Mao lang kana ang butang diha sa dyosesis, nga—nga—nga nagapugong nga mahiusa ang Katolisismo ug Protestantismo, ang pamaagi sa

pag-komunyon. Nagaingon ang iglesiang Katoliko, “Kini mao ang lawas.” Ug ang iglesiang Protestante moingon, “Kini ang nagarepresentar sa lawas.” Ginapamisahan kini sa Katoliko. Sa misa mao, nga, nagakomunyon sila, sa pagdahum nga gipasaylo na sila. Ginadawat kini sa Protestante pinaagi sa pagtoo, ginapasalamatan ang Dios, diha sa komunyon, nga sila gipasaylo na. Ang Protestante moingon, “Gipasaylo na kami.” Ang Katoliko sab moingon, “Nagalaum kami nga gipasaylo na kami.” Ang misa ug ang komunyon. Ginatawag nila kini nga usa ka misa; ato kining ginatawag nga komunyon. Ang misa mao ang paglaum nga ingon unta. Ang komunyon mao ang pagkasayod nga ingon gayud, ug ginapasalamatan Siya tungod niini. Kita n’yo? Ug mao ra kana ang butang nga dili sila magkauyonay. Pagabuhaton nila kini.

³⁷⁵ Oh, daw sa maanindot kaayo. Magahiniusa kini, sa pagpadagan... Ipadagan niini—ipadagan niini ang tanang... Bueno, nag-ingon ang Biblia, “Ug gihatag niining mga mapintas nga mananap ang ilang gahum ngadto sa bigaon,” kita n’yo, gipanghiusa nila ang ilang mga kaugalingon tanan. Kita n’yo? Mao lang gayud kung unsa ang giingon sa Biblia nga pangbuhaton nila, ginapangbuhat na nila kini karon. Ginahimo na kini mismo karon, niining semanaha mismo. Dili ingon nga aduna ako’y unsa mang butang nga batok sa mga tawong Katoliko, ingon man usab sa mga tawong Protestante.

³⁷⁶ Kamong mga Methodist ug mga Baptist, ug kadaghanan kaninyong mga Pentecostal, sa dihang mipaingon na ang inyong mga iglesia ngadto niining pederasyon sa mga kaiglesiahanan, sa natukod na nila ang maong daku nga morgi didto sa New York, nianang pederasyon sa mga kaiglesiahanan, sama lang kini usab sa United Nations ug ingon-anang mga butang. Gipaninguhaan nilang hiusahon ang tanang Protestantismo.

³⁷⁷ Karon, sinati na niana ang mga Katoliko, ug dalhon nila kining maong ika-baynte tres nga Papa Juan, o ang ika-baynte dos, o unsa man gayud kini siya. Ginapaninguhaan niya, diha sa mahilum, mapainubsanong pamaagi, aron dalhon ang tibuok pagtoloohang Protestante ug pagtoloohang Katoliko ngadto sa usa na lang ka pagtoloohan, eksakto sa kung unsang gikaingon na sa Biblia nga ilang pagabuhaton. Tan-awa ra. Ug nagakadani ang mga Protestante niini, sa tuman nga mamahimo niini.

³⁷⁸ Ngano man? Ngano man? Tungod kay wala kanila *kining* mga butanga. *Kahibalo*, “Ang Pulong husto.” *Pagpailub*, “Kadtong nagahulat sa Ginoo.” Nakita n’yo ang buot kong ipasabot?

³⁷⁹ Sama sa giingon niadtong usa ka obispong Methodist sa miaging adlaw, sa dihang gipapasa nila kadto. Ug nahibalo ang si bisan kinsa niana, kung giunsa, kung unsa ang nagpaaghat niana, ginapaninguhaan nilang ipaampo ang usa ka alampoon

sulod sa simbahan, o sa eskwelahan. Ug gusto nga...usa kadto siguro ka pang-Presbyterian nga prayer book, o lain nga ingon nianang butang, ug gisumbong sa maong mga ginikanan ang—ang—ang eskwelahan tungod kay dili nila dawaton nga litokon kining maong alampoon sa eskwelahan. Ug maalam nga tawo kining tigulang na nga Obispong Methodist, mitindog siya ug miingon, “Sayup kana.” Miingon, “Wala kana sa konstitusyon.” Sayon niyang natumbok kini. Miingon siya, “Sama sa among iglesiang Methodist,” miingon siya, “sa among iglesiang Methodist,” miingon, “daghan sa among mga tawo kanunay hisgotan ang bahin sa mga eskandalo sa Hollywood, ug nobentay-singko porsiyento kanila moadto aron motan-aw niini sa gihapon.”

³⁸⁰ Unsa may problema? Ila nang gibiyaan *kini*. Mao gyud kanay eksakto. Nangbiya na sila niana.

³⁸¹ Nakig-estorya ako dinhi mismo niining maong lawak, sa miaging adlaw, sa usa—usa—usa ka opisyal sa usa sa mga pinakadakung iglesiang Methodist nga anaa didto sa Falls City, usa sa mga pinaka-espirtuhanon nga iglesiang Methodist nga anaa didto sa Falls City. Ginapakita, ang kapanahonan nga Methodist ginasundan sa atong kapanahonan dinha, ang Pentecostal. Ug miingon siya, “Didto sa St. Louis, Missouri, naghimo sila og pagtuki, mga tulo o upat na ka bulan ang milabay, ug ilang nahibaloan.” Ania siguro nagalingkod dinhi kining maong tawo niining buntaga. Bueno, siya ang contractor nga motukod niini, moayo niining maong gambalay para kanato. Main Street Methodist, kon diin siya nahisakop, kon diin si Igsoong Lum ug sila mao ang pastor kaniadto. Busa atong nahibaloan dayon nga, diha niana, nga sa pagtoo ko may mga setenta-ug-ingon niana nga porsiyento kadto sa mga tawong Methodist diha sa usa ka pagtuki, niana, sa pagsusi sa St. Louis, nagpakita nga mga setenta-porsiyento sa mga Methodist nagpanigarilyo, ug saisentay-otso ka porsiyento kanila nagainom og mga makahubog nga mga ilimnon. Usa ka Methodist! Ug ang talagsaong butang mao nga, sa gihatag na ang resulta sa maong pagtuki, o ang maong pagbanabana tali sa mga kalalaken-an ug kababayen-an; sa kababayen-an, setenta niadto, mga setenta porsiyento, ngadto sa mga singkuwenta porsiyento sa mga kalalaken-an. Mas daghan sa kababayen-an ang nagapanigarilyo ug nagainom ikompara sa kalalaken-an. Setenta porsiyento, mga setenta-ug-ingon niana nga porsiyento, nga mas daghan sa kababayen-an ikompara kaysa mga kalalaken-an.

³⁸² Unsa kaha karon kon adtoan pa nato ang Doktrina sa Biblia bahin sa pagsul-ob og mga syort, ug pagpamutol sa buhok, ug mga butang nga sama niana, kita n’yo, asa na ang pagkadiosnon, mga babayeng nagaangkon nga may pagkadiosnon ug pagkabalaan? Pagpangbaraha nga mga party

ug tanan nang uban pa, mga libakera, mga tigpanabi, mga dili makapugong sa ila mismong dila. Nagasiwitsiwit mismong mga dila ug tabian, ug manumbalay sa kon asa. Unsa man usab ang mga kalalaken-an? Pagpangbaraha nga mga party, magdula og golf, atua didto nga naghukas-hukas, mugbo og malaw-ayn'g mga pamiste, nag-uban-uban sa maong mga kababayen-an didto. Dili gayud katingad-an!

³⁸³ Nakita ba ninyo kadtong malaw-ayn'g panlimbong nila batok niadtong magwawali, ang maong magwawali sa bilanggoan, karong buntaga? Oo, sir. Dili ako motoo nga ang maong lalaki sad-an niana. Unsay nabuhat niini? Kana mao si Igsoong...dili ko mahinumduman ang iyang...[Adunay nagaingon, "Si Dan Gilbert."—Ed.] Oo. Si Dan Gilbert, ang magwawali sa bilanggoan. Sa dihang gibisitahan nianang tawhana ug gipatay si Dan, dili pa lamang dugay dinhi, ug karon umaanakay na ang iyang asawa. Siyempre, patay na si Dan, dili na sila makaabuno og dugo ngadto sa maong bata karon. Ang ingon niya nga gilugos kuno siya ni Dan, ug kana na ang iyang... "Bata kana ni Dan." Usa ka... Wala ako nagatoo niana sama nga wala ko motoo nga ang—nga ang—usa ka uwak adunay mga balahibo sa salampati. Dili, sir. Nagtoo ako nga usa kini ka bakak. Nagtoo ako nga si Dan Gilbert usa ka tawo sa Dios. Ug nagatoo ako nga usa kana ka limbong sa Yawa.

³⁸⁴ Sama niadtong butang nga buot ipabuhat bahin niadtong mga alampoon. Kadtong tigulang nga Methodist—obispong Methodist may igong kaigmat sa pagpakgang niana. Kung iya pang, kung nadayon pa kadto, dinasig lang kadto sa kung unsa pa nga ubang butang. Husto kana

³⁸⁵ Sama niining problema sa pagpanglain didto sa Habagatan, mao ra sa gihapon. Ginatoohan ko nga kinahanglan may kagawasan ang mga tawo. Nagtoo ako nga kining maong nasud nagabarug alang sa kagawasan. Wala nako ginabasol si Mr. Kennedy sa pagpadala sa maong mga sundalo. Bisan pa nga, dili ako ang usa—usa ka "bag-ong tigpakig-atubang," ug dili ako usa ka Democrat. Dili ako usa ka Republican. Usa ako ka Cristohanon. Busa ako'y... Apan dili ako nagatoo niana. Dili ako nagatoo nga ang itum nga mga tawo kinahanglan nga ilang ibaligya ang ilang mga natawohan'g katungod kabaylo nianang mga butanga, usab. Kadto mao ang—kadto mao ang partido sa Republican. Ang dugo ni Abraham Lincoln mao ang mihatag og kagawasan kanila nga mga tawo tungod kay usa siya ka diosnon nga tawo. Siguro angay silang mopabilin sa ilang partido kung moboto man sila.

³⁸⁶ Apan sultihan ko kamo og usa ka butang, kadtong maong batang lalaki wala nahiadto didto tungod lang niana, sa ilang mga eskwelahan. Usa ka lungsuranon kadtong bataa. Amerikano siya. Kagawasan kini para sa tanan. Ang pamanit sa usa ka tawo dili kinahanglan mopalahi kaniya. Kitang tanan... .

“Ang Dios,” giingon pa, “pinaagi sa usa ka tawo, gihimo ang tanang dugo, ang tanang kanasuran.” Usa ra kitang tanan. Apan, kadtong bataa, usa siya ka sundalo. Usa siya ka beterano. Nakig-away siya alang sa kung unsay husto. Aduna siya’y katungod sa pag-eskwela. Husto kana. Apan adunay daghang eskwelahan nga mahimo niyang eskwelahan.

³⁸⁷ Mao kini ang butang karon. Kung adtoan mo ang luyo niini, kini mao ang sa pagkakarong-adlaw nga pang-denominasyong butang nga anaa dinha, nga nagapaaghat niana. Ngano man? Ginapabalhin nila kadtong mga boto sa mga itum gikan sa Republican ngadto sa Democrat, ug ilang ginabaligya ang ilang natawohan’g katungod tungod niini. Ang tukmang kamatuoran. Wala ang Balaang Espiritu niini. . .

³⁸⁸ “Siya nga may kaalam.” “Siya nga may kahibalo.” Eksakto. Sama lang niining iglesia, niining kapanahonan sa pagkakaran, ginabaligya ang kaugalingon niini. Dili ba ninyo makita kung unsa ang mahitabo?

³⁸⁹ Dili mahinungdanon kanako kung naka-teyp man kini. Ania na. Uh-huh. Oo. Unsa may problema? Ginaingon kaniadto sa akong tigulang na nga inahan, “Thatag sa Yawa ang angay kaniya.”

³⁹⁰ Adunay tawo nga nahimo ang bugtong butang nga maangayon, mao kadto si Castro didto. Oo, sir. Miadto siya didto. Ug aduna sa kapitalista ang tanang tubo ug tanan na nga. . . atua kini sa gold standard, sama sa Estados Unidos. Unsa may iyang gibuhat? Iyang gipamalit kadtong tanan nga mga bond. Gikuha ang maong kuwarta kutob sa iyang mahimo. Unsa man dayon ang iyang gibuhat? Iyang giawat-awat ang panalapi, ug gipulihan kini. Gipangbalik ang mga niini dayon. Mao lang kana ang butang nga mahimong buhaton niining nasud.

³⁹¹ Nadungog n’yo ba ang *Life Line* sa miaging buntag? Aba, kahibalo mo, sama lang kini sa pagbaligya sa bond sa bulawan. Nahurot na ang mga bond. Ug unsa nga kwarta ang ginagastos niining gobyerno sa pagkakaran? Kwarta sa buhis nga pagakolektahan pa lang kuwarenta ka tuig gikan karon. Impas na siya. Kana ang *Life Line* nga nagagikan mismo sa Washington D.C., ngadto sa tibuok nasud. Buhis nga ilang ginagastos, ug nagapaninguhang mamalit sa gawas sa nasud. Hinoon, ila man lang kini ipanghatag sa gihapon. Dili ba ninyo makita? Eksaktong mao gayud kana kung unsay ilang—kung unsay ilang buhaton. Kita ninyo? Unsa man kini? Karon, kon mabangkaruta kining maong nasud, ang bugtong butang nga mahimo niini mao ang mabangkaruta. Ang bugtong butang nga mahimo niini mao ang mabangkaruta.

³⁹² Mao lang kana ang maangayong butang nga pagabuhaton, pulihan ang sistema sa panalapi. Apan dili nila kini buhaton, sa

ilalum niining sa pagkakaran nga administrasyon. Gipanag-iya sa iglesiang Romano Katoliko ang mga bulawan sa kalibutan. Ug unsa may ilang buhaton mao ang pagbaligya sa ilang kaugalingon, “Niining mga datong kalalaken-an,” ug uban pa, “sa kalibutan,” sa gikaingon na sa Biblia. Unsa may ilang pangbuhaton, sa dili pa sila maparot? Ang Brown and Williamson Tobacco Company, ang halos tanan niini mga Katoliko, bisan unsa pa. Ug ang tanang uban pa niining mga butanga, unsa may ilang buhaton? Ila pangdawaton kana, ug ilang pangdawaton ang kuwarta gikan sa Roma, ug dayon iya nang gibaligya ang iyang natawohan’g katungod. Paluyohan siya sa Roma. Oo, sir. Mopaluyo siya niini. Ug makab-ot na nila ang igong mga palakaw, makab-ot sa igo tali kanila, ginadala ang mga niini sa iyang gabinete. Tan-awa kung unsa na ang ginahangyo ni Mr. Kennedy.

³⁹³ Ug sa dihang nakita ninyo kini, sa miaging adlaw, dili na kinahanglan nga moboto pa. Unsa na may pulos sa pagboto? Sa dihang, ila na man kining gimantala, ug gipamatud-an atubangan sa publiko, ug mibalibad sila nga mobuhat sa bisan unsa man bahin niini. Sa dihang, ila nang gipamatud-an nga kinunsabo na ang maong mga makina, nga ilang giboto si Mr. Kennedy sa palsipikadong pagboto. Dili ba ginaingon sa Biblia nga moabot siya pinaagi og paglimbong? Sigurado gayud, sa usa ka paglimbong. Karon, dili ako batok sa partidong Democrat sama usab nga dili ako batok sa partidong Republican, apan ako lang ginasaysay ang mga kamatuoran gikan sa Biblia. Unsa na may pulos sa pagboto? Nasayod na man sila kung kinsa ang pasulod na dinha.

³⁹⁴ Pila man kaninyo ang nakahinumdom sa gipakita sa telebisyon kon diin adunay duha ka babayeng nagatindog? Ug ang usa miingon, “Akong botohan si Mr...” O, ang Protestanteng babaye miingon, “Akong botohan si Mr. Kennedy.”

Miingon sila, “Ngano man?”

³⁹⁵ Miingon, “Tungod kay mas maalam man siya ikompara kang Mr. Nixon. Mamahimo siyang mas maayo nga Presidente.”

³⁹⁶ Unya miingon ang lalaki, “Kini usa ka babayeng Katoliko. ‘Kinsa man ang imong botohan?’”

³⁹⁷ Miingon siya, “Katoliko ako, usa ka Romano Katoliko, matinuurong Katoliko.” Ingon pa niya, “Akong botohan si Mr. Nixon.”

“Ngano man?”

³⁹⁸ Ang ingon, “Tungod kay, nagtoo ako nga si Mr. Nixon mamahimong usa ka maayong Presidente tungod kay mas batid na sa maong mga butang. Mas sinati na niya ang komunismo.” Namakak kanang maong babaye.

³⁹⁹ Ania kanako ang *The . . . kung unsay ilang gitawag nga, The Facts Of Our Faith*, ang kinatas-ang libro sa Katoliko nga mapalit. Ug nagaingon dinha, “Kung aduna may Katoliko sa listahan sa mga kandidato, nga mikandidato kontra sa Protestante; kung ang Katoliko moboto sa maong Protestante, igatiwalag sila gikan sa pagkasakup sa iglesiang Katoliko.” Husto. “Ug kung aduna may duha ka Katoliko nga mokandidato sa mao ra nga posisyon, ilang pilion ang maong Katoliko nga mas matinud-anon sa ‘inahang iglesia’ ug iboto sila.”

⁴⁰⁰ Nakita ninyo kung giunsa, nianang paglimbong, kung unsay gipaningkamutan nilang buhaton? Manghatag og kuwarta, aron paliton. Ngano man? Ginapaninguhaan nila kining mahapay. Ug ginabuhat na nila kini, ug nahapay na siya. Ug unsa man kini? Ania na kini sa gold standard. Ug ang Katolikong iglesia, ang maong herarkiya, nagapanag-iya sa mga bulawan sa kalibutan. [Adunay nagaingon, “Usa ka gatus ug saysentay-otso bilyones dolyares.”—Ed.] Usa ka gatus ug saysentay-otso bilyones. Mao na kana. Ginadala siya balik ngadto sa gold standard, ug kamong mga tawo makuptan ninyo ang inyong mga balay ug ingon-anang mga butang, apan gipapanag-iya na kamo sa iglesiang Katoliko. Gipapanag-iya na sa iglesiang Katoliko ang nasud. Naagaw na mismo ang maong tibuok butang sama niana, pinaagi sa ilang sistema sa panalapi. Dili ba nagahisgot man ang Biblia niana? Ingon niana ang hulagway nga ginahulagway sa Biblia kanato.

⁴⁰¹ Ang buot kong ipasabot, igsoon, karon. Moingon sila, “Himoon niana nga usa ka maayong iglesia kini. Igahiusa niini ang Protestantismo.” Maayo kini kon tan-awon sa natural nga mata, apan ang kahibalo nga iyaha sa kalibutan binuang sa Dios.

⁴⁰² “Ug nagpahimuot kini sa Dios, pinaagi sa—sa maong binuang nga pagwali, aron luwason sila nga mga nahisalaag,” pinaagi sa Balaanong opisina, nga Iyang gikatudlo sulod sa Iyang Iglesia, aron sa pagpalig-on sa Iglesia ibabaw niining mga espirituhanong kinaiya ug dili ibabaw sa bisan unsang butang nga napahinungod sa kalibutan.

⁴⁰³ Si Pedro nag-ingon, “Ug tungod kay nakalikay na kamo sa pagkamadunoton sa kalibutan pinaagi sa pangibog sa kuwarta, ug pangibog sa mga dinagkung mga butang, ug kalipayan, ug sa mga pagpangaon, ug mga pagpanggi-inom, ug ang kailibgon nga ania kanato. Nakalikay na kamo niana. Ug napalig-on na karon ngadto sa pagkinabuhi. Akong ginapahinungod kana ngadto sa Iglesia,” siya miingon. Tan-awa. Nabasa ba ninyo kini? Nakuha ba ninyo kini? Nadungog ba ninyo kini sa dihang gibasa nato kini balik dinhi sa Ikaduhang Pedro? Paminawa lang kung unsa ang iyang ginaingon dinhi, daw sa unsa ka maanindot ang nahisulat dinhi, kung giunsa niya—niya pagpamulong niini. Sige. Paminawi siya karon sa iyang pagpamulong. Sige.

Si Pedro, si *Simon Pedro*, ang ulipon ug apostol ni *Jesus Cristo*, nganha kanila nga...nga nanagpakadawat sa sama nga hamili nga pagtoo uban kanamo diha sa pagkamatarung sa Dios ug sa atong Manluluwas nga si *Jesus Cristo*:

...kalinaw ipa—ipadagaya kaninyo diha sa pag-ila sa Dios, ug pinaagi kang *Jesus Cristo* nga atong Ginoo,

Sa nakita nga—nga ang iyang diosnong gahum nag-hatag kanato sa tanang mga butang...

⁴⁰⁴ Kinsa man ang makapanunod sa kalibutan ug sa tanang butang? [Adunay nagaingon, “ang mga Balaan.”—Ed.] Sigurado. “Mahitungod sa...” Oo. Sige.

...nga mahitungod sa kinabuhi ug sa pagkadiosnon, pinaagi sa pag-ila kaniya nga nag-tawag kanato ngadto sa iyang himaya ug ngadto sa himaya:

Nga tungod niana kita iyang gikahatagan sa dagku gayud...hamiling saad: aron nga pinaagi niini mag-umalambit kita sa diosnong kinaiya, sa nalikayan na ang pagkamadunoton (Paminawa kana.) nga ania sa kalibutan tungod sa kailibgon.

⁴⁰⁵ Kailibgon sa kuwarta, kailibgon sa mga dinagkung butang, kailibgon sa papularidad, kining mga butanga patay na ngadto sa magtotoo. Wala na’y kabilinggan kanato. Tolda man o payag, nganong mabalaka man ako; mabuhi man o mamatay, maunlod o malumos man? Kini ang butang nga maikagon ako, ang Ginghamian sa Dios. Ma-maintain ko man ang akong panimalay, ma-maintain ko man ang akong pamilya, ma-maintain ko ang bisan unsa pa man niini, tugoti akong ma-maintain si Cristo, ang atong paglaum sa Kahimayaan.

⁴⁰⁶ Lig-ona ako, O Ginoo, ngadto Niini. Tugoting mahimong Ulo si Cristo kanako, nga nagapamuhat pinaagi kanako. Diha sa akong pundasyon, ang akong pagtoo nga diha Kaniya, itugot nga ang kaligdong, kahibalo, pagpugong sa kaugalingon, pagpailub, pagkadiosnon, ug inigsoong pagbati, magapamuhat sulod kanako, O Ginoo, maoy akong gipangamuyo. Walay kabilinggan kanako; mabuhi man o mamatay, maunlod o malumos man; denominasyon, o walay denominasyon; may higala o walay higala. Tugoting magapamuhat Kana sulod kanako, tugoti nga ang kaligdong ni Cristo, ang Iyang kahibalo, mobuhagay ngari kanako, aron nga mahimo kong ipanudlo ang mga niini.

⁴⁰⁷ “Kay ang Diyos nagbutang diha sa Iglesia, sa mga apostoles, mga propeta, mga magtutudlo, mga pastor, ug mga ebanghlista, tanan nga alang sa paghingpit ug paghatod niining tanan nga mga maayong gawi pasulod niini, alang nianang kahingpitan sa Pag-abot na sa Anak sa Dios.” Ang matag usa niining maong mga bato maoy materyales nga nagagikan nianang maong Usa. *Kini*

mao ang materyales nga iyaha Niini. Ang matag-usa niining mga maayong gawi gipanag-iyas sulod Kaniya, ug nagaagas ang mga niini gikan Kaniya, paingon ngadto kanila. Amen.

⁴⁰⁸ Alas dose na. Asa na man kini tanan mipaingon? Amen. Gihigugma ba ninyo Siya? [Ang kongregasyon nagaingon, “Amen.”—Ed.] Ginatooan ba ninyo kana? [“Amen.”] Paminaw, kamong mga bata.

⁴⁰⁹ Nag-ingon si Igsoong babaye nga Kidd, karong buntag, “Igsoong Bill, wala ko mahibalo kon magkitaay pa kita pag-usab.” Halos ikamatay ko kadto. Kita n’yo? Hunahuna niya nga nagkatigulang na gayud siya, ug mao gayud siya. Nag-ampo ako nga lugwayan pa siya sa Dios ug si Igsoong Kidd, sa hataas pa nga panahon.

⁴¹⁰ Sultihan ko kamo, wala kita mahibalo kung unsa pa kataas ang panahon nga magkauban pa kita. Wala ako mahibalo kung unsa pa ka dugay nga makauban ako ninyo. Mahimong pagatawgon na ako sa Dios palayo sa kalibutan. Mahimong tawagon Niya ako ngadto sa lain pang natad sa panerbisyo. Mahimong tawagon ka Niya ngadto sa kung asa man. Wala kita mahibalo. Apan, atong—atong batonan. Dili nato pasagdan nga molagpas lang kini kanato. Atong dawaton kana.

⁴¹¹ Anaa kini dinha, sa Biblia. Ania kini, nahimong sulundan sa tanan nang uban pang butang. Ug kon aduna lang ako’y panahon sa pagbuhat niini! Dili mo mahimo kini sulod sa usa ka adlaw. Nasayod kamo niana. Apan, mahimong ipagdugtong ang tibuok butang!

⁴¹² Tan-awa, sa dihang nahuman nato kadtung maong mensahe, inyong nakita kung unsa ang gibuhat sa Balaang Espiritu dinha sa bongbong, dili ba? Pila man ang ania dinhi kaniadto? [Ang kongregasyon nagaingon, “Amen.”—Ed.] Kita n’yo? Oo! Mikanaug mismo, gidrowing ang maong butang mismo, niadtong maong Manulonda sa Ginoo.

⁴¹³ Kita n’yo, tinood kini. Ayaw itugot nga makaipsot kini kaninyo. Panggunit ngadto niini, mga anak. Panggunit ngadto niana. Hinumdumi, tukora ang inyong pagtoo, kaligdong, kahibalo, pagpailub!

⁴¹⁴ Karon, diri, ania siguro ang akong usa ka papel dinhi, kung wala ko kini nahulog kon asa man samtang ako nagwali. Ania ra kini. Salamat kanimo, igsoon. Salamat, kaayo. Kon gusto ninyo nga—nga molantaw niini, ug tan-awon kung aduna ba’y butang dinhi nga inyo tingali mahimong. . . Medyo mas maayo kini tingali nga sulundan kaysa ang anaa dinha, nga inyo tingali mahimong kopyahan ang pipila sa uban niini. Ako lang tamtakan kini dinhi, ug siguradong mahimo n’yo nang tan-awon kini ug—ug sundon kini.

⁴¹⁵ Ug gusto ko nga inyong dalhon kini ug tun-an kini, ug ikompara kini, ug dayon tumanon kini. Dili lang nga tun-

an kini, nga ikompara kini, kondili tumanon kini samtang inyong ginatun-an. Dawata kini nga kinasingkasing sa inyong kaugalingon. Ayaw pag-ingon, “Bueno, nalipay ako sa pagpaminaw niini.” Ako man, usab. Apan ang pagpatalinghug niini, ug ginadawat dayon kini, lahi gayud. Kita n’yo? Kita n’yo? Lahi gayud. Kita n’yo?

⁴¹⁶ Adunay pito ka mga kwalipikasyon sa pagkab-ot sa bantayog sa Dios. Adunay Pito Ka Kapanahonan Sa Iglesia, nga naihatud sa Dios ang Iglesia ngadto niining kwalipikasyon. Ug aduna Siya’y pito ka mga mensahero sa pagbuhat niini. Adunay pito, pito, pito. Kita n’yo? Ang pito maoy—maoy numero sa Dios sa kahumanan, ug ang tulo maoy numero sa Dios sa kahingpitan. Busa, adunay tulo, ug pito ka tulo. Mao nga, sa matematiko, sa espirituhanon, pinaagi sa Pulong, pinaagi sa pagpamatuod sa Balaang Espiritu, ang tanan niini maoy nagpakumpleto sa maong tibuok butang. Tun-an nato kini.

⁴¹⁷ Atong ipuno kining mga butanga diha sa atong pagtoo, kung ingon-ana, aron nga makadangat kita ngadto sa kahupnganan sa bantayog ni Cristo; ingon nga gibugkos na ang usa’g usa pinaagi sa diosnon nga gugma, kahadlok sa Dios, nga may pagkataha sa usa’g usa diha sa atong kasingkasing, may bug-os nga pagtahod sa usa’g usa, mapuangurong pagbati sa igsoong lalaki ug babaye, wala gayu’y kabagisan, wala nay lain pa kondili ang putling pagkinabuhi nga iya sa Balaang Espiritu. Kita n’yo? Magkinabuhi nga magkauban, magpaka-Cristohanon. Paglakaw diha sa pagtoo. Tugoting modagayday pinaagi kaninyo ang kaligdong sa Dios; pasagdi ninyo ang kahibalo sa Dios, paghisgotan na ang husto ug sayup. Sa dihang motanyag na ang Yawa og butang nga dili tukma sa Kasulatan, pagpahilayo niini. Husto kana.

⁴¹⁸ Mahunahunaan ko silang mga apostoles nga wala gayud nanaglihok sama kanato. Nangadto sila sa kung asa, mga lalaking hilomon, gawas kung diha na sila sa pulpito. Mosulod sila ug ginabuhat ang kung unsay angay nilang buhaton, ug nagagawas na sila. Oo, sir. Aduna sila’y gahum. Aduna sila’y kaligdong. Wala sila’y mga panagbingkil sa tawo. Nasayod sila kung asa sila nagbarug. Kana lang. Nailhan nila kung kinsa ang ilang gitooan. Padayon silang naglakaw diha sa Espiritu. Ginapamuhat lang. . .

⁴¹⁹ Sama lang sa gikaingon ko na sa miaging gabii. Usa lang ka pagtangdo, kana lang ang kinahanglan nga buhaton sa Dios, nan wala na gayu’y makapugong pa kanila. Dili na sila nangutana ug nagtuon pa, ug nanagpanuko ug magkabalaka sama sa atong ginabuhat, kung buhaton kaha nila *kini* o *kana*. Padayon silang miadto ug gibuhat kini, bisan unsa pa man. Usa lang ka gamayn’g pagtangdo sa Dios, tapos na, sa gilayon. Ngano man? Giunsa man nila pagkahibalo nga usa kadto ka pagtangdo gikan sa Dios? Anaa na kanila kining maong mga

maayong gawi dinhi, tanan na niining mga kwalipikasyon. Ug ang unang gamay nga pagtangdo sa Dios mitandi sa matag tipik *niini*, ug sa Iyang Pulong. Nasayod sila nga kadto'y Pulong sa Dios, ug dayon nangadto sila. Dili na kinahanglan nga mabalaka pa bahin sa kung unsa pa man nga butang. Sa dihang misulti ang Dios, miadto dayon sila. Mosulti kita . . .

420 Nagapakigsulti ang Dios kanato, ug moingon kita, “Bueno, atong sugdan. Tan-awon nato kon mahimo natong magkinabuhi niining Kinabuhia.” Masayran mo na lang, aduna na’y nagasamok kanimo. Bueno, sigurado, mao kana ang Yawa.

421 Nakita ninyo unta siya nga naningkamot nga dili ako makatambong niining panagtigum karong buntaga. Angay ninyong masinati ang ingon niana sa usa ka higayon. Oh, kaloy-i! Kinahanglan kong makigbisog sa matag higayon nga mohisgut ako og panagtigum. Ug kung magaampo ako sa masakiton, ug may usa nga himalasyon na ug wala’y kaluwasan, magkaadunay traynta ka tawag nga moabot sulod lang sa diyes minutos, kon paspas silang makaabot niana, aron nga dili ako makaadto. “Oh, Igsoong Branham, kinahanglan mong buhaton *kini*.” Apan aduna ma’y kalag nga nakataya. Mao gayud. Oo.

422 Sa miaging gabii, gitawagan ako paadto sa usa ka lugar. Usa ka batan-ong lalaki, nakigsulti ako kaniya dinhi sa unsay-tawag-ninyo niini, supermarket, pipila ka tuig ang milabay. Nahimo siyang usa ka palahubog. Naila ko ang maong bata, usa ka maayong buutan nga bata, apan usa siya ka makasasala. Ug mao nga mitawag ang iyang inahan. Siguro natawagan niya si Doc makaduha ka higayon. Ako . . . Mitawag, ug ilang gitawgan si Billy, ug—ug sa kaulahian nakuha ko ang mensahe. Ug sa nakuha ko na ang maong mensahe, sa tinud-anay lang, wala pa ako nakasinati og ingon ka dakung pagpakigbisog sa akong kinabuhi, aron lang nga maadtoan kadtong maong bata.

423 Ug sa pag-abot ko na didto, ang makaluluoy nga bata dili na makaila kanako. Didto siya, naghigda didto, wala sa iyang kaugalingon, ug dili makapuyo. Ang iyang amahan nagasulay pagpikpik kaniya, ug nagaingon, “Dodong.” Ug ang maong tawo singkuwenta na, mga singkuwentay-uno na ang panuigon. Ug nagaingon, “Dong,” *mao kini*, “ug padayon lang paghigda.” Ug nagapaningkamot siya nga mobangon. Ang gamay niyang tigulang na nga mga bukton nga mga *ingon niana* ka daku ang nagasapnay kaniya. Puno na kaayo sa kanser ang maong bata handud nga wala na gayud kundi tibuok na siyang kanser. Aduna na’y kanser ang tanang bahin sa iyang lawas. Kanser na bisan pa gani ang dugo sa iyang kaugatan, ang tanan na. Ug didto siya, nagapaningkamot mobangon, ug dili makapuyo.

424 Gigunitan ko siya sa iyang kamot, miingon ako, “Woodrow, Woodrow, si Igsoong Branham *kini*.”

425 Miingon ang iyang amahan, “Wala mo ba naila? Si Igsoong Bill kini. Woodrow, si Igsoong Bill kini.”

Miingon siya, “Uh-huh. Uh-uh-uh,” ingon niana.

426 Ug mitan-aw ang iyang amahan ug miingon, “Billy, medyo ulahi na ang imong pag-abot.”

Miingon ako, “Dili pa ulahi. Ania pa siya.” Nagkaaduna ko’y pagpakigbisog.

427 Unya ang uban nga mga batan-ong lalaki, uban pang mga batan-on, mga makasasala, nanagtindog didto, ang uban sa iyang mga paryente. Miingon ako, “Nakita ninyo, mga batan-on, mag-mainandamon, kay mahiabot kamo ngadto niining puntoha. Mangabot gayud kamo mismo ngadto dinhi. Kita n’yo? Tingali dili pinaagi niining—niining maong kanser. Mahiabot kamo tingali pinaagi sa laing butang, mamahimo nga dinha sa highway, magkadugo hangtud sa kamatayon, o sa kung unsa man. Mahiabot gayud kamo ngadto niini.” Nakigsulti kami kanila.

428 Gihulat ko aron tan-awon kon unsay isulti sa Espiritu nga buhaton. Nagapaabot. Masayran mo na lang, gibati ko na kadtong maong gamayn’g pagtangdo. “Ipatong ang imong kamot kaniya.”

429 Naglakaw-lakaw ako, miingon, “Kamong tanan iduko ang inyong mga ulo.” Ilang gipangduko tanan ang ilang mga ulo, duha o tulo ka mga batan-on ang atua didto.

430 Gipatong ko ang akong kamot diha kaniya. Miingon ako, “Ginoong Dios, tugoti nga magkaaduna ang maong bata og pagkahibalo kung unsay iyang pagabuhaton, sa dili pa nga kinahanglan niyang matagbo kining butanga. Himalatyon na siya. Bug-os na siyang gilukop sa yawa, ug mamatay na siya. Ug nagpakahubog siya sa iyang kaugalingon ngadto sa kamatayon, ug ania siya karon niining kahimtanga. Ginaampo ko Kanimo nga kaluy-an mo siya.” Ug sa dihang naiampo ko na siya, sa pagkasunod buntag nagalingkod na siya, nakig-estorya na sa iyang amahan.

431 Si Busty Rogers, kinsay . . . Ila akong gitawgan dinhi paadto sa hospital, dili pa lang dugay. Atua ako didto niadtong adlawa, human nga nagwali ako didto sa Milltown kon diin giayo ang gamayn’g si Georgie Carter. Tanan kamo makahinumdom niini. Ug sa dihang didto si Igsoong Smith, usa ka magwawaling Methodist, nag-ingon, “Kon aduna ma’y gibautismohan dinhi, sa Ngalan ni Jesus Cristo, gumawas kamo sa akong tolda,” ingon niana. Didto sa Totten’s ford, ginapahigayon kadtong panagtigum didto. Ug, oh, gipakahimaraut ako sa tanan na nga inyong mahunahunaan. Wala gayud ako’y gisulti ni usa ka pulong; nagpadayon lang. Adunay sugo kanako. Mipakita ang Ginoo kanako og usa ka panan-awon. Adunay karnero didtong dapita, nga nalit-ag kung asa man sa maong kamingawan.

Inyong tanan nahinumduman ang maong panan-awon, kamong tanan. Siguro inyong mahinumduman gayud. Nahinumduman ba ninyo kini? [Ang kongregasyon nagaingon, “Amen.”—Ed.] Sigurado. Bueno. Unya akong gilatas niadto ang kamingawan didto, sa pagpangangita niini.

⁴³² Miadto ako sa Totten’s ford. Nasayod si Igsoong Wright dinha. Miadto kami didto, nga wala kabalo kung unsay buhaton. Mipalit ako og kahon nga patunganan, sa diyes sintabos. Magaadto ako didto, motindog dinha og mowali ibabaw sa patunganan. Miingon siya nga motungas siya, didto ibabaw ngadto sa bungtod, aron magnegosyo kung unsa man. Miuban ako kaniya. Adunay usa ka daku ug karaan na nga simbahan sa Baptist nga atua didto, nga bakante. Nagsulti ang Ginoo kanako, “Mohunong ka dinha.”

⁴³³ Miingon ako, “Dinhi na ako mogawas, Igsoong Wright.” Mihunong ako. Mipadayon siya nga miadto ug mibalik.

⁴³⁴ Miduol ako didto, ug dili maablihan ang pultahan. Miingon ako, “Ginoo, kung Ikaw ania niini, gusto Mong mosulod ako sa simbahan, ablihi ang pultahan alang kanako.” Milingkod ako didto ug namalandong.

⁴³⁵ Nadungog kong may mipaingon; miduol, ug miingon siya, “Kumusta ka? Mosulti ako kanimo,” miingon, “buot mo bang mosulod sa simbahan?”

Ang ingon ko, “Oo, sir.”

Miingon siya, “Aduna ko’y yawi dinhi.”

⁴³⁶ Nagsugod kami og panagtigum. Unang semana, halos wala gayud. Sa unang gabii, aduna ako’y usa ka kongregasyon, si Igsoong Wright ug ang iyang pamilya. Nasayran mo na lang, sa hinapos na sa maong semana, dili mo na gani sila mapatindog pa diha sa nataran, halos. Sa gihapon wala mitungha kadtong maong karnero. Naluwas si Igsoong Hall niadtong panahona, ang maong pastor didto sa pagkakaran, silang tanan. Dili ko makita kung asa na kadtong maong karnero. Sa wala madugay, gikan sa church of Christ, ubos didto sa maong bungtod, didto kadtong maong gamay nga batang babaye nga sulod sa siyam na ka tuig ug walo ka bulan wala maglihok, nga naghigda na didto. Didto siya. Nasayod na kamong tanan sa maong estorya. Oo, sir.

⁴³⁷ Sa dihang si Busty Rogers niadtong hapon, ang dakuon ug maskuladong beterano nga nagatindog didto . . . miadto ako didto. Ug didto ang kongregasyon ni Igsoong Smith aron katawan ako, bugalbugalan ako, sa pagbautismo diha sa Ngalan ni Jesus. Miubog ako didto sa mga pitaon nga tubig sa Totten ford, kon diin aduna sila’y . . . [Blangko nga bahin sa teyp—Ed.] . . . hangtud sa may sapa didto, ug ingon ka kusog ang pagdaguhong sa mahimo niini. Miuban pag-ubog kanako ang duha ka mga diyakono.

438 Miingon ako, “Ania ako nagatindog niining kahaponon sa pagrepresentar sa Balaang Kasulatan sa Dios.” Ingon ko, “Akong basahon dinhi kon diin nag-ingon si Pedro, ‘Paghinulsol, ang matag usa kaninyo, magpabautismo diha sa Ngalan ni Jesus Cristo aron sa kapasayloan sa inyong sala.’” Milingi ako, gitunol ko ang maong Libro sa usa sa mga diyakono.

439 Miadto pa ako didto, ug miingon ako, “Ang bisan kinsa man, nga nagahinusol sa iyang sala, kinahanglan nga moduol ngari.” Miadto pa ako didto sa tubig. Miingon ako, “Mora og nanglingkod na ang mga Anghel sa matag sanga karon, nga nagabantay.” Oh, sus! Niadtong panahona nakabautismo ako og duha o tulo, sa iyang tibuok kongregasyon, niadtong mga babaye nga nakasinina og pinong mga sida, ning-ubog niadtong tubig, ningsiyagit sa kinakusgan sa ilang tingog. Gibautismohan ko ang tanan niyang kongregasyon diha sa Ngalan ni Jesus Cristo. Nasayran n’yo kini. Aduna ko’y litrato niini. Anaa kini dinha.

440 Unsa man kadto? Pagpuno ngadto sa inyong maayong gawi. Kita n’yo? Pasagdi kini. Nasayod ang Dios kung unsaon pagbuhat niini. Nasayod ang Dios kung unsaon pagpatuman niining mga butanga. Pasagdi na sila kung unsa pa ma’y gusto nilang isulti. Wala kini kabilinggan. Pagpadayon lang.

441 Si Busty Rogers nga nagtindog didto, sa nakita niya kadto, miingon siya, “Kung ingon-ana toohan ko kini sa tibuok kong kasingkasing.” Ug paingon didto sa tubig miduol siya, uban sa maayo niyang pamiste, ug nabautismohan diha sa Ngalan ni Jesus Cristo.

442 Mga tulo o upat ka tuig ang milabay, ila akong gitawgan dinhi aron paadtoon sa hospital sa New Albany. Didto siya, himalasyon na, tungod sa kanser, nga miut-ot gayud kaniya. Ang doktor mitagal na lang kaniya hangtud niadtong pagkasunod nga buntag, nga mabuhi. Miingon, “Himalasyon na siya karon.” Miingon, “Pag-anhi dayon.”

443 Miadto ako dayon sa maong lawak, sa pag-adto ko na, aron sa pagtindog didto ug sa pag-ampo. Miingon siya, “Billy, adunay balangaw nga nagalibot-libot nianang kanto dinha.”

444 Ug milingi ako, aron tan-awon. Miingon ako, “Busty, usa kini ka pakigsaad. Dili ka mamatay. Ang pakigsaad sa maong Dugo ang nagaluwas kanimo.”

445 Gipatong ko ang akong kamot diha kaniya, miingon, “Ginoong Dios, daw sa unsa nga kanang panan-awon dinha nagapamatuod nga ania gayud Ikaw dinhi. Ang imong pakigsaad mao nga, kini, ‘Pinaagi sa Iyang mga labud nangaayo na kami.’” Gipandongan ko siya, ug didto naayo siya. Gipapauli ko na siya.

446 Ug sa mga upat o lima ka tuig, mga upat ka tuig, nagsige na pangisda paadto ug paanhi sa suba ug tanan na, nagpadayon. Ug diin ang gigikanan sa kanser palibot sa tutunlan sa iyang tungol,

migahi na, aduna na'y buko nga mitig-a. Ang mga doktor, ang mga beterano sa maong hospital, nagsulti kaniya nga aduna sila'y cobalt treatment nga maoy moigo niana, aron mas daghang pagkaon ang matulon sa sunod-sunod. Naglisod siya pagtulon og mas daghang pagkaon, kinahanglan nga mokaon siya sa hinayhinay gayud. Miadto siya didto aron paoperahan kini. Wala ako kahibalo nga atua siya didto.

⁴⁴⁷ Dayon sa dihang ila siya nga gioperahan, nahibaloan nga nakapa-konbulasyon kini kaniya, ug na-stroke siya. Naparalisado ang iyang kilid nga bahin paubos sama niana. Ug ang butang lamang nga iyang mahimo mao ang medyo paghilak. Ug aduna siya'y lapis, sama *niana*, ug mosugod og, "uh, uh, uh." Ug gisulayan niya pagsulat, nagakurog-kurog nga sama niana, sa iyang maayo pang kamot. Ang iyang wala nga bahin, paralisado na. Ug gisulat niya, sa iyang kamot: "Si Jesus ang nagaluwas, 1900 ug mga ingon niana." Dili nila makuha kini.

⁴⁴⁸ Mao nga karon sa pag-ingon sa iyang asawa, "Igsoong Branham, wala ako mahibalo kung unsa ma'y iyang buot ipasabot niana."

⁴⁴⁹ Miingon ako, "Mrs. Rogers, ang buot niyang ipasabot, kadto'y 1900 ug mga ingon niana, nga siya naluwas ug gibautismohan sa Ngalan ni Jesus didtong dapita. Mao na kana ang resulta karon. Wala siya nahadlok nga mamatay."

⁴⁵⁰ Miingon ako, "Ginoong Dios, lugwayi pa ang iyang kinabuhi. Ginaampo ko kini, sa Ngalan ni Jesus, nga Imo pang lugwayan ang iyang kinabuhi." Gipandongan ko siya. Nawala ang iyang pagkaparalisado. Miundang ang pagka-konbulasyon. Ug mibangon na siya sa maong higdaanan. Ug nakatindog na siya karon, nagahatag og testimonyo.

⁴⁵¹ Ipuno sa imong pagtoo, ang kaligdong; ipuno sa imong kaligdong, ang kahibalo; sa imong kahibalo, ang pagpugong sa kaugalingon; sa pagpugong sa kaugalingon, ang pagpailub; sa imong pagpailub, ang pagkadiosnon; sa imong pagkadiosnon, ang gugma nga inigsoon; ngadto sa imong gugma nga inigsoon, ang Balaan nga Espiritu, ug moabot na si Cristo. Tungod kay, sa ubos lang kaniya. . . Ang Balaang Espiritu mao ang Espiritu ni Jesus Cristo pasulod sa Iglesia, aron sa pagpadayag niadtong maong mga maayong gawi. Oh, sus!

Ania na, alas dose kinse na.

I love . . . I love Him
Because He first loved me,

Sa pinakaubos *dinhi*, sa wala ka pa nahimong sa kung unsa man.

And pur- . . . (Unsa ma'y Iyang gibuhat?) . . . my
salvation
On Calvary's tree.

Giunsa man nga nahimo akong *ingon niini*? Tungod kay Iya akong gihigugma, una.

I love Him, I love Him
Because He first loved me... (Ania ang hinungdan.)
And purchased my salvation
On Calvary's tree.

⁴⁵² Nagasaad ako, niining buntaga, ngadto Kaniya, uban sa tibuok kong kasingkasing, nga, pinaagi sa Iyang tabang ug pinaagi sa Iyang grasya, akong ginaampo nga akong paninguhaon sa matag adlaw, sa walay paghunong, hangtud nga ako nang mabati ang matag usa niining maong mga gikinahanglan nga nagadagayday na niining gamayn'g karaan na nga bantayog ko, hangtud nga mamahimo na akong usa ka pagkapinadayag sa buhi nga Cristo. Tungod kay, nahimo Siya nga sala sama kanako, aron nga mamahimo akong . . . mahiabot sa pagkamatarung sa Dios, sama Kaniya. "Iyang gikuha ang akong puwesto; Ginoo, tugoti nga kuhaon ko usab ang Iyang dapit karon." Tungod kay, mao kana ang katuyoan sa Iyang pagkamatay. Pipila man ang mosaad sa mao ra gihapong butang, pinaagi sa grasya sa Dios? [Ang kongregasyon nagaingon, "Amen."—Ed.] Samtang nagduko ang atong mga ulo karon, ug nakataas ang atong mga kamot. "Akong . . ."

⁴⁵³ Akong ginasaad kini, Ginoo, ginasaad kini sa niining iglesia, "Ang kahupnganan sa bantayog ni Jesus Cristo!"

Because He first loved me
And purchased my salvation
On Calvary's tree.



ANG BANTAYOG SA USA KA HINGPIT NGA TAWO CEB62-1014M
(The Stature Of A Perfect Man)


Kining Mensahe ni Igsoong William Marrion Branham, una giwali sa Ingles niadtong Dominggo sa buntag, Oktobre 14, 1962, sa Branham Tabernacle sa Jeffersonville, Indiana, U.S.A., gibalhin gikan sa magnetikong teyp rekording ug gipatik nga walay nakulang sa Ingles. Kining Cebuanong hubad pinatikan na ug gipang-apodapod sa Voice of God Recordings.

CEBUANO

©2010 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

ANG BANTAYOG SA USA KA HINGPIT NGA TAWO



IKADUHANG PEDRO 1:1-8

MGA BUHAT 7:44-49, MGA HEBREOHANON 10:5, MATEO 5:48

MGA TAGA-EFESO 4:11-15, MGA HEBREOHANON 11:32-40

Kini ang kopya sa drowing nga gi-drawing ni Igsoong Branham sa iyang pisara ug nga iyang ginapahinungdan sa tibuok niining maong Mensahe.

Pahibalo Bahin Sa Katungod Sa Pagmantala

Ang tanang katungod sa pagmantala iyaha lamang sa tag-iya. Kining basahona mahimong i-print sa printer sa balay alang sa personal nga gamit o sa pagpang-apod-apod, nga walay-bayad, ingon nga usa ka instrumento sa pagpakaylap sa Ebanghelyo ni Jesus Cristo. Kining basahona dili mahimong ibaligya, kopyahon nga pang-dinaghan, i-post sa website, i-store sa usa ka retrieval system, ihubad sa ubang pinulongan, o gamiton sa pagpangayo og mga amot nga walay ginapagawas nga kasulatan nga pagpahanugot gikan sa Voice Of God Recordings®.

Alang sa dugang nga mga kasayuran o alang sa uban pa nga ginapang-apod-apod nga mga materyales, mahimong kontakon ang:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org